


# Lačho lafi taro Luka



The Gospel According to Luke in the Gurbet dialect of Vlax  
Romani

# **Lačho lafi taro Luka**

## **The Gospel According to Luke in the Gurbet dialect of Vlax Romani**

copyright © 2018 Pioneers

Language: Gurbet (Romani, Vlax)

Dialect: Gurbet

Translation by: Pioneers

### **DRAFT VERSION**

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2022-11-11

---

PDF generated using Haiola and XeLaTeX on 11 Nov 2022 from source files dated 11 Nov 2022

9c40ddbf-b9d4-5e38-a96e-a0843fd7db6d

## Contents

Luka . . . . .	1
----------------	---

## Lačho lafi taro Luka

Kava si Lačho Lafi savo pisisada manuš palo alav Luka, savo sasa doktori, misionari savo phirda e apostolesa e Pavlesa (dikh Kol 4,14; Flm 24; 2. Tim 4,11) thaj ni sasa Jevrejo. Kava lil sikavol e Isuseso bijandipe, leso džuvdipe, sikajipe, čudesura, thaj meripe ko krsto, uštipe tare mule thaj leso vazdipe ko nebo. Jekh tare glavno tema kale Lače Lafesi si kaj o Isus pherol e obećanjura save o Dol dija e Izraelese ani Purani Sovli kaj o Radosno haberij naj samo e Jevrejendje nego i paše manuša save naj Jevreja. Ane kava lil taro Lačho Lafi sikada tare but teme, gothe uključil pe i molitva, o Duxo Svetu, radujipe, zahvalnost thaj e pare. Kava lil gija sikavol sar o Isus sastarda thaj oprostisada bute manušendje, gothe si kola so sesa but nasvale il opsednutime bengenca, čororen, bezehalen, čhudime manušen thaj bute džuvljen. O Luka kava pisisada, khatende paše o 65 berš palo Hrist.

### *O Luka bičhalol lil e Teofilese tare Isuseso džuvdipe*

<sup>1</sup> Sar so džane but džene lije te pisin tar okova so sasa\* so o Dol obećisada prekale prorokura, a čerdilo maškar amende. <sup>2</sup> Pisisade amendje kola save korkore dikhlije vadži tare anglune đivesa thaj čerdile sluge e Devlese Lafese, <sup>3</sup> gija i me, mangleja Teofile, tuće pisiv sa redasa, golese so sa taro anglunipe ispitujisadem. <sup>4</sup> Gija ka ave uverimo da okova so sikade tut tare Hristoso džuvdipe si čačipe.

### *O meleko vaćarol taro bijandipe e Jovaneso e krstiteljeso*

<sup>5</sup> Ano vreme e Irodeso o caro e Judejako sasa nesavo svešteniko tare Avijinaso redo,† akhardola Zaharija, thaj lesi romni sasa taro pleme e Aaroneso, savi akhardola Jelisaveta. <sup>6</sup> A sesa solduj čačutne anglo Dol, thaj živisade palo vaćaripe thaj palo zakono e Gospodeso bizo nisavo bilačipe. <sup>7</sup> Len naj sasa čhave, golese kaj i Jelisaveta naštine te ačhol khamni, a solduj džene sesa već purane.

<sup>8</sup> Thaj jekh đive, o Zaharija kandija e Devle ano Hram golese kaj palo dužnost sasa leso redo, <sup>9</sup> kaj palo adeti e sveštenikurengi birisade le barbutosa te džal e Devlese te kadil ano Svetište e Gospodeso.‡ <sup>10</sup> Thaj but manuša sesa

\* **1,1** ispunisajlo † **1,5** O Avija sasa šorutno tar kaja grupa sveštenikura thaj sa von sesa kuštika (čhave) e Aaroneso, savo sasa angluno izraelsko sveštenikovo (dikh 2. Dnev 24). ‡ **1,9** E sveštenikura trubuje te phabaren guglo-mirišljavo tamjano sar anipe (prinos) e Devlese svako sabalje thaj rat ko oltari savo si posebno andre ano Hramo.

avral thaj molisajle e Devlese kana o Zaharija dija te kadil  
ano Hram.

<sup>11</sup> A e Zaharijase sikadilo o meleko e Gospodeso savo  
ačhilo ki desno rig taro oltari e kadimaso. <sup>12</sup> Thaj kana  
dikhlja le o Zaharija but darajlo.

<sup>13</sup> Al o meleko vaćarda lese: "Ma dara, Zaharija! Golese  
kaj či molitva si šundi, thaj či romni i Jelisaveta ka bijanol  
murše. Tu ka dele alav Jovan. <sup>14</sup> Thaj tu ka ave radosno  
thaj bahtalo, thaj but džene ka aven blagoslovime lese  
bijandimasa. <sup>15</sup> Golese kaj ka avol baro anglo Gospod, thaj  
ni ka pijol mol thaj zuralo pijipe, thaj ka pherdol e Svetone  
Duxosa dok si ano vođi pe dako. <sup>16</sup> Thaj vov bute čhaven e  
Izraelese ka iril anglo Gospod lengo Dol. <sup>17</sup> Thaj vovš ka džal  
anglo Gospod sar manuš savo anol o haberि ano duxo thaj  
ano zuralipe sar o Ilija o proroko. Ka miril e ile e dadendě  
premale e čhave, thaj okola so ni šunen e Devle te aven  
godaver sar e manuša save čeren okova so o Dol phenol da  
si šukar. Sa kava ka čerol te pripremil e manušen te šaj  
aven spremna e Gospodese avimase."

<sup>18</sup> Thaj vaćarda o Zaharija e melekose: "Pal soste me gova  
ka đanav? Golese kaj sem purano thaj mi romni si bute  
beršendđi."

<sup>19</sup> Thaj phenda e Zaharijase o meleko: "Me sem o Gavrilo  
savo ačhav anglo Dol.\* Bičhaldo sem te vaćarav tuće kava  
lačho lafi. <sup>20</sup> Thaj akh, golese so ni pačajan an me lafura ka  
ave laloro thaj ni ka vaćare dži gova đive dži kaj sa gova ni  
čerdol, thaj me lafura ka pherdon."

<sup>21</sup> Thaj avral e manuša ađućarde e Zaharija, thaj čudisajle  
sose gaći majisajlo ano sveto than e hrameso. <sup>22</sup> A kana iklilo  
o Zaharija naštine te vaćarol. Vov dija len znakura golese  
kaj sasa laloro, thaj e manuša haljarde kaj dikhlja dičhipe  
dži kaj sasa ano sveto than e hrameso.

<sup>23</sup> Thaj kana nakhle e đivesa tar leso kandipe ano Hramo  
o Zaharija đelo čhere. <sup>24</sup> A pale kala đivesa ačhili khamni  
i Jelisaveta lesi romni, thaj ni iklili avral pandž čhon† thaj  
vaćarda: <sup>25</sup> "Gija čerda mande o Gospod ane kala đive kaj  
pelo lese žal mande! Uljarda mandar kaja lađ maškare  
manuša kaj ni sasa ma čhave."

### *O meleko vaćarol taro bijandipe e Isuseso*

<sup>26</sup> A kana i Jelisaveta sasa šovto čhon khamni o Dol  
bičhalda e meleko e Gavrilo ano cikno foro Nazaret ani

§ 1,17 O Jovan \* 1,19 savo ačhav anglo Dol Ano original ačhol: "save ačhen  
anglo Dol". Kava si phendo sar ukor e Zaharijase. Prisutnost e Gavriloso, savo  
avol taro Dol, bi trubula te avol dovoljno dokaz e Zaharijase. † 1,24 Pale  
pandž čhon ka pindardol kaj si khamni.

Galileja. <sup>27</sup> Ki jekh čhej Marija savi sasa mangli romese e Josifese savo sasa tari kuštik e carosi e Davidesi. <sup>28</sup> Thaj avilo late o meleko o Gavrilo thaj phenda: "Av radosno, so arakhljan milost. O Gospod si tusa. Blagoslovimi san maškare džuvlja!"

<sup>29</sup> A voj kaj dikhla e meleko darajli tare lafura lese thaj dija godi savo sasa kava pozdrav? <sup>30</sup> Thaj phenda lače o meleko: "Ma dara, Marije! Golese kaj arakhljan milost anglo Dol.<sup>‡</sup> <sup>31</sup> Akh, ka ačhe khamni, thaj ka bijane čhave, thaj ka dele alav Isus.<sup>§</sup> <sup>32</sup> Vov ka avol baro, ka akhardol Čhavo Embareso, thaj ka dol le o Gospod o Dol autoritet te vladil sar caro, sar o David tar lesi kuštik so čerda. <sup>33</sup> Thaj ka caruil ane kuštika e Jakovese sa e dživesa, thaj lese carstvoe ni ka avol krajo."

<sup>34</sup> A i Marija pučlja e meleko: "Sar ka avol gova kana sem me vadži čhej?"

<sup>35</sup> Thaj vaćarda lače o meleko o Gavrilo: "O Dux Sveti ka avol pe tute, thaj o Zuralipe e Embareso ka učharol tut. Golese kaj gova so ka bijandol ka avol sveto, thaj ka akhardol Čhavo e Devleso. <sup>36</sup> Thaj akh, či bibi thaj voj ačili khamni ane purane berša i ka bijanol murše. Thaj voj savi naštine ačhol khamni, akana si šov čhon khamni. <sup>37</sup> Golese kaj o Dol šaj sa so phenol!"

<sup>38</sup> A i Marija phenda: "Ake i me sem sluškinja e Gospodaresi. Nek avol palo čo lafi!" Thaj o meleko đelo latar.

### *I Marija džal te dičhol e Jelisaveta*

<sup>39</sup> A i Marija pale gola dživesa spremisajli thaj siđarda ani bregali phuv ano foro e Judejako. <sup>40</sup> Kana resli odori, đeli ano čher e Zaharijaso, thaj pozdravisajli e Jelisavetaso. <sup>41</sup> Thaj kana i Jelisaveta šunda o pozdrav e Marijako, čhelda o čhavo ane lako vođi, thaj i Jelisaveta pherdili Svetu Duxo. <sup>42</sup> Thaj ane sa o glaso vaćarda e Marijače: "Em blagoslovimi san maškare sa e džuvlja, thaj blagoslovimo o čhavo an čiro vođi. <sup>43</sup> Kotar mande kava čast kaj tu i dej me Gospodaresi aviljan ke mande? <sup>44</sup> Golese dikh, kana šundem čo pozdrav ane mingre kana, čhelda o čhavoro ane mo vođi. <sup>45</sup> Thaj blago tuće so pačajan kaj ka čerdol kova so vaćarda tuće o Gospod!"

### *I Marija slavil e Devle*

<sup>46</sup> Thaj i Marija vaćarda:

<sup>‡ 1,30</sup> arakhljan milost anglo Dol Idiom "naći milost" značil te ave pozitivno prihvativmo nekastar: "O Dol odlučisada te dol tut po milost" li "O Dol sikavol po ljubaznost." <sup>§ 1,31</sup> Alav "Isus" značil: o Gospod spasil.

“Slavil mi duša mingre Gospod!

47 Thaj mo dux veselil pe ano Dol mingro o Spasitelji,

48 so sasa milostivno e poniznonaće sluškinjače,

golese dikh, od akana ka akharen ma blagoslovimi sa e manuša.

49 Golese so čerda mande but šukaripe o Zuralo Dol,  
sveto si leso alav!

50 Vov si milostivno sa e manušendje tare sa e kuštika  
save daran lestar.

51 Sikada po zuralipe pe vastesa,  
čhudija e barikanen ane mislura lendže ilendje.

52 Čhudija e vladaren taro lengo tron,  
thaj vazdija e teljarden.

53 E bukhalen čajjarda šukarimasa,  
thaj e barvalen mukhlja čuče vastencar.

54 Pomožisada e Izraele čire sluga  
te dolpe godi taro milost,\*

55 sar so vaćarda amare kuštikendje,  
e Avraame, thaj lese semese dži ko poslednjo đive.”

56 Thaj i Marija bešli e Jelisavetasa paše trin čhon, thaj pale gova irisajli čhere.

### *Bijandilo o Jovan o Krstitelji*

57 A i Jelisavetaće avilo o sato te bijanol thaj bijanda čhave. 58 Thaj kana šunde laće pašutne thaj lačhi familija kaj o Gospod sikada laće baro milost, radujisajle lasa.

59 Thaj kana o čavoro sasa ohtoto đive, avile te čeren le suneti thaj manglje te den le alav Zaharija. 60 I Jelisaveta vaćarda: “Na, leso alav ka avol Jovane!”

61 Thaj phende lačhe: “Naj tut khoni ani čiri familija gole alavesa!” 62 Thaj pučlje e dade e Zaharija vastencar sar bi vov mandola te dol leso alav. 63 Thaj o Zaharija manglja khanči pe soste šajine te pisil, thaj pisisada: “Jovan ka avol leso alav.” Thaj savore čudisajle. 64 Thaj o Zaharija lija te vaćarol, thaj lija te slavil e Devle.

65 Thaj i dar e Devlesi avili ane sa e pašutne lendže, thaj ki sa i bregali Judeja šundilo kava so sasa. 66 Thaj savore dije godi tar gova:† “So ka avol tar kava čhavo? Golese so o va e Gospodeso sasa pe leste.”‡

---

\* 1,54 O Dol našti bistrol. Kana o Dol “dolpe godi”, gova si idiom savo značil kaj o Dol delujil ko temelji ke okova so obećisada. Kava vaćarol tare Devleso obećanje e Avraame (“golese so obećisada amare kuštikende kaj ka avol milosrdno”). † 1,66 Ano orginal ačhol: čhute ano ilo ‡ 1,66 o va e Gospodeso sasa pe leste Izraz “va e Gospodeso” odnosilpe pe Gospodeso zuralipe. “E Gospodeso zuralipe sasa lesa” il “O Gospod čerda ane leste zurale”.

*O Zaharija prorokujil taro po čhavo o Jovane thaj taro Mesija*

67 Thaj o Zaharija, o dad e Jovaneso, pherdilo e Svetone Duxosa thaj prorokuisada:

68 "Blagoslovimo o Gospod o Dol e Izraeleso  
so avilo thaj ikalda pe§ manušen!"

69 Thaj vazdija amendē e zurale Spasitelje.\*  
tari kuštik e Davidesi† pire slugasi,

70 sar so vaćarda  
andare muja tare sveta prorokura pire ano purano vreme

71 kaj ka ikalol amen tare amare dušmanura  
thaj tare vasta‡ save mrzin amen.

72 Savo sasa milosno amare kuštikendē,  
thaj ispunisada po sveto savez§,

73 savez savo dija e Avraame se amare paradadese.

Kaj ka dol amen

74 te ikala amen tare vasta amare dušmajendē,  
thaj te kanda e Devle bizi dar,

75 ano svetost thaj ano pravednost angle leste sa dok sam džuvde.

76 A tu, Jovane mo čhavo, ka akhardo proroko Embareso golese kaj ka đa anglo Gospod te ĉere lesu drumo.

77 Ka sikave lese manušen sar te pindžaren o spasenje prekalo oproštenje tare lendže grehura.

78 Golese so si e Devleso ilo šukar,  
ka avol o svetlost\* pe amende sar nevi sabalin,

79 te svetlil kolendē so si ano kalipe† thaj ani sena e merimasi,

a amare pingre ka phiren ko drom taro mir."‡

§ 1,68 ikalda pe "počinda, otkupisada" \* 1,69 e zurale Spasitelje Ano original ačhol: "šing-rog spasenja amendē". I šing e životinjendī sasa simboli taro blagoslovimo zuralipe te branin pe. O Mesija vaćarol vov si sar i šing savi isi la zuralipe te spasil o Izrael sar "savo šaj te spasil amen". † 1,69

Ano original ačhol: "ano čher lese slugasi e Davidese". E Davideso "čher" kate sikavol lese familija, tačno, lese kuštika: "ani familija lese slugasi e Davidesi" li

"savo si tari kuštik tar lesu kandino o David". ‡ 1,71 vasta predstavil zuralipe save bilačhe manuša koristin protiv e Devleso narodo. § 1,72 Ano original

ačhol: "Savez" dikh: Ps 106,45–46 \* 1,78 svetlost Svetlo si često metafora pašo čaćipe. Kate vaćarol pe taro duxovno čaćipe savo o Spasitelj ka dol sar

iklige e khameso savo sikadol ki phuv. DikhMal 4,2. † 1,79 kalipe Kate si i tama metafora pašo odsutnost taro duxovno čaćipe. Kate e manušendē savende nedostajil duxovno čaćipe vaćarol sar te phene bešen ano kalipe: "manuša save ni džanen o čaćipe". ‡ 1,79 drom taro mirsi metafora pašo đuvdi pe savo anol dži gova sar manuš te avol le mir e Devlesa: "te avol mirno an po džuvdipe" il

"te phire ko drom savo inđarol ko mir".

<sup>80</sup> A o čhavoro o Jovane barilo thaj zurajlo duxosa. Thaj đelo ani pustinja sa dži kaj ni iklilo angle Izraelcura te vaćarol o Lafi e Devleso.

## 2

### *E Isuseso bijandipe*

(Mt 1,18–25)

<sup>1</sup> Ane gola đivesa kana bijandilo o Jovan o Krstitelji iklilo o vaćaripe e caroso e Avgustineso te popisin pe sa e manuša ano Rimsko carstvo. <sup>2</sup> Kava sasa angluno popis kana o Kvirinije vladisada e Sirijasa. <sup>3</sup> Thaj savore pojdisade te pisin pe alava ko spisko, ko foro kaj bešle lendže kuštika.

<sup>4</sup> Gija o Josif sasa tari familija tari kuštik e Davidesi, pojdisada taro Nazaret ani Galileja ane Davideso foro savo akhardol Vitlejem savo si ani phuv i Judeja,\* <sup>5</sup> te pisil po alav ko spisko e Marijasa, savi sasa mangli lese, thaj voj sasa khamni. <sup>6</sup> Thaj kana sesa ano Vitlejem, avilo o vreme i Marija te bijanol. <sup>7</sup> Thaj bijanda čhave pe anglune, thaj pačarda le, čhuta le ani balija,<sup>†</sup> golese kaj naj sasa than ani gostonica.<sup>‡</sup>

### *E čobanura thaj e melekura*

<sup>8</sup> Thaj sesa e čobanura ane goja phuv pašo Vitlejem save arakhlje ke poljura raćasa pe bakren. <sup>9</sup> Thaj dikh, o meleko e Gospodeso ačhilo maškare lende, thaj e Gospodaresi slava svetlisada len, thaj von but darajle. <sup>10</sup> Thaj o meleko vaćarda lendže: “Ma daran! Dikh, anav tumendē lačho lafi e radujimaso so ka avol sa e manušende! <sup>11</sup> Golese kaj avđive bijandilo o Spasitelj, savo si Hristos, o Gospod, ano foro kaj sasa bijando o caro o David. <sup>12</sup> Thaj ake, tumendē znako pal savo ka pindžaren le: ka aračhen čhave savo si pačardo thaj pašljol ani balija.”

<sup>13</sup> Thaj tari jekh drom pašo meleko sikadili bari vojska melekura<sup>§</sup>, save hvalina e Devle vaćarindoj:

<sup>14</sup> “Slava e Devlese ko učipe,

thaj ki phuv mir maškare manuša save si pale Devleso mandjipe.”

<sup>15</sup> Thaj kana e melekura đele lendar ano nebo, e čobanura phende jekh averese: “Ka đa dži o Vitlejem, te dikha gova so odori sasa sar so vaćarda amendē o Gospod.”

---

\* <sup>2,4</sup> Vitlejem Iako o Vitlejem sasa cikno foro, gothe o caro o David sasa bijando i sasa proročtvo kaj o Mesija ka bijandol gothe (Mih 5,2). † <sup>2,7</sup> Than ano savi čhuvola pe pus thaj bobo e stokaće ‡ <sup>2,7</sup> “naj sasa than lendže dujendē te ačhen ani soba e gosturendi.” Golese so verovatno avile but manuša ano Vitlejem te pisin pe ko spisko. § <sup>2,13</sup> Ano orginal ačhol: Vojska e nebosi.

<sup>16</sup> E čobanura đele sigate, thaj arakhlje e Marija thaj e Josife, thaj e čhave sar pašljol ani balija. <sup>17</sup> Thaj kana dikhle le, savorende vaćarde so o meleko lendže vaćarda taro čavoro. <sup>18</sup> Thaj savore save šunde e čobanuren divisajle. <sup>19</sup> A i Marija dija godi tar kala lafura, thaj čhuta len ane po ilo.\* <sup>20</sup> Thaj irisajle e čobanura thaj slavisade thaj hvalisade e Devle za sa so šunde thaj dikhle, golese so pherdile sa e lafura sar so sasa lendže phendo.

<sup>21</sup> Thaj ohtoto đive sar bijandilo o čavoro avilo o vreme te čeren le suneti,† thaj dije le alav Isus, sar so vaćarda o meleko angleder so i Marija ačhili khamni.

### *I Marija thaj o Isus ko Hram palo Zakono*

<sup>22</sup> Thaj kana avilo o đive o Josif thaj i Marija te džan palo adeti e thodimaso e Marijako, palo zakono e Mojsijaso, ande e čavore ano Jerusalim ano Hram te preden le e Gospodese <sup>23</sup> (sar so si pisimo ano zakon e Gospodeso kaj: "Svako čavo murš savo putrol e dejako por te posvetil pe e Gospodese") <sup>24</sup> thaj te anen kurbano (sar e Gospodeso zakono phenol, "duj grlice il duj terne golubura").

### *O Simeon pindarda e Mesija*

<sup>25</sup> Thaj dikh, sasa ano Jerusalim manuš kaso alav sasa Simeon, thaj gova manuš sasa pravedno, thaj pobožno, savo ađućarda o Mesija te ikalol o Izrael‡ taro ropstvo thaj o Dux Sveti sasa pe leste. <sup>26</sup> Thaj o Dux Sveti sikada lese but angleder kaj ni ka merol sa dži kaj ni dičhol e Hristo e Gospodeso. <sup>27</sup> Thaj o Duxo vaćarda lese te džal ano Hram.§ O Josif thaj i Marija ande e čhave e Isuse ano Hram te čeren okova so si palo adeti ane Mojsijaso zakono, <sup>28</sup> a o Simeon dikhla e Isuse thaj lija le ke pire vasta, thaj hvalisada e Devle thaj phenda:

<sup>29</sup> "Gospode, akana muk ano mir te merol čo sluga, palo okova sar so phendan.

<sup>30</sup> Golese so me jakha dikhle o spasipe čiro\*

<sup>31</sup> savo čerdan angle sa e manuša.

\* **2,19** I Marija smatrisada gova so sasa phendo tar lako čavo sasa dragoceno: "radosno, brižljivo dola pe godi pe gola lafura". † **2,21** suneti Zakonura save o Dol dija e Jevrejendje te čeren suneti murše čhave thaj gova određeno kurbano savo o dad em i dej trubul te anen (3. Mojs 12,3). ‡ **2,25** Ano original ačhol: "Ađućarda uteha e Izraelese." § **2,27** ano Hram "ani hramske avlin." Samo e sveštenikura šajine te den ano Hram. \* **2,30** o spasipe čiro "Spasenje" vaćarol taro manuš savo ka anol spasenje (čavore e Isuse) save o Simeon īcarol: "Spasitelji savo si bičhaldo" il "kova kas tu bičhaldan te spasil amen".

32 Vov si svetlo<sup>†</sup> savo ka avol pe manuša save ni džanen e Devle,  
thaj vov ka avol ki slava pire manušendje e Izraelese.”

33 Thaj e Isusesi dej thaj leso dad sesa čudime so vaćarda o Simeon taro Isus. 34 Thaj blagoslovisada len o Simeon, thaj vaćarda e Marijače lese daće: “Dikh, o Dol odredisada kale čavore te peravol buten Izraelcuren thaj te vazdol.<sup>‡</sup> Vov si odredimo te avol e Devleso znako, al but džene ka odbacin le. 35 Thaj gija ka sikadol so garandoj den an pe gođa. A tut i bari čurik<sup>§</sup> ka pusavol ani duša.”

### *I Ana zahvalil e Devlese pašo Mesija*

36 Thaj sasa i Ana e Devlesi proročica, čhej e Fanuilosi, tari kuštik e Asireso.\* Voj sasa but phuri, efta berš sasa pe romesa thaj lako rom mulo,<sup>†</sup> 37 thaj pale gova sasa udovica ohtovardeš thaj štar berš, savi ni đala taro Hram, kandija e Devlese i rat thaj o đive, thaj postisada thaj molisada. 38 Thaj ane gova sato avili, hvalisada e Devle thaj vaćarda taro čavoro savorende save adućarde o Dol te ikalol<sup>‡</sup> o Jerusalim.<sup>§</sup>

39 Thaj o Josif em i Marija kana čerde sa palo zakono e Gospodeso, irisajle ani Galileja ane po foro o Nazaret. 40 A o čavo barilo thaj zurajlo, thaj pherdilo butdžanglipe, thaj o šukaripe e Devleso sasa ane leste.

### *O Isus sar čavoro ano Hram*

41 E Isuseso dad thaj lesi dej đele svako berš ano Jerusalim ko baro đive ki Pasha. 42 Thaj kana sasa e Isuse dešuduj berš, i vov đelo palo adeti te svetkujil lencar o baro đive i Pasha ano Jerusalim. 43 Thaj kana nakhle gola đivesa von irisajle čhere. O čavoro o Isus ačhilo ano Jerusalim, a gova ni džanglje lesi dej thaj leso dad. 44 Dije godi kaj si i vov lencar maškare avera manuša save putujisade lencar. Đele jekh đive phirindoj thaj lije te roden le ki familija thaj ke pire piñdarutne manuša. 45 Thaj kana ni arakhlje le irisajle ano Jerusalim te roden le. 46 O trito đive arakhlje

<sup>†</sup> 2,32 svetlo Kaja metafora značil kaj o čavoro ka pomožil e manušendje te dičhen thaj te razumin ko isto sar o svetlo pomožil e manušendje šukar te dičhen. <sup>‡</sup> 2,34 te peravol ... te vazdol “Te perol” značil te crdol pe taro Dol, te avol osudimo il te avol uništimo, a te vazdol značil te avol po paše e Devlese, te avol blagoslovimo il spasimo. <sup>§</sup> 2,35 Kaja metafora sikavol bari žal savi i Marija ka osetil: “Ći žal ka avol gaći dukhadi sar i bari šurik (mač) savi pusavol čo ilo.” <sup>\*</sup> 2,36 O Asir sasa jekh tare dešuduj čhave e Jakovese.

<sup>†</sup> 2,36 Kava šaj te značil (1) voj sasa udovica 84 berš il (2) voj si udovica savi si akana purani 84 berš. <sup>‡</sup> 2,38 otkupil <sup>§</sup> 2,38 Jerusalim Kava značil “kova savo ka ikalol o Jerusalim” il “vov ka anol e Devleso blagoslov thaj naklonost palal ano Jerusalim” (dikh Is 52,9).

le ano Hram sar bešol maškare učitelja, thaj šunol len, thaj pučol len. <sup>47</sup> Thaj savore save šunena e Isuse divisajle lese danglimasa thaj lese irimasa o pučipe.

<sup>48</sup> Thaj kana dikhle le čudisajle, thaj lesi dej pučlja le: "Čhaveja! So ĉere amencar kava? Akh me thaj ĉo dad daraljam thaj rodijam tut!"

<sup>49</sup> Thaj o Isus vaćarda lendže: "Sose rodijen man? Ni li džanen kaj trubul te avav ano ĉher me Dadeso?"\* <sup>50</sup> Thaj von ni haljarde so vov manglja te phenol lendže.

<sup>51</sup> Thaj lencar avilo ano Nazaret, thaj sa šunola len. Thaj lesi dej sa kala lafura garada ane piro ilo.† <sup>52</sup> Thaj o Isus barola ano butdžanglipe thaj ano baripe‡ thaj ano milost ko Dol em ke manuša.§

### 3

#### *O Jovan o Krstitelji ĉerol o drom (Mt 3,1–12; Mk 1,2–8; Jn 1,19–28)*

<sup>1</sup> Kana o cezar o Tiberija vladisada po rimske carstvo dešupandžto berš,\* thaj o Pontije o Pilat o upravniko vladisada ani Judeja, thaj o Irod vladisada ani Galileja, thaj o Filip lesu phral vladisada ani Itureja thaj ani Trahonitada, thaj o Lisanije vladisada ani Avilina,† <sup>2</sup> a e šorutne sveštenikura sesa o Ana thaj o Kajafa,‡ thaj o Dol bičhalda po lafi e Jovanese e Zaharijase čhavese ani pustinja. <sup>3</sup> O Jovane ĩelo taro than dži ko than tare solduj riga tari len e Jordanesi,

---

\* <sup>2,49</sup> Ni li džanen kaj trubul te avav ano ĉher me Dadeso? Leso dad thaj lesi dej trubuje te džanen i svrha zaki savi bičhalda le lesu Dad taro nebo. Ane 12 berš o Isus o Čavo e Devleso haljarda (razumisada) kaj o Dol lesu pravo Dad (na o Josif, e Marijako rom). † <sup>2,51</sup> sa kala lafura garada ane piro ilo Tare sa i Marija so šunda, vaćarol pe kaj si sar barvalipe savo voj arakhlja thaj vrednujisada: "Ano šukaripe dija godi tar sa kala buča". ‡ <sup>2,52</sup> barola ano butdžanglipe thaj ano baripe "Avola sa po džanglo i po zuralo." Kava vačarola pe tar lesu mentalno thaj fizičko baripe (rast). § <sup>2,52</sup> ano milost ko Dol em ke manuša Kava vaćarol taro dukovno thaj društveno rast (baripe). Kava šaj bi vačarola pe: "O Dol blagoslovisada le sa po but em po but, thaj e manuša manglje le sa po but thaj po but." \* <sup>3,1</sup> Pale amaro kalendari ano 27 il 28 berš.

† <sup>3,1</sup> O Irod, o Filip thaj o Lisanije sesa "tetrahura". Lafi "tetrarh" odnosil pe po manuš tari vlada savo vladila pe nesavo kotor taro Rimsko carstvo. Di jekh tetrarh sasa taro autoritet e rimskone caroso. O carstvo e Irodeso o "Baro", savo sasa caro ko vreme e Isuseso bijandipe, sasa ulado ke štar kotora pale lesu meripe, a gole kotorencar vladisade lese čhave sar "tetrahura" il "vladarura taro štarto kotor". Sa jekh kotor sasa le jekh il po but cikne kota save akhardona provincije, sar so sesa i Galileja thaj i Samarija. ‡ <sup>3,2</sup> a e šorutne sveštenikura sesa o Ana thaj o Kajafa "Kana o Ana thaj o Kajafa kandije solduj sar baresveštenkura." O Ana sasa barosvešteniko, a e jevreja gija pindarenia sa le čak i kana e Rimjanura čhute lese đamutre, e Kajafa, te zamenil le sar

vaćarindoj kaj e manuša trubul te irin pe tar pe grehura thaj te aven ko Dol te oprostil lendže, thaj te krstin pe. <sup>4</sup> Sar so pisisada o proroko o Isaija, o Jovan sasa:

“O glaso so dol vika ani pustinja:

‘Ćeren o drom e Gospodese!

Ravnin lese o drom! §

<sup>5</sup> Sa e doline te pherdon,

thaj sa e gore thaj e bregura nek ravnin pe,\*

thaj sa e bande droma te aven prava,

a e bilačhe droma te aven ravnome.†

<sup>6</sup> Thaj sa e manuša ka dičhen e Devleso spasenje!””

<sup>7</sup> O Jovane vaćarda e manušendje save avena te krstil len: “Tumen e sapese čhave!‡ Ko vaćarda tumendje kaj šaj te našen tare Devlesi holi so avol?§ <sup>8</sup> Sikaven tumare džuvdimasa thaj tumare bućencar kaj irisajljen taro greh thaj aviljen anglo Dol!\* Ma hohaven tumen golesa so vaćaren: ‘Amaro Dad si o Avraam!†’ Golese vaćarav tumendje kaj o Dol šaj tar kala bara vazdol čhaven e Avraamese. <sup>9</sup> Golese kaj o tover tare Devleso sudo ačhol ano kaš karo koreno,‡ thaj svako kaš savo ni bijanol šukar bijandipe ka čhinol pe, thaj ani jag ka čhudol pe.”

<sup>10</sup> Thaj e manuša pučhlje e Jovane: “So te čera?”

<sup>11</sup> A o Jovane vaćarda lendže: “Kas isi duj fostanura nek dol jekh kolese so najle nijekh, thaj kas isi hamase nek dol okole kas naj.”

<sup>12</sup> Avile te krstin pe thaj i e carincura thaj pučhlje le: “Učitelju, so te čera amen?”

<sup>13</sup> A o Jovane phenda lendže: “Ma manden po but nego so vaćardo si tumendje taro vlast.”

<sup>14</sup> A e vojnikura pučlje le: “Amen so te čera?”

§ **3,4** E manuša kava čeren gijate so pokajin pe za ke pe grehura: “Pripremin tumen te šunen e Gospodeso lafi kana ka avol” il “Pokajin tumen em aven spremna o Gospod te avol.” \* **3,5** “von ka ravnin svako dolina thaj brego” il

“von ka crden sa so si bango ko drom” † **3,5** Kana e manuša čeren o drom e carose savo avol, peraven e uče thana thaj pheren e hva te šaj o drom avol lačho. Kava si kotor tar jekh metafora savi počnisada ko stih angleder kalestar.

‡ **3,7** bi šukar manušalen. § **3,7** O Jovan ukoril la sa e narodo, golese so rodije te krstil len sar te ni kaznil len o Dol, al von ni ačhile te čeren grehura: “Našti gija te našen tare Devleso gnjev” il “Našti našen tare Devleso gnjev gijate samo so ka aven krstime.” \* **3,8** Ano original ačhol: Bijanen bijandipe savo si dostoјno ko obraćenje. Ke akaja metafora o ponašanje e manušeso uporedil pe e bijandimasa. Sar tare luluda so ađućarol pe bijandipe savo si lačho za ki lači vrsta, taro manuš savo vaćarol kaj pokajisajlo lestar ađućarol pe te živil sar o Dol so rodol lestar. † **3,8** Mislisade kaj o Dol ni ka kaznil len golese so si o Avraam lendži kuštik. ‡ **3,9** O tover kate metafora zaki kazna savi sigate ka avol: “O Dol si sar manuš savo čhuta po tover po koreno e kaštengo.”

Thaj vaćarda lendže o Jovane: "Khanikastar ma len silasa e pare thaj ma čeren hohajpe pe nikaste§ thaj aven bahtale okolesa kober počinen tumen."

<sup>15</sup> E manuša adućarde e Mesija i savore pučlje pe ane pe ile naj li o Jovane o Mesija. <sup>16</sup> Thaj o Jovane vaćarda savorenđe: "Me krstiv tumen pajesa, al avol khoni savo si po baro mandar, kase naj sem dostoyno lese sandale te putrav.\* Vov ka krstil tumen e Svetone Duxosa thaj jagasa.† <sup>17</sup> Le isi vila‡ ane vasta, thaj ka čistil o gumno§ i ka čidol o điv an po ambari, a i pleva ka phabarol jagasa savi ka phabol thaj ni ka ačhol."\* <sup>18</sup> Thaj gija but aver lafura† vaćarda o Jovane e narodose sar te teril len te pokajin pe thaj phenda lendže o Lačho lafi.

<sup>19</sup> Thaj o Jovane prekorisada e Irode e vladare tari Galileja golese so lija romnjače pe phralese romnja e Irodijada,‡ thaj zbog but bi lačhe buča so čerda <sup>20</sup> pale sa gova o Irod i kava phenda: "Čhoven e Jovane ano phanglipe."

### *O Jovane krstil e Isuse*

(Mt 1,1–17; 3,13–17; Mk 1,9–11; Jn 1,32–34)

<sup>21</sup> Thaj kana o Jovane krstisada sa e manušen, thaj i o Isus krstisajlo, i dok o Isus molisajlo, putajlo o nebo, <sup>22</sup> thaj o Sveti Dux ulilo pe leste ano oblik sar golubo, thaj šundilo glaso taro nebo: "Tu san mo čhavo o manglo. Tu san pale mingro manglipe!"

### *E kuštika e Isuse Hristese*

(Mt 1,1–17)

§ **3,14** ma čeren hohajpe pe nikaste Il "ma optužin nikas xoxavne te bi dobina pare lendar." \* **3,16** Te putren pe e pertle tare sandale sasa bući e robosi. O Jovane vaćarda kaj okova savo avol si gaći baro kaj o Jovane naj vredno ni leso robo te avol. † **3,16** jagasa "Jag" si metafora il za ko (1) sudio il (2) pročišćenje.

‡ **3,17** Kava si alati savesa čhudola pe o điv ano vazduhu te bi odvojila pe i pleva taro điv. E zrnura si po phare pa perena tele, a e pleva em okova so naj điv letil e balvaljasa. Kava alati si slično sar e grabulje. § **3,17** Gumno si than kaj o điv čhuvol pe te spremil pe za čistipe. "Čistil pe" gumno značil te završil pe o čistipe e điveso: "te završil piro čistipe taro điv" \* **3,17** O Jovane vaćarol taro Hrist savo avol te sudil sar te phene kaj si vov zemljoradniko savo si spremno te delil e zrnura taro điv tari pleva: "a vov ičarol i vila golese so si spremno" il "vov si spremno te sudil sar o zemljoradniko spremno te vejil o điv". † **3,18** opomene ‡ **3,19** pe phralese romnja e Irodijada O Irod Antipas mukhlja pe prvine romnja thaj lija pe phralese romnja e Irodijada, savi sasa romni lese phralesi e Filipesi I (dikh Mt 14,3; Mk 6,17). Mojsijaso si zakono ano 3. Mojs 18,16; 20,21 zabranisada manuše se te lol romnjače pe phralese romnja dok si o phral vadži džuvdo.

<sup>23</sup> Thaj e Isuse sasa le paše tranda berš kana počnisada pi bući§ thaj e manuša smatrisade kaj si o Isus, čhavo e Josifeso.

O Josif sasa čhavo e Ilijaso.

<sup>24</sup> O Ilija sasa čhavo e Matataso,

O Matat sasa čhavo e Levijaso.

O Levi sasa čhavo e Melhijaso.

O Melhi sasa čhavo e Janejaso.

O Janej sasa čhavo e Josifeso.

<sup>25</sup> O Josif sasa čhavo e Matatijaso.

O Matatij sasa čhavo e Amoseso.

O Amos sasa čhavo e Naumeso.

O Naum sasa čhavo e Eslijaso.

O Eslija sasa čhavo e Nangejeso.

<sup>26</sup> O Nangej sasa čhavo e Maateso.

O Maat sasa čhavo e Matatijaso.

O Matatij sasa čhavo e Semeinaso.

O Semein sasa čhavo e Josiheso.

O Josih sasa čhavo e Jodaso.

<sup>27</sup> O Jod sasa čhavo e Joananaso.

O Joanan sasa čhavo e Risaso.

O Risa sasa čhavo e Zorovaveleso.

O Zorovavel sasa čhavo e Salatiilaso.

O Salatiil čhavo e Nirijaso.

<sup>28</sup> O Niri sasa čhavo e Melhijaso.

O Melhije sasa čhavo e Adijeso.

O Adija sasa čhavo e Kosamaso.

O Kosam sasa čhavo e Elmadameso.

O Elmadam sasa čhavo e Iroso.

<sup>29</sup> O Ir sasa čhavo e Isuseso.

O Isus sasa čhavo e Eliezereso.

O Eliezer sasa čhavo e Jorimaso.

O Jorim sasa čhavo e Matatoso.

O Matat sasa čhavo e Leviso,

<sup>30</sup> O Levi sasa čhavo e Simeoneso,

O Simeon sasa čhavo e Judaso.

O Juda sasa čhavo e Josifeso.

O Josif sasa čhavo e Jonameso.

O Jonam sasa čhavo e Eliakimeso.

<sup>31</sup> O Eliakim sasa čhavo e Melejeso.

O Meleja sasa čhavo e Menaso.

O Mena sasa čhavo e Matateso.

O Matata čhavo e Nataneso.

O Natan sasa čhavo e Davideso.

<sup>32</sup> O David sasa čhavo e Jesejaso.

O Jesej sasa čhavo e Jovideso,

O Jovid sasa čhavo e Voozeso.  
O Vooz sasa čhavo e Salmoneso.  
O Salmon čhavo e Naasoneso.  
<sup>33</sup> O Naason sasa čhavo e Aminadaveso.  
O Aminadav sasa čhavo e Admineso.\*  
O Admin sasa čhavo e Arinijeso.\*  
O Arni sasa čhavo e Esromeso.  
O Esrom sasa čhavo e Fareseso.  
O Fares sasa čhavo e Judaso.  
<sup>34</sup> O Juda sasa čhavo e Jakoveso.  
O Jakov sasa čhavo e Isakoso.  
O Isak sasa čhavo e Avraameso.  
O Avraam sasa čhavo e Tarajeso.  
O Tara sasa čhavo e Nahoreso  
<sup>35</sup> O Nahor sasa čhavo e Seruheso,  
O Seruh sasa čhavo e Ragaveso.  
O Ragav sasa čhavo e Falekoso.  
O Falek sasa čhavo e Evereso.  
O Ever sasa čhavo e Salaso.  
<sup>36</sup> O Sala sasa čhavo e Kainameso.  
O Kainam sasa čhavo e Arfaksadeso.  
O Arfaksad sasa čhavo e Simeso.  
O Sim sasa čhavo e Nojeso.  
O Noje sasa čhavo e Lamehoso.  
<sup>37</sup> O Lameh sasa čhavo e Matusalaso.  
O Matusala sasa čhavo e Enoheso.  
O Enoh sasa čhavo e Jareteso.  
O Jaret sasa čhavo e Maleleileso.  
O Malaleil sasa čhavo e Kainameso.  
<sup>38</sup> O Kainam sasa čhavo e Enoseso.  
O Enos sasa čhavo e Siteso.  
O Sit sasa čhavo e Adameso.  
O Adam sasa čhavo e Devleso.

## 4

*O beng iskušil e Isuse*

(Mt 4,1–11; Mk 1,12–13)

<sup>1</sup> O Isus pherdo Dux Sveti irisajlo tari len i Jordan, thaj inđarda le o Duxo ani pustinja <sup>2</sup> thaj saranda đive o beng iskušisada le. Thaj gola đive khanči ni xalja, thaj kana nakhle e saranda đive, vov bokhajlo.

<sup>3</sup> Thaj vaćarda lese o beng: “Te san e Devleso Čhavo phen kale barese te avol mangro.”

<sup>4</sup> Thaj o Isus phenda lese: “Ano Sveti Lil ačhol: ‘O manuš ni ka avol džuvdo samo taro mangro.’ ”\*

---

\* <sup>3,33</sup> Umesto “čhavo e Admineso, čhavo e Arinijeso” nesave grčka rukopisura pisin samo “čhavo e Arameso”. \* <sup>4,4</sup> 5. Mojs 8:3

<sup>5</sup> Thaj ikalda le o beng ko učo than thaj sikada lese sa e carstvura ki phuv tari jekh drom. <sup>6</sup> Thaj o beng vaćarda lese: “Tuće ka dav sa kava lengo zuralipe thaj i slava, golese kaj mande dija pe, thaj me ka davla kase mangav. <sup>7</sup> Tu ako pere angle mingre koča sa čiro ka avol.”

<sup>8</sup> Thaj o Isus vaćarda lese: “Ano Sveto Lil ačhol: ‘Per ke koča e Gospodese e Devlese ĉirese, thaj lese jekhese kande.’”†

<sup>9</sup> Thaj inđarda le ano Jerusalim, čhuta le najučeste po Hramo, thaj vaćarda lese: “Te san e Devleso Čhavo, čhude tu katar tele, <sup>10</sup> golese kaj ano Sveto Lil ačhol: ‘Vov ka phenol pe melekurenđe te aračhen tut’

11 thaj: ‘ka lol tut ke vasta

te ma čalave tut ko bar će pingresa.’”‡

<sup>12</sup> Thaj o Isus vaćarda lese: “Ano Sveto Lil ačhol: ‘Ma iskuši e Gospod, e Devle ĉire.’”§

<sup>13</sup> Thaj kana ačhile sa e iskušenjura, o beng đelo lestar dži aver nesavo vreme.

### *O Isus sikavol ani Galileja*

(Mt 4,12–17; Mk 1,14–15)

<sup>14</sup> Thaj irisajlo o Isus ano zuralipe e Duxoso ani Galileja, thaj o lafi lestar đelo pe sa e thana. <sup>15</sup> Thaj sikada ane lendže sinagoge, thaj savore šukar lestar vaćarde.

### *E Isuse traden taro Nazaret*

(Mt 13,53–58; Mk 6,1–6)

<sup>16</sup> Thaj avilo ano foro Nazaret kaj barilo, ko savato palo adeti piro đala sa ani sinagoga, thaj uštalo te čitil. <sup>17</sup> Thaj dije le o Lil e prorokoso e Isaijsa, putarda o Lil thaj arakhlia than kaj sasa pisimo:

<sup>18</sup> “O Dux e Gospodeso si pe mande,  
golese kaj pomazisada man thaj bičhalda man  
te anav o Lačho lafi e čororenđe,  
te vaćarav e phanglendje kaj ka aven oslobodime,  
thaj e korenđe kaj ka dičhen,  
thaj e mučime ka aven mekhle,

<sup>19</sup> te vaćarav taro lačho berš taro milost e Gospodeso.” \*

<sup>20</sup> Thaj phanglja o Lil thaj dija e slugase, pale gova bešlo. Thaj savore ani sinagoga dikhlije ane leste: <sup>21</sup> Thaj o Isus lija te vaćarol lendže: “Avđive, kava so šunden taro Lil pherdilo”.

† 4,8 Pnz 6:13    ‡ 4,11 Psalm 91,11–12    § 4,12 Pnz 6,16    \* 4,19 Isaija 58,5–6; 61,1–2

<sup>22</sup> Savorende sasa šukar, thaj sesa bahtale kale šukar lafesa so iklilo andaro leso muj, thaj pučlje pe: “Naj li kava e Josifeso čavo?”

<sup>23</sup> Thaj o Isus vaćarda lendže: “Čače, tumen mande ka vaćaren kaja poslovica: ‘Lekarona, sastar korkore tut!’ So šundam kaj čerdan ano Kafarnaum čher i kate ane čo than kaj bariljan.” <sup>24</sup> Tegani vaćarda: “Čače vaćarav tumende, njekh proroko naj manglo ano po than kaj barilo.”

<sup>25</sup> A čače vaćarav tumende: “But džuvlja kase romu mule sesa ano Izrael ano vreme e Ilijaso kana o bršind ni pelo† trin berš thaj šov čhon thaj sasa baro bukhalipe pe sa i phuv. <sup>26</sup> A o Ilija ni sasa bičhaldo ni jekhaće lendar, sasa bičhaldo ke abandijengo foro Sarepta pašo Sidon ki jekh džuvli kaso rom mulo. <sup>27</sup> Thaj but sesa gubava ano Izrael ko vreme e prorokoso e Jelisijeso, thaj khoni ni thodilo lendar, nego thodilo o Neman Sirijanco.”

<sup>28</sup> Thaj savore ani sinagoga pherdile holi kana kava šunde. <sup>29</sup> Thaj uštite thaj tradije le avral taro foro, thaj inđarde le ko brego najuče kaj sasa čerdo lengo foro te čhuden le odupral natele. <sup>30</sup> A o Isus nakhlo maškar lende, thaj đelo pire dromesa.

*O Isus ikalol e demone taro manuš  
(Mk 1,21–28)*

<sup>31</sup> Pale gova, o Isus ulilo ano Kafarnaum ano foro Galilejsko, thaj sikada ko đive e savatoso. <sup>32</sup> Thaj čudisajle lese sikaimasa, golese kaj lesu vaćaripe sasa zuralo.

<sup>33</sup> Gothe ani sinagoga sasa manuš ane kaste sasa e benga, thaj dija vika: <sup>34</sup> “So mande amendar, Isuse taro Nazaret? Aviljan li te mudare amen? Đanav ko san tu: Sveco e Devleso!”

<sup>35</sup> Thaj o Isus dija vika pe leste: “Phande čo muj, thaj iklji lestar!” Thaj perada o beng e manuše angle sa e manuša, thaj o beng iklilo lestar, thaj khanći ni čerda lese bilačhe.

<sup>36</sup> Thaj ane savorende avili i dar thaj čudisajle, thaj jekh averese vaćarde: “Save si kala lafura! Ano autoritet thaj ano zuralipe vaćarol e bengendje te ikljon, thaj von ikljen!”

<sup>37</sup> Thaj đelo o lafi lestar ane sa e pašutne thana.

*O Isus sastarol buten  
(Mt 8,14–17; Mk 1,29–34)*

<sup>38</sup> O Isus uštito gothar andari sinagoga thaj avilo ano čher e Simonese, a e Simonese sasuja sasa la bari jag, thaj rodije lestar te vazdol la. <sup>39</sup> Thaj o Isus ačhilo paše late, pretisada e jagaće, thaj i jag mukhlja la. Sigate uštili thaj kandija len.

† <sup>4,25</sup> o bršind ni peloAno original ačhol: “o nebo phanglilo”.

<sup>40</sup> Thaj kana pelo o kham, savoren save sesa len nasvale tare sa dži jekh nasvalipe ande len angle leste, a vov pe savorende čhuta pe vasta, thaj sastarda len. <sup>41</sup> Thaj e benga iklile tare pherdo thaj dije vika thaj vaćarena: "Tu san o Čavo e Devleso!" Thaj darada len te ma vaćaren khanikase golese kaj džanglje kaj si vov o Hrist.

<sup>42</sup> Thaj kana iklilo o đive, iklilo thaj đelo ani pustinja, thaj e manuša rodije le, thaj avile leste, thaj manglje te ačhaven le te ma džal lendar. <sup>43</sup> A o Isus vaćarda lendže: "Trubul ane avera forura te vaćarav o Lačho lafi taro carstvo e Devleso, golese sem bičhaldo." <sup>44</sup> Thaj ni ačhada te vaćarol ane sinagoge ani Judeja.

## 5

*O Isus akharol e anglune sikaden*

*(Mt 4,18–22; Mk 1,16–20)*

<sup>1</sup> O Isus jekh drom kana ačhilo pašo Galilejsko jezero\*, paše leste čidije pe but manuša, te šunen o lafi e Devleso, <sup>2</sup> thaj dikhlja duj čamcura kaj ačhen ko than, a e manuša save dolen mačhe iklile lendar thaj thode e mreže. <sup>3</sup> Thaj o Isus dija ano čamco savo sasa e Simoneso, thaj pučlja le te crden le zala ano paj. Thaj bešlo thaj sikada e manušen taro čamco.†

<sup>4</sup> Kana ačhilo te vaćarol e manušendje, vaćarda e Simonese: "Đa ko hor paj, thaj čhude e mreže čire, thaj dol mačhen". <sup>5</sup> Thaj o Simon vaćarda lese: "Gospod! Sa i rat čerdam bući, thaj khanči ni doldam, al palo čiro lafi ka čhudav e mreže." <sup>6</sup> Thaj čerde gova thaj dolde bute mačhen, thaj e mreže lije te pharadon. <sup>7</sup> Thaj vastesa dije vika pe amalen save sesa ane aver čamco te ikalen e mreže, thaj avile, thaj pherde solduj čamcura gija so lije te pherdon paj taro pharipe e mačhengo.

<sup>8</sup> Kana dikhlja o Simon Petar, pelo ke pe koča angle Isusese pingre thaj vaćarda: "Đa mandar, Gospod! Me sem grešno manuš." <sup>9</sup> Golese kaj dolda le dar thaj savoren save sesa lesa tare but mačhe so doldepe. <sup>10</sup> A gija dolda i dar e Jakove thaj e Jovane e čhaven e Zevedejevese, so sesa amala e Simonesa. Thaj o Isus vaćarda e Simonese: "Ma dara, od akana ka dole e manušen."‡

<sup>11</sup> Thaj ikalde e čamcura ki phuv, ačhade sa thaj đele pale leste.

---

\* **5,1** Galilejsko jezero aver alav pašo Genisaretsko jezero † **5,3** Thaj bešlo thaj sikada e manušen taro čamco Taro but narodo savo sasa ki obala, o Isus morajlo te bešol ko čamco i odural te sikavol len. ‡ **5,10** ka dole e manušen simbolično značil: o Petar te inđarol o Lafi e Devleso e manušendje.

*O Isus sastarda e gubavco  
(Mt 8,1-4; Mk 1,40-45)*

<sup>12</sup> Thaj kana sasa o Isus ane jekh foro, thaj dikh, manuš sa ani guba (nasvalipe pi koža), kana dikhla e Isuse pelo angle leste mujesa dži ki phuv, molisada le thaj vaćarda: "Gospod! Ako mande šaj te sastarema!"

<sup>13</sup> O Isus vazdija po va dolda le, thaj phenda: "Mangav. Av thodo!" Thaj o nasvalipe tar lesi koža sigate crdija pe. <sup>14</sup> Thaj o Isus vaćarda lese ma te vaćarol khanikase: "Da thaj sikado e sveštenikose, thaj indar kurbanu sar so vaćarda o Mojsije an po zakono, golese kaj sastiljan te bi avola tu dokaz angle manuša."

<sup>15</sup> A taro Isus o lafi sa pobut šundilo thaj e manuša sa pobut čidijepe te šunen le thaj te sastarol len tar lengo nasvalipe. <sup>16</sup> A vov đelo ke thana kaj naj khoni thaj molisajlo.

*O Isus sastarol e manuše savo našti phirol  
(Mt 9,1-8; Mk 2,1-12)*

<sup>17</sup> O Isus jekh đive sikada ano jekh čher, thaj gothe bešle e fariseja thaj e učitelja taro Mojsijaso zakono save avile tare sa e gava andari Galileja thaj i Judeja thaj andaro Jerusalim. A i zor e Gospodaresi sasa pe leste te bi vov sastarola. <sup>18</sup> Thaj dikh, e manuša ande ano than e pašljimaso e manuše savo našti phirol, thaj rodije sar te anen le thaj te mučhen le anglo Isus. <sup>19</sup> Thaj kana ni arakhlje kotar te anen le tare but manuša, uštile po čher thaj taro tavano mukhlje le sa e thanesa kaj pašlilo ko maškar anglo Isus.

<sup>20</sup> Thaj kana dikhla o pačaipe lengo vaćarda lese: "Manušeja, oprostin pe će grehura!"

<sup>21</sup> Thaj lije ane peste te den godi e fariseja thaj e učitelja taro Mojsijaso zakono: "Savo si kava savo hulil<sup>§</sup> po Dol? Ko šaj oprostil e grehura sem jekh Dol?"

<sup>22</sup> Thaj kana o Isus haljarda so von den godi ane peste, vaćarda lendže: "So den godi ane tumare ile? <sup>23</sup> So si po lokho te phenol pe: 'Oprostin pe e grehura čire', il te phenol pe e manuše savo našti phirol: 'Ušti thaj phir?' <sup>24</sup> A te džanen kaj isi man vlast, me o Čhavo e Manušeso,\* ki phuv te oprostiv e grehura, me ka sikavav tumende mi zor." Irisajlo premalo manuš savo naštine te phirol thaj phenda: "Tuće phenav: 'Ušti thaj le čo than kaj pašliljan thaj da ane čo čher.'"

<sup>25</sup> Thaj sigate uštido angle lende, thaj lija po than kaj pašlilo, thaj đelo pese čhere hvalindoj e Devle. <sup>26</sup> Thaj

---

§ 5,21 hulil značil "vredil" \* 5,24 O Isus korkoro pes akharol "o Čhavo e Manušeso".

savore sesa radosna, thaj hvalisade e Devle, pherdile dar thaj vaćarde: “Čudo dikhljam avđive!”

*O Isus akharol e Levi (Mateje)  
(Mt 9,9–13; Mk 2,13–17)*

<sup>27</sup> Thaj pale gova iklilo, thaj dikhlja e carinco<sup>†</sup> savo akhardola Levi sar bešol ki carina, thaj vaćarda lese: “Av pale mande.” <sup>28</sup> Thaj o Levi uštilo, ačhada sa thaj đelo pale leste.

<sup>29</sup> E Isusese čerda o Levi ano po čher baro hape, gothe sesa but carincura thaj avera manuša bešle lesa ko astali. <sup>30</sup> E fariseja thaj maškar lende nesave učitelja tare Mojsijaso zakono lije te den vika thaj te vaćaren lese sikadendje: “Sose xan thaj pijen e carincurencar thaj e grešnikurencar?”

<sup>31</sup> Thaj o Isus vaćarda lendže: “Ni trubul e sastendje doktora, e nasvalendje trubul. <sup>32</sup> Me ni aviljem te akharav e pravednikuren<sup>‡</sup> aviljem te akharav e grešnikuren ko pokajipe.”

*E Isuse pučen pašo post  
(Mt 9,14–17; Mk 2,18–22)*

<sup>33</sup> A von vaćarde lese: “Sose e Jovanese sikade postin thaj molin pe e Devlese, gija thaj e farisejska sikade, a čire xan thaj pijen?”

<sup>34</sup> A o Isus vaćarda lendže: “Šaj li čhuve e manušen so avile ko abav te postin a lencar si o terno kasno si o abav? <sup>35</sup> Ka avol o đive kana ka len lendar e terne, tegani i von ka postin ane gola đivesa.”

<sup>36</sup> Thaj vaćarda lendže i paramič: “Khoni ni čhuvol kotor taro nevo fostano po purano fostano, golese kaj i o nevo ka pharadol, thaj o kotor taro nevo fostano ni ačhol šukar ko purano. <sup>37</sup> Thaj khoni ni čhorol nevi mol ane purane morčha, golese kaj i nevi mol ka pharavol e morčha thaj ka čhordol i mol, a e morčha ka pharadon. <sup>38</sup> Golese i nevi mol čhuvol pe ane neve morčha. <sup>39</sup> Thaj khoni ko pilja i purani mol ni mandol nevi golese kaj phenol: ‘I purani si po šukar.’”\*

<sup>†</sup> 5,27 E Jevreja mrzisade e poreznikuren golese so e poreznikura sesa Jevreja save čerdile izdajice gijate so sarađujisade e Rimjanurencar save okupirisade o Izrael. Gothe i e poreznikura sesa nepoštena, čorena tare Izraelcura pare.

<sup>‡</sup> 5,32 Kola saven o Dol prihvati <sup>§ 5,37</sup> I nevi mol našti čhuvol pe ani purani morčhi golese kaj i nevi mol šuvljol thaj buljol i tegani bi pharavola i purani morčhi. \* 5,39 Kaja metafora razlikujil o purano sikajipe e verskone vođengo taro nevo sikajipe e Isuseso. Poenta si ane gova kaj e manuša save siklile ko purano sikajipe naj voljna te šunen nevo sikajipe savo o Isus sikavola.

**6**

*O Isus po baro taro savato*

(Mt 12,1–8; Mk 2,23–28)

<sup>1</sup> Ke jekh savato o Isus nakhlo maškarō điv, lese sikade lije o điv, morde vastencar thaj xalje. <sup>2</sup> Nesave fariseja vaćarde: "Sose čeren okova so ni trubul ko savato pale Mojsijaso zakono?"\*

<sup>3</sup> Thaj o Isus vaćarda lendže: "Ni li čitisaden ano Lil so čerda o David thaj okola so sesa lesa kana bokhajlo? <sup>4</sup> Dija ano čher e Devleso,<sup>†</sup> lija e mangre save čhute pe pašo kurbano, save šajine te xan samo e sveštenikura o David xalja, thaj dija kolendje so sesa lesa." <sup>5</sup> Thaj o Isus vaćarda lendže: "Me o Čhavo e Manušeso<sup>‡</sup> sem po baro i taro savato."

*O Isus sastarol ko savato*

(Mt 12,9–14; Mk 3,1–6)

<sup>6</sup> A ko aver savato, o Isus dija ani sinagoga thaj lija te sikavol. Gothe sasa jekh manuš kaso desno va sasa šuko.

<sup>7</sup> E učitelja tare Mojsijaso zakono thaj e fariseja dikhle palo Isus na li ko savato ka sastarol, te bi čerena le bandje. <sup>8</sup> Al o Isus džanglja so von den godi, thaj vaćarda e manuše se so sasa lesa va šuko: "Ušti thaj ava akari ko maškar!" O manuš uštijo thaj ačhilo angle savorende.

<sup>9</sup> Thaj o Isus vaćarda lendže: "Te pučav tumen: Ko savato li šaj čerolpe šukar il bilačhe? Te aračhol pe o džuvdipe il te mudarol pe?" Thaj von khanči ni vaćarde. <sup>10</sup> Dikhla savoren so sesa gothe thaj vaćarda e manuše se: "Sikav čo va." Vov gija i čerda, thaj lesa va sastilo. <sup>11</sup> A e fariseja thaj e učitelja tare Mojsijaso zakono pherdile bari holi, thaj vaćarde jekh averese so te čeren e Isusesa.

*O Isus akharol e Dešudujen apostoluren*

(Mt 10,1–4; Mk 3,13–19)

<sup>12</sup> Gola đivesa, o Isus iklilo ko brego te molil pe e Devlese, thaj sasa sai rat ano molipe e Devlesa. <sup>13</sup> Thaj kana sasa đive, akharda pe sikaden, thaj lendar birisada Dešudujen thaj akharda len apostolura:

<sup>14</sup> e Simone kas akharda Petar,  
e Andrija lese phrale,  
e Jakove thaj  
e Jovane,  
e Filipe

\* **6,2** E fariseja dikhle čak i o moripe o điv vastencar sar bari bući ko savato savi ni trubuje te čeren pale Mojsijaso zakono. † **6,4** O "Šatori e sastankoso"

‡ **6,5** O Isus korkoro pes akharol o "Čhavo e Manušeso".

thaj e Vartolomeje,  
<sup>15</sup> e Mateja thaj  
e Toma,  
e Jakove e Alfejeveso čhavo, thaj  
e Simone savo sasa Pobunjeniko,<sup>§</sup>  
<sup>16</sup> e Juda e Jakoveso, thaj  
e Juda e Iskariotskone, savo izdajisada le.

*O Isus sikavol taro blagoslov thaj taro pharipe*  
*(Mt 4,23–25; 5,1–12)*

<sup>17</sup> O Isus ulilo taro brego pe Dešudujencar thaj ačhilo ko ravno than, thaj but sikade lese, thaj but manuša andari sa i Judeja thaj taro Jerusalim, thaj taro foro Tir em taro foro Sidon thaj pašutne thana save si pašo more. <sup>18</sup> Von avile te šunen le thaj te sastardon taro piro nasvalipe, a sastardile i kola save sesa mučime tare benga. <sup>19</sup> Thaj sa e manuša rodiye te dolen pe po Isus, golese kaj lestar ikljola zor, thaj sastardona savore.

<sup>20</sup> Thaj o Isus dikhla an pe sikade thaj vaćarda:  
“Blagoslovime sen tumen save sen čore,  
golese kaj si tumaro o carstvo e Devleso.

<sup>21</sup> Blagoslovime sen tumen save sen bukhale,  
golese kaj ka čaljon.

Blagoslovime sen tumen save roven akana,  
golese kaj ka asan.

<sup>22</sup> Blagoslovime sen kana e manuša ni manden tumen, thaj kana čhuden tumen thaj lađaren tumen, thaj tumaro alav ni manden sar e bi lačhengo golese so pačan an mande ano Čhavo e Manušeso.\*

<sup>23</sup> Radujin tumen ane gova dive thaj čhelen, thaj dikh, bari si tumari plata ko Dol. Golese kaj gija čerde e prorokurendje lendže paradada.

<sup>24</sup> Al jao tumendje tumen e barvale,  
golese kaj lijen tumari uteha.

<sup>25</sup> Jao tumendje save sen akana čale,  
kaj ka bukhavon.

Jao tumendje save akana asan,  
golese so ka aven bibahtale thaj ka roven.

<sup>26</sup> Jao tumendje kana sa e manuša vaćaren sa šukar tumendar,  
golese kaj gija vaćarde šukar tare xoxavne prorokura lendže paradada!”

---

§ **6,15** Pobunjeniko (“Zilot”) savo uštalo protiv o rimske vlast. \* **6,22** Kana phenol Čhavo e Manušeso vaćarol korkoro pestar.

*Mandēn tumaren dušmajen  
(Mt 5,38–48; 7,12)*

<sup>27</sup> “Tumendē vaćarav save šunen: Mandēn tumaren dušmajen! Šukar čeren kolendē save mrzin tumen! <sup>28</sup> Blagoslovin kolen save den tumen armaja! Molin tumen e Devlese kolendē save bilačhe čeren tumencar. <sup>29</sup> Savo čalavol tut pi čham, iri lese aver, thaj savo mandol tatar o ogrtači, de le čo fostano. <sup>30</sup> De svakone okova so rodol tatar, thaj te lija tatar ma rode palal. <sup>31</sup> Gova so mandēn te čeren e manuša tumende, tumen čeren lendže!

<sup>32</sup> Thaj ako mandēn samo okolen save tumen mandēn, savi si tumari hvala? Golese kaj čak i e grešnikura† mandēn okolen ko len mandol. <sup>33</sup> Thaj te čeren šukar kolendē save tumende čeren šukar, savi si tumari hvala? Golese kaj i e grešnikura čeren gija. <sup>34</sup> Thaj ako den zajam okolendē savendar ađućaren te irin o zajam, savi si tumari hvala? Golese kaj e grešnikura e grešnikurendē den zajam te len palem gaći.

<sup>35</sup> Thaj mandēn tumare dušmanuren, čeren lendže šukar, thaj den zajam te ni mandēn khančhi golese, thaj ka avol tumen bari plata, thaj ka aven čhave‡ e Najbare Devlese,§ golese kaj si vov šukar\* e nezahvalnonende thaj e bi lačhendē. <sup>36</sup> Golese aven milosrdna sar so si tumaro Dad taro nebo milosrdno.†”

*O Isus sikavol te na osudi averen  
(Mt 7,1–5)*

<sup>37</sup> “Ma sudin, thaj ni ka aven sudime. Ma osudin, thaj ni ka aven osudime. Oprostin, thaj ka oprostilpe tumende. <sup>38</sup> Den, thaj ka dolpe tumende. Pobari mera thaj popherdi ka dodolpe tumende ane tumare vasta. Golese save merasa merin gaći ka irilpe tumende.”‡

<sup>39</sup> Thaj vaćarda lendže paramič: “Šaj li o koro e kore te inđarol? Na li solduj ka peren ani rupa? <sup>40</sup> Nijekh sikado

---

† **6,32** Ponekad o lafi “grešnikura” koristisade e religozna manuša sar e farizeja e manušendē save ni ičarde o zakono gija sar e farizeja so mislisade kaj trubul. Izraz “grešniko” koristisada pe baše manuša save smatrdsajle po bare grešnikura tare avera manuša. Na primer, gija dena vika e poreznikuren thaj prostitutken. ‡ **6,35** ka aven čhave e Najbare Devlese so značil te sikava e Devlese osobine thaj e Devleso karakteri. § **6,35** e Najbare Devlese nazivil pe e Devlese. Sikavol pe lesi veličina i autoritet. Kava lafi si slično sar “suvereno” il “vrhovno”. Gova značil “Najbaro Dol” il “Najvrhovno đeno” il “Dol savo si embaro savorendar” \* **6,35** šukar O Dol dol milost gija so dol šukaripe kolendē save ni zaslužin. † **6,36** milosrdno O Dol dol milosrđe gija so ni dol kazna kolendē save zaslužin. ‡ **6,38** O Dol si sar šukar trgovco e divesa savo čhuvol pobut o điv thaj tresil le em čhuvol gaći te čhordol tari mera, gaći but ka dol tumen.

naj pobaro tar po učitelji. Kana ka sikljol sa, ka avol sar po učitelji. §

<sup>41</sup> Sose dičhe i treska ane će phralesi jakh, a o kaš ani ciri jakh ni dičhe? <sup>42</sup> Sar šaj vaćare će phralese: ‘Phrala, ačh te ikalav i treska andari ciri jakh,’ a ciro kaš ani ciri jakh ni dičhe? Dujemujengo! Ikal angleder ciro kaš andari ciri jakh, pa ka dičhe te ikale će phralese i treska andari jakh.”

*Kaš thaj leso bijanipe  
(Mt 7,17–20; 12,34–35)*

<sup>43</sup> “Golese kaj naj šukar kaš savo bijanol bilačho bijanipe, ni bilačho kaš savo bijanol šukar bijanipe. <sup>44</sup> Golese sa e kašta pindardon pale lengo bijanipe. Golese kaj i smokve thaj i drakh ni ciden pe tare kangre. <sup>45</sup> E šukare manuše isi šukar ano ilo, i gija, lestar ikljol šukar, a bilačho manuš andar po ilo ikalol bi lačhipe, golese kaj andaro muj leso ikljol okova sosa si pherdo leso ilo.”

*E Isuseso sikaipe si šukar temelji  
(Mt 7,24–27)*

<sup>46</sup> “A sose akharen man: ‘Gospod! Gospod!', a ni čeren sa so vaćarav tumende? <sup>47</sup> Ka vaćarav tumende savo si kova savo avol ke mande thaj šunol me lafura thaj čerol len: <sup>48</sup> Vov si sar manuš savo čerol po čher, pa hunol rupa thaj čalavol temelji ko bar, thaj kana aven e paja avol i bari len pe gova čher thaj našti peravol le, golese kaj si leso temelji ko bar. <sup>49</sup> A savo šunda a ni čerda, vov si sar manuš savo čerol po čher ki phuv bizo temelji, pe savo avol i len, vov sigate perol, thaj gova čher rumil pe sa.”

## 7

*E kapetaneso zuralo pačaipe  
(Mt 8,5–13; Jn 4,43–54)*

<sup>1</sup> Kana vaćarda o Isus sa kava angle manuša, đelo ano foro o Kafarnaum. <sup>2</sup> Jekhe rimskone kapetano\* sasa jekh sluga savo sasa nasvalo dži o meripe, save vov but manglja.

<sup>3</sup> Thaj kana o kapetano šunda e Isuseset,† bičhalda leste e phuredera e Jevrejendje‡ te molin le te avol te sastarol lese sluga. <sup>4</sup> Von avile ko Isus thaj but molisade le vaćarindoj:

**§ 6,40** Manuš mora te dičhol šukar ko ka avol leso učitelji, golese so ka avol sar leste. Al te o učitelji ni sikavol šukar (golese kaj si duxovno koro), ka avol hohado o sikado. \*

**7,2** kapetano manuš savo komanduil pe šel vojnikura † **7,3** O kapetano (o šoralo e šelengo) šunda so o Isus sastarda bute manušen,

thaj kaj si vov paše, kaj irisajlo ano Kafarnaum. ‡ **7,3** O Isus si Jevrejo a o kapetano naj, pa o kapetano dija pe godi kaj o Isus ka šunol len te molisade le e Jevreja. But droma e rimska vojnikura sesa dušmanura e Jevrejendje.

“Trubul gova te ĉere lese,<sup>5</sup> golese kaj mandol amare manušen, thaj vov pestar ĉerda amendē sinagoga.”

<sup>6</sup> Thaj o Isus ĝelo lencar. Thaj kana avile pašo čher, bičhalda o kapetano pe amalen te vaćaren lese: “Gospod! Ma čhuv tuće gova pharipe golesa so ka de an mo čher, golese so me naj sem dostojo te ave tali mi streja.<sup>§ 7</sup> Golese ni manglijem te avav angle tute kaj naj sem dostojo. Vaćar jekh lafi gothar thaj sigate ka sastol mo manglo sluga.<sup>8</sup> Golese kaj sem i me manuš tale nekaso autoritet, thaj isi man tale mande vojnikura, pa vaćarav jekhese: ‘Đa!', thaj džal. Vaćarav dujtonese: ‘Av!', thaj avol. Vaćarav me mingre slugase: ‘Čher', thaj ĉerol gova.”\*

<sup>9</sup> Thaj kana šunda gova o Isus, čudisajlo, thaj irisajlo e manušendē save ĝele pale leste thaj vaćarda lendže: “Vaćarav tumendē, vadži ni arakhljem Jevreje ano Izrael kas isi gaći pačaipe.”† <sup>10</sup> Thaj kana irisajle čhere okola so sesa bičhalde, arakhlje e nasvale sluga saste.

### *O Isus vazdija tare mule e čhavore*

<sup>11</sup> Na but pale gova, o Isus ĝelo ano foro savo akhardola Nain,‡ thaj ĝele lesa lese sikade thaj pherdo manuša. <sup>12</sup> Kana avile pašo vudar e foroso, thaj dikh, nesave terne čhave ikalde mule, jekhore čhave ani dej, savako rom mulo. Pherdo manuša andaro foro džana lasa te prahon e čhave. <sup>13</sup> Kana dikhla la o Gospod, pelo lese žal lače, thaj vaćarda lače: “Ma rov!” <sup>14</sup> Avilo paše, dolda pe ko than kaj pašljardo sasa o mulo čhavo, thaj e manuša save inđarena le ačhile. Thaj o Isus vaćarda: “Čhaveja! Tuće vaćarav, ‘Ušti!’” <sup>15</sup> O mulo čhavo đuvdilo em bešlo thaj lija te vaćarol, thaj o Isus dija le lese daće.

<sup>16</sup> Savore darajle, thaj hvalisade e Devle. Vaćarde: “Baro proroko maškar amende!”, thaj: “O Dol avilo te pomognil pire manušendē.”§ <sup>17</sup> Kava šundilo taro Isus ani sa i Judeja thaj ane pašutne thana.

### *O Isus si Mesija a o Jovane ĉerda lese o drom (Mt 11,2–11)*

---

§ **7,6** E Jevreja ne bi džana andre ano čher savo naj jevrejsko te ma bi avena duxovno melale. \* **7,8** Sar o kapetano so isi le autoritet te phenol e vojnikurende, o Isus isi le autoritet te phenol e nasvalimase te načhol. † **7,9** O Isus očekujisada e Jevreja te avol len gasavo pačaipe, al naj sasa len. Vov ni očekujisada te avol e abandijen gasavo pačaipe, al palem, kale manuše sasa. ‡ **7,11** Kava si pašo than kaj o proroko o Jelisije vazdija tare mule e jekhore čhave angleder but šel berša (dikh 2. Car 4,8–37). § **7,16** E manuša verovatno dije godji kaj o Isus sasa baro proroko sar o Ilija il o Jelisije, golese kaj samo von vazdije ani Purano Savez nekas tare mule (1. Car 17,17–24; 2. Car 4,18–37).

<sup>18</sup> Thaj vaćarde e Jovanese\* lese sikade sa so o Isus čerda. Thaj akharda o Jovane pire dujen sikaden <sup>19</sup> thaj bičhalda len ko Gospod te pučen le vaćarindoj: “Tu li san gova save obećisada o Dol kaj trubul te avol, il te ađučara avere?”†

<sup>20</sup> Thaj avile ko Isus gola duj manuša thaj phende lese: “O Jovane Krstitelji bičhalda amen tute te puča tut: ‘Tu li san gova save obećisada o Dol kaj trubul te avol, il te ađučara avere?’”

<sup>21</sup> A ane gova sato o Isus sastarda buten taro lengo nasvalipe, tar lengo pharipe thaj tare benga, thaj bute koren dija dičhipe. <sup>22</sup> Thaj o Isus phenda e Jovanese sikadende: “Džan thaj vaćaren e Jovanese so dikhlijen thaj so šunden: e kore dičhen, e bande phiren, e gubava thodon, e kašuće šunen, e mule ušten, thaj okolende save si ani potreba vaćarol pe o Lačho lafi. ‡ <sup>23</sup> Thaj vaćaren lese i kava: ‘O Dol blagoslovil okole savo naj sablaznimo zbog mande!’”

<sup>24</sup> Thaj kana đele e sikade e Jovanese, o Isus lija te vaćarol taro Jovane e manušendje: “So ikliljen te dičhen ki pustinja? I trska, savi bandol ki barval? Na! <sup>25</sup> Il so ikliljen te dičhen? Manuše ane barvale fostanura urade? Na! Gasave manuša phiraven barvale fostanura, thaj ano šukaripe bešen ane carska palate. <sup>26</sup> Il ikliljen te dičhen? Proroko? Va, me phenav tumende vov si po but taro proroko. <sup>27</sup> Golese so si o Jovane manuš kastar o Dol vaćarda ane piro Sveti Lil: ‘Akh me bičhalav me glasniko angle tute, savo ka čerol tuće o drom angle tute.’”

<sup>28</sup> Vaćarav tumende, tare sa e manuša save sesa bijande ni sasa§ pobaro taro Jovane o Krstitelji, thaj po baro si lestar o em cikno ano Carstvo e Devleso.”\*

*O Isus sikavol e manušen kaj trubul te prihvatin le em e Jovane*

(Mt 11,12–19)

<sup>29</sup> Sa e manuša so šunde e Isuse, pa i nesave carincura, pindžarde kaj si e Develeso sikaipe šukar thaj krstisajle e

\* **7,18** O Jovane o Krstitelji sasa ano phanglipe. † **7,19** E Jevreja očekujisade o Mesija te avol thaj te avol caro savo ka spasilen len taro rimske vlast. Ni ađučarde te avol samo Spasitelj ano duxo. O Jovane pindžarda e proročanstvura taro Mesija sar so si o Is 42,7; 61,1–2 (dikh gija Lk 4,18–19). Gija ađučarda te avol o Isus caro, thaj e Jovane thaj averen pravednonen manušen ikalola taro phanglipe, thaj te sudil te kaznil e manušen save ni manglje e Mesija (dikh e Jovanese vaćaripe ano Lk 3; 9; 16–17), al tare gova vadži khanči ni čerdilo.

‡ **7,22** Kava so čerda o Isus sikadol kaj si vov o Mesija, sar so an po Lil o proroko Isaija pisisada (Is 29,18–19; 35,5–6; 61,1–2). § **7,28** Ano original ačhol: “maškare bijande tare džuvlja” si metafora “tare sa e manuša save sesa džuvde”.

\* **7,28** Duxovno ačhipe e manušengo ano carstvo e Devleso si pobaro taro duxovno ačhipe e manušengo save živisade angleder so čerdilo o carstvo.

Jovaneso krstipe. <sup>30</sup> A e fariseja thaj e učitelja tare Mojsijaso zakono čhudije o plan e Devleso savo sasa lendže. Thaj von ni manglje o Jovane te krstil len.

<sup>31</sup> A o Isus vaćarda: "Kasa te uporediv akale manušen save si akana džuvde? Thaj so te vaćarav lendar? <sup>32</sup> Von si sar manuša<sup>†</sup> save bešen ko drom thaj akharen jekh avere thaj vaćaren:

'Bašaldam tumende vesela đilja,<sup>‡</sup>  
a tumen ni čhelden,  
bašaldam tumende žalosna đilja,  
a tumen ni rujen.'

<sup>33</sup> Golese, avilo o Jovane o Krstitelji. Savo ni hal ni mangro ni pijol ni mol, a tumen vaćaren: 'O beng ane leste!' <sup>34</sup> Aviljem me, o Čhavo e Manušeso, savo xav thaj pijav, a tumen vaćaren: 'Dikh manuš halano thaj mato, amal e carinconengo thaj e grešnikureng!' <sup>35</sup> Al, sa gola so prihvatisade gova sikaipe, phende kaj si e Devleso butdžanglipe čaćukano!"<sup>§</sup>

*O Isus šaj te oprostil e grehura  
(Mt 26,6–13; Mk 14,3–9; Jn 12,1–8)*

<sup>36</sup> Jekh fariseji kasno alav sasa Simon dija vika e Isuse te hal mangro ke leste, thaj vov đelo ano čher e farisejoso thaj čhuta pe pašo astali.\* <sup>37</sup> Thaj dikh, sasa i džuvli ando foro savače džanglja pe kaj si grešnica, šunda kaj si o Isus pašo astali ano čher e farisejoso, i avili andre. Anda<sup>†</sup> skupo miris ko čaro savo sasa taro alabasteri. <sup>38</sup> Rojindoj, peli ke pe koča pale lese pingre. Laće asva pele pe lese pingre thaj lija te thovol len pe jasvencar, thaj pe balencar koslja len thaj čumidija lese pingre, thaj makhlja len e mirisesa.

<sup>39</sup> A kana dikhlija o fariseji savo akharda le, vaćarda ane peste: "Te avol proroko, bi đanola ko si kaja džuvli savi dolol le<sup>‡</sup> golese kaj si grešnica!"

<sup>40</sup> A o Isus phenda lese: "Simone! Isi man khanči te vaćarav tuće."

A vov vaćarda: "Učitelju, vaćar."

† 7,32 manuša Ano original ačhol "čhavore".      ‡ 7,32 Bašaldam ... vesela đilja Ano original "Bašaldam ... flauta".      § 7,35 O Isus kala izrekasa manglja te phenol da e manuša trubuje te prihvatin e Isuse em e Jovane.      \* 7,36 Sasa običaj kana e murša džana ke gasave većere, dok xana bešenasa pašljindoj pašo astali.      † 7,37 Sasa o adeti ane gova vreme e manuša save naj sesa akharde ko hape šajine te aven thaj te dičhen thaj te šunen al ni xana e akhardencar.      ‡ 7,39 dolol le O Simon mislisada i džuvli te dolda e Isuse, o Isus ka avol andral melalo. Golese mislisada da o Isus naj proroko.

<sup>41</sup> A o Isus vaćarda: “Duj džene sesa borči jekhe manušese. Jekh sasa borči panšel srebrenjakuri pareš a o dujto pinda. <sup>42</sup> Thaj kana len naj sasa te irin, o manuš ni manglja palal o borči lendar. Vaćar tare kala duj savo ka mandol le po but?”

<sup>43</sup> A o Simon vaćarda lese: “Pa bi phenava kolese kas sasa pobaro borči.” A o Isus vaćarda lese: “Gija si, šukar vaćardan.”

<sup>44</sup> Thaj irisajlo premali džuvli em vaćarda e Simonese: “Dičhe li kala džuvlja! Me aviljem ane čo čher, paj ni andan me pingrendje,\* a voj pe jasvencar thoda len, a pe balencar koslja len. <sup>45</sup> Ni čumidipe ni dijan man, a voj sar aviljem ni ačili te čumidol me pingre.† <sup>46</sup> Uljesa ni makhljan mo šoro, a voj mirisesa makhlja me pingre. ‡ <sup>47</sup> Golese vaćarav tuće: ‘Baro manglipe sikada mande, golese so si lače oprostime but bare grehura. Al kase zala oprostime, sikavol zala manglipe.’” <sup>48</sup> A lače vaćarda: “Oprostime si cire grehura.”

<sup>49</sup> Thaj ane peste lije te vaćaren kola so si lesa pašo astali: “Savo si kava so e grehura šaj oprostil?”

<sup>50</sup> A e džuvljače vaćarda: “Čo pačaipe ikalda tut. Đa ano mir.”

## 8

### *Džuvlja save sledina e Isuse*

<sup>1</sup> O Isus pale gova đelo ane forura thaj ane gava. Sikada thaj vaćarda taro Lačho lafi taro Carstvo e Devleso, thaj e dešduj apostolura đele lesa <sup>2</sup> thaj nesave džuvlja save sesa sastarde tare benga thaj nasvalipe: i Marija (savi akhardola Magdalena, kastar iklile efta benga), <sup>3</sup> thaj i Jovana (romni e Huzosi savo sasa upravitelji ko Irod), thaj i Suzana, thaj avera but đeja save kandije pumare parencar e Isuse thaj lese sikade.

*O Isus vaćarol taro manuš savo čhudol o seme ki phuv  
(Mt 13,1–23; Mk 4,1–20)*

<sup>4</sup> Thaj kana čidijepe but manuša tare sa e forura avile pašo Isus, thaj vov vaćarda lendže paramič: <sup>5</sup> “Iklilo o

---

§ <sup>7,41</sup> srebrenjakuri pare Jekh rupuni para počinolape jekh dnevница. \* <sup>7,44</sup> E čerutneso adeti sasa te anol paj thaj kotor kosimase paše pire gosturi te šaj thoven thaj te šučaren pire pingre palo phiripe pe melale droma. † <sup>7,45</sup> I džuvli čumidija e Isusese pingre mesto lese čama te bi sikavola piro čačukano pokajipe thaj po poniznost. ‡ <sup>7,46</sup> Kava sasa adeti kana adućarol pe e gosto. I džuvli but počastisada golesa so čerda e Isusese. Voj sikada po baro poniznost gija so makhlja lese pingre mesto leso šoro. O Isus vadži sikavola i razlika maškare Simoneso adućaripe e gosto thaj goja džuvli so čerda.

manuš savo čhudola o seme pi phuv. Thaj kana sijisada, nesavo seme pelo pašo drom thaj uštade le e manuša, thaj e čiriklja halje le. <sup>6</sup> Nesavo seme pelo pe bara, barilo thaj šučilo, golese kaj naj sasa paj ani phuv. <sup>7</sup> A nesavo seme pelo ke kangre, thaj o seme barilo e kangrencar, thaj e kangre tasade le. <sup>8</sup> A nesavo seme pelo pi šukar phuv, thaj barilo thaj anda šel droma po but.” Kana vaćarda kava dija vika: “Šunen šukar so vaćarav tumendē.”\*

*E manuša si sar lachi thaj bilachi phuv  
(Mt 13,10–23; Mk 4,10–20)*

<sup>9</sup> A e sikade lese pučlje e Isuse: “Vaćar amendē savi si kaja paramič?” <sup>10</sup> A vov vaćarda: “O Dol tumendē dija te džanen o garajipe tare leso Carstvo, a averendē vaćarav ane paramiča, te pherdol okova so ačhol ano Svetu lil:

‘Te dikhlij  
ni ka shvatin,  
Thaj te šunde  
ni ka haljaren.’

<sup>11</sup> Kaja paramič phenol kava: O seme si sar o Lafi e Devleso. <sup>12</sup> O seme savo pelo po drom si manuša save šunen o lafi e Devleso, thaj avol o beng, lol o lafi andaro lengo ilo, te ma pačan thaj te ni spasin pe. <sup>13</sup> A o seme savo pelo po bar gola si manuša save šunen radosno thaj len o lafi sar luluđa saven naj koreno. Zala vreme pačan, a kana avol o vreme tare iskušenjura, tegani prestanin te pačan. <sup>14</sup> A o seme savo si ane kangre golasi kola manuša save šunen o Lačho lafi, al o pharipe, o barvalipe thaj o guglipe kale svetoso tasavol len thaj ni den šukar bijandipe. <sup>15</sup> A o seme savo si ki šukar phuv gola si manuša save šunen o lafi, thaj gova lafi ičaren ano šukar thaj iskreno ilo, sa dži kaj ni anen šukar bijandipe.”

*Savo šunol e Isuseso sikaipe ka barol lesu duxovno  
džanglipe  
(Mk 4,21–25)*

<sup>16</sup> Khoni ni phabarol i svetiljka te bi učharola la e čaresa, thaj ni čhuvola talo than e sojimaso. Čhuvol la ke svetiljkako than te šaj okola save den andre dičhen o svetlo savo phabol. <sup>17</sup> Sa so si garado ka avol pučardo, thaj so si čerdo garandoj ka ikljol ko dičhipe. <sup>18</sup> Golese pazin sar šunen,

---

\* **8,8** Ano original ačhol: “Kas isi kana, nek šunol.”

golese kas isi, ka dolpe lese,<sup>†</sup> a kas naj, ka lol pe lestar<sup>‡</sup> i kova zala so dol godi kaj isi le.

*E Isusesi čačukani familija  
(Mt 12,46–50; Mk 3,31–35)*

<sup>19</sup> Avile e Isusesi dej thaj lese phrala,<sup>§</sup> thaj naštine tare but manuša te vaćaren lesa. <sup>20</sup> Thaj khoni vaćarda e Isusese: “Ći dej thaj će phrala ačhen avri, thaj manden te dičhen tut.”

<sup>21</sup> A o vov vaćarda lendje: “Mi dej thaj me phrala si kola save šunen o lafi e Devleso thaj ićaren le.”

*O Isus vaćarol e balvaljače te ačhol  
(Mt 8,23–27; Mk 4,35–41)*

<sup>22</sup> Jekh dive o Isus phenda pe sikadende: “Te nakha ki aver rig e pajesi.” Dije ano čamco thaj đele. <sup>23</sup> Thaj kana pojdisade o Isus zasuta. Thaj uštili bari balval, o čamco lija te pherdol paj thaj lije te tason, thaj but darajle so sesa ano baro bilačipe.

<sup>24</sup> Thaj e sikade avile pašo Isus thaj lije te den vika: “Gospod! Gospod! Ka tasiva!”

Thaj o Isus uštilo, thaj vaćarda e balvaljače thaj e bare pajese te ačhen, thaj von ačhile thaj pal gova khanči ni ašundilo. <sup>25</sup> A o Isus vaćarda lendje: “Kaj tumaro pačaipe?”

A e sikade darajle thaj čudisajle thaj jekh averese vaćarde: “Savo si kava so e barvaljende thaj e pajese vaćarol te ačhen, thaj von šunen le?”

*O Isus ikalol e melale duxura taro manus  
(Mt 8,28–34; Mk 5,1–20)*

<sup>26</sup> Thaj resle paši Gerasinsko phuv savi si ki aver rig tari Galileja. <sup>27</sup> Thaj kana iklilo o Isus taro čamco, avilo paše leste jekh manus andaro foro ane kaste sesa benga. But berša sasa nango, thaj ni bešlo ano čher, nego bešlo ke limora. <sup>28</sup> Thaj kana dikhla e Isuse, dija vika thaj pelo angle leste thaj vaćarda: “So mande mandar, Isuse Čhaveja embare Devleso? Moliv tut ma mučima.” <sup>29</sup> Golese so o Isus već vaćarda e bengese te ikljol andaro manus, ane kaste

<sup>†</sup> 8,18 kas isi, ka dolpe lese Taro kontekst dičholpe kaj o Isus phenol taro razumipe thaj taro pačaipe. Kava značil: “Kas isi razumipe ka dolpe lese po but razumipe”, il: “O Dol ka čerol kolendje save pačan o čačipe te razumin po but.”

<sup>‡</sup> 8,18 kas naj, ka lol pe lestar Kava značil: “Al kas naj razumipe ka hasarol thaj i okova so dol godi kaj razumil” il: “Al o Dol ka čerol okolendje save ni pačan ano čačipe te ni razumin ni kova zala so den godi kaj razumin”.

<sup>§</sup> 8,19 Kava sesa e Isusese po terne phrala, avera čhave e Marijače thaj e Josifese save sesa bijande palo Isus. Sar so si e Isuseso dad o Dol, a lengo dad o Josif, von sesa lese phrala tari dej.

sasa o beng but vreme. E manuša phandena le ane sindira thaj aračhena le, čhinola e sindira thaj o beng inđarola le ani pustinja.

<sup>30</sup> A o Isus pučlja le: “Sar si čo alav?” Vov phenda: “Legija\* (but džene amen)”, golese kaj but benga sesa ane leste. <sup>31</sup> Thaj molisada e Isuse e benga te ma bičhalol len ano bezdan.<sup>†</sup>

<sup>32</sup> Paše gotar sasa jekh brego kaj sesa pherdo bale save čarona, a e benga molisada e Isuse te mučhol te džan ane bale. Thaj o Isus mukhlja te džan. <sup>33</sup> Tegani iklile e benga andaro manuš thaj đele ane bale, a e bale taro brego čhudije pe ano paj thaj tasile.

<sup>34</sup> Kana dikhļje so sasa e manuša save arakhļje e balen, našle thaj đele te vaćaren ano foro thaj ane gava. <sup>35</sup> Thaj iklile vadži manuša te dičhen so sasa. Kana avile pašo Isus, arakhļje e manuše kastar iklile e benga. A o manuš bešol urado thaj gođaver paše Isusesse pingre, thaj von darajle. <sup>36</sup> A kola save gova dikhļje vaćarde averendje sar o Isus sastarda e manuše ane kaste sesa e benga. <sup>37</sup> Thaj sa e manuša tari Gerasa thaj tare pašutne thana phende e Isusesse te džal lendar, golese kaj but darajle. A o Isus dija ano čamco thaj irisajlo palal ani Galileja.

<sup>38</sup> O manuš kastar o Isus ikalda e bengen molisada e Isuse te džal lesa, a o Isus mukhlja le vaćarindoj: <sup>39</sup> “Iri tut ane čo čher, thaj vaćar sa so čerda tuće o Dol.” O manuš đelo thaj vaćarda maškarlo sa o foro so čerda lese o Isus.

*O Isus sastarol e džuvlja thaj vazdol tare mule e čejora  
(Mt 9,18–26; Mk 5,22–43)*

<sup>40</sup> Thaj kana irisajlo o Isus tare aver rig e jezerosi, e manuša sesa bahtale kana dikhļje le, golese kaj savore adućarde le. <sup>41</sup> Thaj dikh, avilo jekh manuš saveso alav sasa Jair, savo si angluno ani sinagoga, avilo thaj pelo ke koča anglo Isus. Thaj molisada le te avol ane leso čher <sup>42</sup> Golese kaj sasa le jekhori čej tare dešuduj berš, thaj voj sasa dži o meripe.

Thaj kana pojdisada o Isus e Jairesa ane leso čher, čicidije le e manuša. <sup>43</sup> Thaj maškare manuša sasa jekh nasvali džuvli tare rateso thavdipe dešuduj berš. I džuvli sa po barvalipe so sasa la dija e sastarutnendje thaj ni jekh naštine te sastarol la. <sup>44</sup> Voj avili od palal e Isusesse thaj dolda pe tare leso teluno kotor taro fostano, thaj sigate ačhada la o ratvalipe lako.

---

\* **8,30** Legija si grupa vojnikura tare 6 milje vojnikura. † **8,31** bezdan si phanglipe paše benga (melale duxura).

<sup>45</sup> Thaj vaćarda o Isus: “Ko dolda pe gova pe mande?”

Đi jekh lendar phende da naj von, a o Petar vaćarda: “Gospod! But manuša si paše tute čičidije tut, a tu puče: ‘Ko dolda pe gova pe mande?’”

<sup>46</sup> A o Isus vaćarda: “Neko dolda pe gova pe mande, golese kaj osetisadem zor kaj iklili mandar.” <sup>47</sup> Thaj kana dikhlja i džuvli kaj našti garadol, avili darandoj, peli angle leste, thaj vaćarda angle sa e manuša sose dolda pe gova pe mande thaj sar tare jekh drom sastili.” <sup>48</sup> Thaj o Isus vaćarda laće: “Mi čhej! Čo pačaipe sastarda tut. Đa ano mir.”

<sup>49</sup> Dok o Isus vaćarda e džuvljače, avilo jekh andare Jaireso čher thaj vaćarda lese: “Jaire, muli či čhej. Ma muči e učitelje.”

<sup>50</sup> Kana šunda gova o Isus, vaćarda lese: “Ma dara, samo pača. Voj ka uštol.”

<sup>51</sup> A kana o Isus avilo ano čher, ni dija khoni te džal andre sem o Petar, o Jovan thaj o Jakov, thaj e čhejorako dad em dej. <sup>52</sup> Thaj savore ruje andaro odi pale late, a o Isus vaćarda: “Ma roven. Ni muli. Sovol.”‡

<sup>53</sup> Thaj asaje e Isusese golese kaj džanglje so muli. <sup>54</sup> Vov dolda e čejora taro va, thaj dija vika vaćarindo: “Čejorije, ušti!” <sup>55</sup> Thaj irisajlo lako duxo, thaj uštili sigate, thaj o Isus vaćarda lendže te den la te hal. <sup>56</sup> Thaj lako dad thaj lačhi dej sesa začudime. A vov vaćarda lendže khanikase te ma vaćaren so sasa.

## 9

*O Isus bičhalol e dešudujen apostoluren*

*(Mt 10,9–14; Mk 6,7–13)*

<sup>1</sup> O Isus dija vika e apostoluren thaj dija len zor thaj vlast pe sa e benga, thaj te sastaren taro nasvalipe. <sup>2</sup> Thaj bičhalda len te vaćaren taro carstvo e Devleso, thaj te sastaren e nasvalen. <sup>3</sup> Thaj vaćarda lendže: “Khanči ma len dromese, ni rovli, ni trasta, ni so te xan, ni pare, thaj te ma avol tumen po duj fostanura. <sup>4</sup> Kana džan an nesavo than, bešen an jekh čher, dži kaj ni pojdin an aver than.\* <sup>5</sup> Te ni manglje tumen ane gova than, ikljen gothar thaj tresin o

‡ <sup>8,52</sup> O Isus džanglja kaj i čej muli. Phenda kaj sovol golese so džanglja kaj ka vazdol la tare mule. O Isus koristisada lafi “sovol” sar te bi phenola tare Lazareso meripe (dikh Jov 11,11–14), avere osobače kas vazdija tare mule.

\* <sup>9,4</sup> Trubul te aven zadovoljna hamase so den len gothe e manuša; ni smin te roden khanči bolje sojimase. Al, šaj džan ke avera čhera kaj ka vaćaren o Lačho lafi.

praho tar tumare pingre,<sup>†</sup> sar svedočanstvo so ni lije o lafi e Devleso.”

<sup>6</sup> Thaj e sikade đele taro than ko than thaj vaćarde o Lačho Lafi thaj sastarde e manušen ke sa e thana.

*O Irod si bunimo okolestar so šunda taro Isus  
(Mt 14,1–2; Mk 6,14–16)*

<sup>7</sup> Thaj kana šunda o Irod o vladari,<sup>‡</sup> tar sa so o Isus čerda, sasa bunimo golese kaj nesave vaćarde kaj o Jovane o Krstitelji uštito tare mule. <sup>8</sup> Avera vaćarde kaj sikadilo ki phuv o Ilija, a nesave vaćarde kaj uštito tare mule nesavo proroko taro purano vreme.

<sup>9</sup> Thaj vaćarda o Irod: “E Jovaneso šoro me čhindem, a savo si akana kava kastar gasave čudura šunav?” Thaj manglja te dičhol e Isuse.

*O Isus parvarol pobut tare pandž milje manušen  
(Mt 14,13–21; Mk 6,32–44; Jn 6,1–13)*

<sup>10</sup> Kana irisajle e apostolura, vaćarde e Isusesa sa so čerde. O Isus thaj lese sikade đele pašo foro savo akhardol Vitsaida te šaj aven zala korkore. <sup>11</sup> Al but manuša šunde kaj đelo o Isus, thaj lije te džan pale leste. O Isus phenda lendže kaj šukar avile. Thaj lija te vaćarol lendže taro Carstvo e Devleso thaj sastarda e nasvalen. <sup>12</sup> Kana lija o đive te načhol, avile e dešuduj apostolura pašo Isus thaj vaćarde: “Te mukha e manušen? Nek džan ane pašutne gava thaj ane thana kaj šaj te aračhen khanči hamase thaj kaj šaj te soven, golese kaj sam ko than kaj naj khanči.”

<sup>13</sup> A o Isus vaćarda lendže: “Den len tumen te xan.”

Thaj von vaćarde lese: “Amen isi samo pandž mangre thaj duj mačhe. Amen li te đa te čina sa kale manušendje te xan?” <sup>14</sup> A gothe sesa paše pandž milje murša.<sup>§</sup>

A o Isus vaćarda pe sikadende: “Čhuven len te bešen po pinda džene.” <sup>15</sup> Thaj čerde gija, thaj bešljarde len savoren. <sup>16</sup> Thaj o Isus lija gola pandž mangre thaj gole dujen mačhen, dikhļja ano nebo, blagoslovisada len thaj phaglja e mangre, thaj dija ke sikade te den e manušen. <sup>17</sup> Thaj halje thaj čalile savore, thaj čidije dešuduj korpe okolestar so ačhilo so halje e manuša.

*O Petar dikhļja thaj vaćarda kaj si o Isus o Hrist  
(Mt 16,13–16; Mk 8,27–29)*

<sup>†</sup> 9,5 Gova si ani tradicija e Jevrejendje. Znako pašo baro odbipe, golesa sikade kaj ni manglje ni i prašina tar gova foro pe lendže pingre <sup>‡</sup> 9,7 Irod o vladari “tetrarh” kate vaćarol pe taro Irod Antipa savo sasa vladari jekh tare štar kotora taro Izrael. <sup>§</sup> 9,14 Gothe sesa 5 milje murša, e džuvlja em e čavore ni đinglje pe.

<sup>18</sup> Jekh đive, kana o Isus molisajlo korkoro, thaj lesa sesa lese dešuduј sikade. Vov pučlja len: "So vaćaren e manuša, ko sem me?"

<sup>19</sup> A e sikade vaćarde lese: "Nesave manuša vaćaren kaj san o Jovane o Krstitelji, a avera kaj san o Ilija o proroko, a nesave vaćaren kaj san jekh tare purane prorokura savo uštilo tare mule."

<sup>20</sup> A o Isus pučlja len: "A tumen so phenen, ko sem me?"

A o Petar vaćarda: "Tu san o Hristos bičhaldo taro Dol."

*O Isus vaćarol tare piro meripe*

(Mt 16,1-23; Mk 8,31-33)

<sup>21</sup> A o Isus vaćarda e sikadendje te ma vaćaren khanikase kaj si vov o Hrist. <sup>22</sup> Thaj phenda: "Golese so me o Čhavo e Manušeso, trubul te avav but mučimo, thaj e phuredera, e šorutne sveštenikura thaj e učitelja tare Mojsijaso zakono,\* ka čhuden ma thaj ka mudaren ma, thaj trito đive me ka uštav."

*So trubul manuš te čerol te šaj avol e Isuseso sikado*

(Mt 16,24-28; Mk 8,34-9,1)

<sup>23</sup> A o Isus savorende vaćarda: "Ko mandol te džal pale mande nek ačhavol korkoro pes thaj nek lol o krsto† piro svako đive thaj nek džal pale mande. <sup>24</sup> Golese ko mandol po džuvdipe te aračhol, ka hasarol le, a ko hasarol po džuvdipe baše mande vov ka aračhol le. <sup>25</sup> Thaj savo šukaripe ka avol e manuše ako sa o sveto dobil, a pes hasarol il pese bilačhe čerol?‡ <sup>26</sup> Golese ko lađal mandar thaj tare me lafura lestar i me o Čhavo e Manušeso ka lađav kana ka avav ani slava mingri savi si slava me Dadesi thaj e sveta melekurenđi. <sup>27</sup> Čače vaćarav tumendje, nesave tumendar save sen kate ni ka meren dok ni dičhen o carstvo e Devleso."

*O Mojsije thaj o Ilija sikadile e Isusesese*

(Mt 17,1-13; Mk 9,2-13)

<sup>28</sup> Thaj kana nakhle ohto đive pale gova, o Isus lija e Petre e Jovane thaj e Jakove thaj iklilo ko brego te molil pe e Devlese. <sup>29</sup> Thaj kana molisajlo leso muj čerdilo averčhane,

\* **9,22** E starešine, e šorutne sveštenikura thaj e učitelja tare Mojsijaso zakono zajedno prestavisade sa e Jevrejendje vođen. † **9,23** Manuš savo sasa već osudimo te merol raspimo, inđarola bi o upruno kotor taro krsto dži ko than kaj ka mudaren le. Kale vačarimasa, o Isus manglja te phenol: 1. te mangljam te ava lese sikade, mora odrekni amen tare amare želje ke kaja phuv, thaj mora te ava spremna te šuna e Isuse; il 2. kaj trubul te ava spremna svako đive te trpi i te mera golese so sam lese sikade; il 3. solduj uprune opcije (rečenice).

‡ **9,25** Ano original ačhol: "So o manuš ka postignil ako preol sa i phuv a hasarol thaj upropastil pes?"

thaj lese šeja čerdile parne thaj sjajna. <sup>30</sup> Thaj dikh, tar jekh drom iklile duj manuša, thaj lije te vaćaren e Isusesa. Gola sesa o Mojsije thaj o Ilija. <sup>31</sup> Sikadile ani slava, § thaj vaćarde tare leso meripe\* savo trubuja te avol ano Jerusalim.

<sup>32</sup> A o Petar thaj kala so sesa lesa von zasute, čim džungadile dikhlije e Isuse ani slava thaj duje manušen sar lesa ačhen. <sup>33</sup> Thaj kana lije te crden pe o Mojsije em o Ilija, o Petar phenda e Isusese: "Gospod! Šukar kaj sam kate, thaj te čera trin senice: Jekh tuće, jekh e Mojsijase thaj jekh e Ilijase." Ni džanglja so te vaćarol <sup>34</sup> A dok vov gova vaćarda avilo o oblako, thaj von darajle kana učharda len o oblako.

<sup>35</sup> Thaj šunde glaso andare oblakura vaćarindoj: "Kava si mingro čumidimo čhavo save me birisadem, le mangav te šunen." <sup>36</sup> Thaj kana šundilo o glaso, e sikade dikhlije e Isuse korkore. Thaj von khanči ni vaćarde khanikase, tar gova so dikhlije.

*O Isus ikalol o melalo duxo taro čhavo  
(Mt 17,14–19; Mk 9,14–29)*

<sup>37</sup> A thearinto đive o Isus em lese sikade sar ulile taro brego, but manuša avile ko Isus. <sup>38</sup> Thaj dikh, tare but manuša akharda le jekh: "Učitelju! Moliv tut dikh pe mo čhavo golese kaj si jekhoro." <sup>39</sup> Thaj dikh, dolda le o melalo duxo, thaj tari jekh drom lija te dol vika, thaj te ikljol lestar i spuma taro muj, thaj o duxo ni ačhavol le thaj uništil le. <sup>40</sup> "Molisadem čire sikaden te ikalen e melale duxo, von naštine."

<sup>41</sup> Thaj o Isus vaćarda lendže: "O, bipačače thaj bilačhe manušalen†! Tumencar sem sa kava vreme, a tumen vadži ni pačan, pučav man vadži kozom trubul te trpiv tumen. An će čhave akari!" <sup>42</sup> A dok avola kare leste o beng perada e čhave ki phuv ane grčura, thaj lija te tresil le. A o Isus phenda e bengese te ikljol, thaj sastarda e čhave, thaj dija le lese dадесе. <sup>43</sup> Savore sesa divime e Devlese zuralimasa. Thaj savore divisajle sa okolese so o Isus čerola, o Isus vaćarda pe sikadende:

<sup>44</sup> "Šukar šunen e lafura kala: Me o Čhavo e Manušeso trubul te avav dindo ane vasta e manušendje." <sup>45</sup> A e sikade ni haljarde kala lafura, golese kaj sasa lendar garado te našti haljaren, thaj darajle te pučen le kale lafese.

---

§ 9,31 il sjaj \* 9,31 Lafi savo si kate irime ki romani čhib si meripe, a ki grčko čhib si Izlazak -'Iklipe'. Ano Purano savez "Iklipe" odnosilpe po putaripe (oslobodipe) e Izraelsko narodo taro egipatsko phanglipe. E Hristoso meripe ko krsto si "Iklipe", a gova si, delo taro okupljenje, savesa o Dol ikalol e manušen taro phanglipe tare grehura. † 9,41 manušalen Ano original ačhol: "generacija" il "naraštaj".

*E ponizna si embare ane Devlese jakha  
(Mt 18,1–5; Mk 9,33–37)*

<sup>46</sup> Thaj e sikade lije te vaćaren maškar pumende ko si lendar em baro. <sup>47</sup> A o Isus džanglja so si ane lengo ilo, vov lija e čavore čhuta le angle peste, <sup>48</sup> thaj o Isus vaćarda lendže: “Savo primil kale čavore ane mingro alav, man primil, thaj ko man primil, primil me Dade savo bičhalda man, golese ko si maškare tumende em cikno, len o Dol dičhol embare.”

*Ko naj protiv tumende tumencar si  
(Mk 9,38–40)*

<sup>49</sup> A o Jovane vaćarda e Isusesse: “Gospod! Dikhlijam jekhe sar će alavesa tradol e bengen, thaj amen vaćardam lese te na čerol gova, golese kaj ni džal amencar pale tute.”

<sup>50</sup> Thaj o Isus vaćarda lese: “Mučhen le, golese ko naj protiv tumende tumencar si.”

*E samarijancura ni manglje e Isuse*

<sup>51</sup> Thaj kana sesa paše e đivesa te iril pe ko nebo, o Isus pojdisada ano Jerusalim. <sup>52</sup> Thaj bičhalda glasnikuren angle peste, thaj von đele thaj dije ano gav ani Samarija te lačharen lese kaj te sovol. <sup>53</sup> Thaj ni manglje le gothe e manuša, golese kaj dikhije kaj džal ano Jerusalim.<sup>‡</sup> <sup>54</sup> Thaj kana dikhije e sikade lese o Jakov thaj o Jovane pučlje e Isuse: “Gospod! Mandje li te phena te uljol i jag taro nebo thaj sa te phabarol len?”<sup>§</sup> <sup>55</sup> A o Isus irisajlo thaj dija vika pe lende.\* <sup>56</sup> Thaj đele ane aver gav.

*O Isus mandol te mekha sa thaj te đa lese dromesa  
(Mt 8,19–22)*

<sup>57</sup> A sar đele dromesa nesavo manuš vaćarda e Isuse: “Me ka džav tusa kaj tu đa.”

<sup>58</sup> Thaj o Isus vaćarda: “E lisicen isi jazbina thaj e čirikljen isi len gnezdura: Me o Čhavo e Manušeso naj man kaj mo šoro te pašljarav.”†

<sup>59</sup> A o Isus avere manušese vaćarda: “Phir pale mande.”

‡ **9,53** E Samarijancura em e Jevreja ni manglje pe maškar peste. Golese e Samarijancuri ni manglje te pomognin e Isuse pe lesu đajipe ano Jerusalim, glavno foro e Jevrejengo      § **9,54** O Jakov em o Jovan phende za ke kaja metoda taro sudipe, golese so džanglje kaj e prorokura sar o Ilija sudsade e manušen save čhudije e Devle pestar (2. Car 1,10–12).      \* **9,55** An nesave grčka rukopisura ačhol: Thaj vaćarda: Ni džanen tar savo duho sen, me o Čhavo e Manušeso ni aviljem te mudarav e manušengu džuvdipe nego te spasiv (ikalav).

† **9,58** O Isus iril e vačarimasa te sikavol e manuše sar si gova kana si lesu sikado. O Isus phenol lese golesa te gova manuš đala pale leste, šaj gova manuš ni ka avol le čher.

A o manuš vaćarda: "Gospod! Muk ma angleder te džav te prahov me dade."‡

<sup>60</sup> A o Isus vaćarda lese: "Ačhav e mule, nek prahon pe mulen,§ a tu ajde vaćar taro carstvo e Devleso."

<sup>61</sup> A aver vaćarda: "Gospod! Me ka džav pale tute, al muk ma te džav te oprostiv man mingre čerutnencar."

<sup>62</sup> A o Isus vaćarda lese: "Ni jekh naj lačhardo pašo carstvo e Devleso savo čhuvol po va ko plugo te oril a dičhol palal."\*

## 10

*O Isus bičhalol eftavardeš thaj dujen sikaden te navestin o Carstvo e Devleso  
(Mt 11,21–27; 13,16–17)*

<sup>1</sup> A pale gova odredisada o Gospod averen eftavardeše thaj dujen sikaden,\* thaj bičhalda len duj po duj te džan angle leste ane sa e forura thaj ane thana kaj manglja te džal. <sup>2</sup> A o Isus vaćarda lendže: "O čidipe† si baro a e bućarne si zala, golese tumen molin e gospodare taro čidipe te bičhalol e bućarnen ki po čidipe.‡ <sup>3</sup> Džan, akh bičhalav tumen sar terne bakren maškare ruva. <sup>4</sup> Ma indaren šljanpiko ni trasta ni urajimase ke pingre, thaj dok phiren ma ačhen te vaćaren ko drom khanikasa te ma hasaren tumaro vreme.

<sup>5</sup> Kana den an nesavo čher angleder vaćaren: 'Mir ane kava čher.' <sup>6</sup> Ako gola so bešen ano čher manden o mir, o mir ka avol pe lende, ako ni manden ka iril pe tumendje tumaro mir. <sup>7</sup> Kana džan an nesavo čher, ma tar gova čher džan ke aver. Ačhen ke gova čher, thaj xan thaj pijen so

‡ **9,59** Naj jasno dal o dad gole manušeso mulo thaj vov sigate ka prahol le il mandol o manuš nesavo pobaro vreme te ačhol dži kaj leso dad ni merol pa tegani te prahol le. Poenta si ane gova kaj o manuš mandol khanči te čerol angleder so džal palo Isus. § **9,60** O Isus baš gija ni dol godi kaj e mule ka prahon averen mulen. O značenje paše "mule" šaj avol: 1. Gova si metafora paše kola save sigate ka meren; il 2. Gola si kola save ni džanen pašo Isus thaj duxovno si mule. Akate si poenta kaj o sikado nisose ni smil te ačhavol le golestari te džal palo Isus.

\* **9,62** Khoni ni dičhol palal kana oril i phuv našti vodil o plugo kaj trubul te džal. Gova manuš trubul leso dičhipe te avol anglal te bi lače orila i phuvSo bi vačharasa manuš savo džal e Devlesa našti iril pe palal an po džuvdipe savo sasa le ano sveto. \* **10,1** Ane nesave grčka rukopisura ačhol: "eftavardešen" (thaj ano stiho 10:17) † **10,2** gadikane "žetva" ‡ **10,2** O Isus podrazumil kaj isi but manuša save si spremna te den ane Devleso Carstvo, al naj but sikade te pomožin em te sikaven e manušen.

isi len, § golese kaj o bučarno dostojo si pe plataće. <sup>8</sup> Kana den ane nesavo foro thaj gothe manden tumen, xan so anen angle tumende. <sup>9</sup> Sastaren e nasvalen save si ane gova foro, thaj vaćaren lendže: ‘Kava sikavol tumende kaj si o carstvo e Devleso paše.’ <sup>10</sup> A kana džan an nesavo foro thaj ni manden tumen gothe, ikljen ko drom lengo thaj vaćaren: <sup>11</sup> ‘Thaj o praho taro tumaro foro savo si pe amende kosa amendar sar znako da o Dol ka sudil tumende.\* Al te džanen paše avilo tumende o Carstvo e Devleso.’ <sup>12</sup> Vaćarav tumende kaj e Sodomače† ka avol po lokho ko đive e Sudoso nego gole manušendje tar gova foro!”

*Kazne e bipokajime forurenđe  
(Mt 11,20–24)*

<sup>13</sup> “Pharo tumende, manušalen taro Horazin! Pharo tumende, manušalen tari Vitsaida! Golese te bi čerdona e čudura ano foro Tir thaj ano foro Sidon‡ sar tumende so čerdile, dumutane bi pokajina pe thaj bi bešena urade ano dorikalo čaršafi thaj ano praho.§ <sup>14</sup> A e manušendje taro Tir thaj e manušendje taro Sidon ka avol poločhe ko sudo nego tumende. <sup>15</sup> A tumen manušalen taro Kafarnaum! Đi o nebo li ka ušten? Ka peren dži ko than kaj si e mule, Had.”

<sup>16</sup> Thaj vaćarda pe sikadendje: “Ko tumen ašunol, man ašunol, thaj ko tumen čhudol, man čhudol. Ko čhudol man, čhudol e Devle savo bičhalda man.”

*O Isus sikavol e sikaden so si em važno*

<sup>17</sup> Kana irisajle kola eftavardeš thaj duj sikade radosno vaćarde e Isusese: “Gospod, e benga pokorisajle amendje ke čiro alav.”\*

---

§ **10,7** O Isus ni vaćarda da von trubul te ačhen an gova čher sa e đivesa dok bešen ano foro, nego kaj trubul te soven an gova čher sa e raća dži kaj si odori; avere lafurencar, “Ma soven ane avera čhera sa e raća”. \* **10,11** Gova si simbolično bući savasa sikadol pe kaj čhuden e manušen tare gova foro; il: “Gija, sar tumen so čhudijen amen, thaj o Dol gija čhudol tumen.” † **10,12** O Dol uništisada e sumporne jagasa e manušen ano foro Sodoma golese so sesa bilačhe (dikh 1. Mojs 19,24–28). ‡ **10,13** Horazin! Pharo tumende, manušalen tari Vitsaida! Golese te bi čerdona e čudura ano foro Tir thaj ano foro Sidon Manuša save bešle ano Horazin thaj ani Vitsaida si Jevreja pa trubuje te adućaren e Mesija. Manuša save bešle ano Tir thaj ano Sidon naj Jevreja gija da von ne bi adućarena kaj ka avol o Mesija. Okova so o Isus kate vaćarol kaj čak i okola so naj Jevreja trubul te pindžaren kaj si vov o Mesija golese so čerda sa gola čudura. § **10,13** An goja kultura, e manuša bi phiravena šeja čerde taro dorikalo čaršafi, savo našti phiravol pe thaj naj udobno, thaj bi bešena ano praho, te bi sikavena da lendže žal so grešisade anglo Dol. \* **10,17** Kate o “alav” odnosil pe ke Isuseso moć em autoritet.

<sup>18</sup> A o Isus vaćarda lendže: “Me dikhlijem e Sotona sar pelo taro nebo sar munja.<sup>†</sup> <sup>19</sup> Akh dijem tumen zor te ačhen pe sapa thaj pe škorpijke<sup>‡</sup> thaj pe sa o vlast e dušmaneso,<sup>§</sup> thaj khanči ni ka avol tumenđe. <sup>20</sup> A golese tumen ma aven radosna so e duxura pokorin pe tumenđe, nego aven radosna so tumare alava pisime ko lil e Devleso ano nebo.”\*

*Blagoslovime si sa okola save prihvatin e Isuseso lafi  
(Mt 11,25–27; 13,16–17)*

<sup>21</sup> Ane gova sato o Isus pherdilo radost ano Svetu duxo thaj phenda: “Hvaliv tut, Dade, Gospod e phuvako thaj e neboso, so garadan čo čačipe tare but džangle thaj tare razumna a vaćardan e ciknende.<sup>†</sup> Va, Dade, golese kaj si gova čiri volja.”

<sup>22</sup> Thaj irisajlo o Isus ke pe sikade thaj vaćarda: “Sa mande dija o Dad mingro, thaj khoni ni đanol ko si o Čavo sem o Dad, ni ko si o Dad sem o Čavo, thaj okola kase o Čavo mandol te vaćarol.<sup>‡</sup>”

<sup>23</sup> Thaj irisajlo e sikadendje korkore kana sesa thaj vaćarda lendže: “Blagoslovime si e jakha so dičhen so tumen dičhen. <sup>24</sup> Golese vaćarav tumenđe kaj but prorokura thaj carura manglje te dičhen man thaj ni dikhlij, thaj manglje te šunen man thaj ni šunde.”

*O Isus sikavol taro džuvdipe bizo meripe  
(Mt 22,34–40; Mk 12,28–31)*

<sup>25</sup> Thaj uštilo jekh tare učitelja taro Mojsijaso zakono te iskušil e Isuse thaj pučlja le: “Učitelju! So trubul te čerav te avol ma džuvdipe bizo meripe?”

<sup>26</sup> A o Isus vaćarda lese: “So si pisimo ane Mojsijaso zakono? Sar tu gova haljare?”

<sup>27</sup> A vov phenda e Isusese: “Čumide e Gospod e Devle čire sa e ilesa čiresa, sa dušasa čirasa, thaj sa e zorasa čirasa, thaj sa e godasa čirasa, thaj mang<sup>§</sup> će pašutne kozom mande korkore tut.”

---

<sup>†</sup> **10,18** O Isus koristil kaja paramič te bi uporedila sar o Dol pobedisada e Sotona, dži kaj lese 72 sikade propovedisade ane forura, odnosno Sotona pelo taro nebo sar i munja savi čalavol premali phuv. <sup>‡</sup> **10,19** Verovatno si e sapa thaj e škorpionura metafora za ke bilačhe duxura. <sup>§</sup> **10,19** O Dušmano si o Sotona.

\* **10,20** O Dol pisisada lendže alava, sar građanuri ano nebo, thaj gova značil kaj isi len džuvdipe bizo meripe. <sup>†</sup> **10,21** Kava odnosilpe pe kola save naj len but sikajipe, al si spremna te prihvatin e Isuseso sikajipe sar so e cikne čavore save si spremna te šunen kolen ane kaste pačan. <sup>‡</sup> **10,22** Vlast, autoritet, zor, čačipe, thaj aver. <sup>§</sup> **10,27** voli, čumide

28 A o Isus vaćarda lese: "Šukar vaćardan. Čher gova thaj ka avol tut džuvdipe bizo meripe."

29 A o učitelji taro zakono manglja te opravdil pe, pa pučlja e Isuse: "Ko si mo pašutno?"\*

30 A o Isus vaćarda lese: "Jekh manuš ulilo taro Jerusalim ano foro savo akhardol Jerihon, thaj dolde le e čora, save uljarde lese šeja thaj marde le. Đele pese thaj ačhade le opaš mule pašo drom.

31 Thaj slučajno gole dromesa nakhlo nesavo jevrejsko svešteniko, thaj dikhla le em crdijape lestar ki aver rig thaj nakhlo. 32 Gija thaj o levito e sveštenikoso sluga kana avilo ke gova than avilo paše, dikhla le thaj nakhlo. 33 A nesavo Samarijanco† avilo paše leste, dikhla le pa pelo lese žal. 34 Thaj avilo kosla e manuše rane‡ uljesa thaj moljasa, thaj paćarda len, čhuta le ke po her thaj inđarda le ani mehana, thaj dikhla pe leste. 35 Thaj theara đive kana lija te đal ikalda duj srebrenjakuri pare§ dija ko manuš kasi sasa i mehana, thaj phenda lese: 'Dikh pe leste, thaj te trošisadan po but me ka počinav kana ka irima.' "

36 "So den godi akana?" Pučlja o Isus. "Tare kala trin džene ko sikadilo lese thaj sasa pašutno kolese so dolde le e čora?"

37 A učitelji e zakoneso phenda lese: "Okova savo čerda milosrđe."

A o Isus vaćarda lese: "Đa, thaj tu čher gija."

*E Isuseso lafi trubul te avol amendje ko angluno than*

38 A kana đele premalo Jerusalem, o Isus thaj lese sikade avile ane jekh gav, a jekh džuvli, akhardola Marta, dija len vika ane po čher. 39 Thaj la sasa phen, akhardola Marija, savi bešli paše pingre e Isuseso thaj šunda leso vaćaripe. 40 A i Marta dikhla po but ani bući em sar emlačhe te kandol le, thaj avili pašo Isus thaj vaćarda lese: "Gospod! Šukar li si kava so mi phen ačhada ma korkora te kandav tut? Vaćar laće te pomožil ma."

41 A o Isus vaćarda laće: "Marto! Marto! Sikiri tut thaj trudi tut butese. 42 A samo jekh trubul. I Marija či phen

\* **10,29** Kava manuš manglja te đanol kas trubul te mandol, avere lafurencar: "Kas trubul te dikhav pašutne thaj te mangav sar korkore man?" † **10,33** Samarijanco E Samarijancura sesa e jevrejende potomkura save lijepe avere narodosa. Von ni slavisade e Devle ko Jerusalem sar e Jevreja so čerde. E Jevreja sesa holjame pe Samarijancura thaj ni pačaje kaj e Samarijancura sesa e Devleso narodo. ‡ **10,34** i mol koristisade te čistin e rane, a o ulje verovatno koristisade te sprečil pe infekcija. § **10,35** Ko original ačhol: duj denara save si duj dnevnice.

birisada khanči šukar, te šunol mo lafi savo ni ka lol pe latar.”

## 11

*O Isus sikavol pe sikaden sar te molin pe  
(Mt 6,9–13; 7,7–11)*

<sup>1</sup> Kana o Isus molisajlo thaj kana ačhilo e molitvasa, jekh tar lese sikade vaćarda lese: “Gospod, sikav amen te moli amen, sar o Jovane o Krstitelji so sikada pire sikaden.”

<sup>2</sup> O Isus vaćarda lendže: “Kana molin tumen, vaćaren: ‘Dade amareja ko nebo,

te svetilpe čo alav,\*

te avol čo carstvo,†

te avol čiro mandjipe ki phuv sar ko nebo,

<sup>3</sup> Hamase so trubul amen de amen svako đive,

<sup>4</sup> thaj oprosti amare grehura,

    sar amen so oprosti okolendje so čeren grehura premal amende!‡

Thaj crde amen taro iskušenje.’”

<sup>5</sup> Thaj o Isus vaćarda:§ “Den godi sar bi avola kana bi khoni tumendar đala ke po amal ki opaš rat, thaj te roden mangro lestar, thaj te vaćaren lese: ‘Amala, dema trin mangre, pa ka iriv tuće. <sup>6</sup> Golese kaj avilo taro drom mo amal ke mande, thaj naj so te čhuvav angle leste.’ <sup>7</sup> A vov andral te phenol: ‘Ačhav ma ko miro! Mo vudar si phanglo thaj me čhave si manca ano than e pašljimaso, thaj našti uštar te dav tut!’ <sup>8</sup> Vaćarav tumendje: Ako ni uštilo golese kaj si lesu amal, ka uštol te dol le golese so si bilađutno thaj uporno.”\*

<sup>9</sup> Vaćarav tumendje: “Mandjen thaj ka dolpe tumendje! Roden thaj ka aračhen! Maren thaj ka putavol tumendje!

\* **11,2** Savore nek den če alavese čast tuće Devlese. † **11,2** Kava značil te širil pe te bi barola e Devlesi vladavina ki phuv. ‡ **11,4** Gova si poniznost, a ponizno manuš uvek oprostil averendje so čerde lese bilačhipe. Golese amen o Isus sikavol te phena, “Thaj oprosti amare grehura, sar amen so oprosti okolendje so čeren grehura premal amende.” Da sar i amende so si dindo.

Oprosti isto gija sar so i oprostimo si amende. § **11,5** O Isus vaćarol kaja paramič sar te bi ilustririla kaj tumaro amal ne bi odbila te pomožil ako isi tumen bari potreba thaj roden lestar gova po but droma. Ko isto način o Dol ni ka odbil te dol tumen okova so trubul tumendje ako uporno roden lestar.

\* **11,8** O Isus vaćarol kaja paramič sar te sikavol kroz i usporedba kaj tumaro amal ka pomožil tumendje ako isi tumen bari potreba thaj molin le više droma za ko pomoći. Ko gasavo način o Dol ka dol tumen okova so tumendje trubul te manglijen lestar uporno. Ako čak i o komšija, savo ni mandol tut, ka dol tut okova so trubul če kana bizi lađ rode, kobor više o Dol, savo si šukar dad thaj kova savo mandol tut, ka dol tut okova so trubul če kana bizi lađ moli tut lese.

10 Golese kaj savore save manden, dolpe lendže, save roden aračhen, save maren, putardol lendže.

11 Savo dad tumendar: kana bi o čhavo rodola mačhe, o dad dol le ke gova than sape? 12 Il te manglja angro te dol le škorpija? 13 Kana tumen, bi šukar manuša, džanen šukar buča te den tumare čhaven, kobor pobut tumaro Dad taro nebo ka dol tumen Duxo Svetu kolendje save molin le?"

*E Isuseso zuralipe avol taro Dol*

(Mt 12,22–30; Mk 3,22–27)

14 Jekh drom o Isus tradija e benge taro manuš savo naštine te vaćarol. Kana iklilo o beng lestar vov lija te vaćarol, thaj zadivime e manuša sesa. 15 A nesave lendar vaćarde: "E Veelzevuleſe† zorasa savo si šorutno e bengengo, tradol e bengen." 16 A avera iskušisade e Isuse gija so rodije znako te dičhen dal si bičhaldo taro Dol.

17 Thaj o Isus džanglja so den godi thaj phenda lendže: "Đi jekh carstvo‡ savo si ulado ka properol. Čher§ an savo naj sloga ka properol. 18 Gija i o beng\* te ulada pe korkoro pestar, sar ka ačhol lesa carstvo? Vaćaren kaj e Veelzevulesa tradav e bengen. 19 Ako me e Veelzevulese zorasa tradav e bengen, save zorasa traden len tumare sikade?† Thaj von korkore ka osudin tumen. 20 Thaj ako me e Devlese zorasa‡ tradav e bengen, onda avilo tumende o carstvo e Devleso."

*O Isus si po zuralo taro Beng*

21 Thaj o Isus vaćarda: "Kana okova savo si zuralo manuš§ naoružilpe, thaj aračhol po čher, lesa barvalipe si šukar arakhado. 22 Al kana avol po zuralo lestar, pobedil le thaj lol sa lesa oružije ane savo pačaja, thaj ulavol pirencar so lija taro slabo manuš.\*

23 Savo naj manca, protiv mande si, thaj ko manca ni čidol, vov onda čhorol."†

† 11,15 Veelzevul si dujto alav e Sotonaso, vladari e bengengo. † 11,17 Akate o "carstvo" vaćarol tare manuša an leste: "Kana e manuša tare nesavo carstvo maren pe maškar peste, von ka uništin pumaro carstvo." § 11,17 Akate o "čher" vaćarol tari porodica: "Kana e čherutne maškar peste maren pe, ka uništin pumari porodica."

\* 11,18 o beng Ano original ačhol "Sotona". Kate "Sotona" vaćarol tare demonura save služin e Sotona thaj e Sotonesa: "Kana o Sotona thaj e manuša tar lesa carstvo maren pe maškar peste." † 11,19

Kate vaćarol pe tare farisejska sikade save traden e demonuren ‡ 11,20

Ano original ačhol: "e Devlese najesa" (dikh 2. Mojs 8,19) § 11,21 Sotona

\* 11,22 Kava vaćarol taro Isus savo pobedil e Sotone thaj lese demonen sar te

phene o Isus po zuralo manuš savo lol so pripadil e zurale manuše

† 11,23 ko manca ni čidol, vov onda čhorol O Isus vaćarol taro čidipe e sikadengo save džana pale leste: "Ko ni teril e manušen te aven thaj te phiren pal mande, vov teril len te džan dur mandar."

*Aračhen tumen te ma iril pe o bilačho duho  
(Mt 12,42–45)*

<sup>24</sup> “Kana o beng ikljol andaro manuš, džal ke thana kaj naj khančhi† te rodol than kaj šaj odmoril pe, thaj kana ni aračhol than vaćarol: ‘Te irima ano mo manuš kotar ikliljem.’<sup>§</sup> <sup>25</sup> Thaj kana iril pe o melalo dux aračhol kaj si gova manuš sar čučo čher savo si šulado thaj namestimo andral. <sup>26</sup> Tegani džal thaj aračhol efta averen duxuren pobilačhe pestar, thaj aven andre te bešen, thaj avol e manuše po bi lačhe nego angleder.”

*Čačukano blagoslov*

<sup>27</sup> A kana gova vaćarda o Isus, jekh džuvli savi šunda le dija vika zurale: “Blagoslovimi i dej savi inđarda tut an po vođi, thaj dija tut čući!”

<sup>28</sup> A o Isus vaćarda: “Vadži po blagoslovime si kola save šunen o Lafi e Devleso thaj čeren le.”

*E Jonaso znako*

*(Mt 12,38–42; Mk 8,12)*

<sup>29</sup> Po but manuša lije te čiden pe, a o Isus lija te vaćarol lendže: “Tumen e manuša so živin ke kava vreme sen bi lačhe manuša. Tumen roden o znako,\* thaj ni ka dolpe tumende znako sem e čudura so čerde pe e Jonase e prorokose.† <sup>30</sup> Gova so sasa e Jonase, sasa znako kaj o Dol bičhalda le e manušendje save živisade ani Niniva.‡ Gija mancar so ka avol, ka avol znako kaj me o Čhavo e Manušeso, o Dol bičhalda man kale manušendje.

<sup>31</sup> Ko đive kana ka avol e Devleso sudo, i carica so angleder vladisada e južnone<sup>§</sup> phuvasa ka uštol thaj ka osudil manušen tar kava bijandipe, golese kaj odural avili tare em palune phuva te šunol e caro e Solomone savo sasa but mudro, a ake, kate si khoni po baro taro Solomon, a tumen ni manden te šunen le. <sup>32</sup> Ko đive kana ka avol e Devleso sudo, e manuša so bešle ano purano foro Niniva ka ušten i ka osudin kale manušen tar kava bijandipe, golese

† **11,24** thana kaj naj khančhi Ano orginal ačhol: “thana bizo paj” savo vaćarol tare “tare thana kaj naj khančhi” kaj e melale duxuri phiren. § **11,24** Ano original ačhol: “ano čher tar savo ikliljem” \* **11,29** znako Avere lafurencar:

“Mandol mandar te čerav čudo sar znako kaj aviljem taro Dol.” † **11,29** čudura so čerde pe e Jonase e prorokose O Jona sasa proroko ano Stari zavet (dikh Jona 1,7; 2,10; Mt 12,40). Pale trin đive džuvdo iklilo tare bare mačheso vođi, sar o Isus so ka ikljol tar o trito đive taro grobo. ‡ **11,30** Manuša kase o Jona vaćarda taro Dol sesa but bilačhe manuša. Živisade ani Niniva, glavno foro e Asirijako, thaj sesa dušmaja e Izraelese (dikh Jona 3).

§ **11,31** I Carica tari Saba (ko današnjo Jemen) putujisada prekale 1500 kilometra te šunol e Solomoneso mudrost. Živisada 1.000 berš angleder o Hrist (dikh 1. Car 10,1–13; 2. Pet 2,1–12).

kaj kajisajle kana o Jona sikada len, a ake kate si khoni po baro taro Jona, a tumen ni pokajisaljen!”

*O svetlo em i tama ano telo*

<sup>33</sup> “Khoni ni phabarol i svetiljka pa te čhuvol la talo garado than, ni talo čaro, nego čhuvol la ko than e svetiljkako te šaj dičhen o svetlost okola so den ano čher.” <sup>34</sup> Ćiri jakh si sar svetiljka e telose. Ako gija čiri jakh si sasti, sa čo telo ka avol osvetlimo. Ako si čiri jakh bi lačhi, čo telo ka avol ani tama. <sup>35</sup> Golese vodi redo ma gova svetlost sosi ane tute te avol tama. <sup>36</sup> Golese ako si sa čo telo osvetlimo thaj naj nisavo deo ani tama, ka avol sa osvetlimo sar kana i svetiljka osvetlit tut.”

*O Isus ukoril e jevrejskone šorutnen*

(Mt 23,1-36)

<sup>37</sup> Thaj kana o Isus vaćarola, jekh tare fariseja akharda le te hal mangro ke leste. Thaj o Isus đelo ke leste thaj bešlo ki sinija. <sup>38</sup> A o farisej čudisajlo kana dikhla so o Isus bešlo a angleder golestar ni thoda pe vasta<sup>†</sup> anglo hape. <sup>39</sup> A o Gospod o Isus vaćarda lese: “Akana tumen e fariseja thoven od avral o tahtaj thaj o čaro, a andral si pherde pohlepa thaj bilačipe. <sup>40</sup> Bigođače! Naj li o Dol kova savo čerda e manuše od andral thaj od avral? <sup>‡</sup> <sup>41</sup> A kava si po šukar: den e čororende okova so isi tumen andre, so halaneste garaven ane tahtaja em ane čare, thaj ka aven thode od andral em od avral.

<sup>42</sup> Pharo tumendje e farisejendje so den dešto kotor tare začinura<sup>§</sup> thaj taro sa o povrće, a ni marin te čeren averendje okova so si šukar thaj te mandžen e Devle. Trubul te den dešto kotor e Devlese, al ma te bistren te čeren okova so pobut trubul.

<sup>43</sup> Pharo tumendje e farisejendje! So volin te bešen ke anglune thana ane sinagoge thaj kana dičhen tumen e manuša, pherde poštujipe premal tumende, te pozdravin tumen ke trgura. <sup>44</sup> Pharo tumendje! Tumen sen opasnost

\* **11,33** Stihura 33-36 si metafora savasa o Isus vaćarol tar po sikajipe kaj o “svetlo” za savo mandol lese sikade te aven poslušna thaj te delin le averencar. Vov vaćarol tare manuša save ni džanen il ni prihvatit leso sikaipe kaj si gola manuša ani “tama”. † **11,38** Pale Jevrejengo adeti trubuja te čerol obredno thojipe pe vasta te bi avena čista anglo Dol. ‡ **11,40** O Isus pučol kava te ukoril e farisejen so ni haljaren kaj gova so isi len ane ile si važno e Devlese.

§ **11,42** začinura ano original ačhol: “nana thaj ruta”.

sar e neprimetna limora pe save e manuša uštaven a ni džanen kaj uštaven len.”\*

**45** Phenda e Isusese nesavo učitelji tare Mojsijaso zakono: “Učitelju, kava so phene i amen lađare!”

**46** A o Isus vaćarda lendže: “Pharo i tumendje e učitelja tare Mojsijaso zakono! So čhoven pharipe but phare indarimase, a tumen tumaro naj ni manden te crden te pomožin nekase. **47** Pharo tumendje! So čeren limora e prorokurenđe, saven tumare kuštika mudarde. **48** Golesa sikaven kaj odobrin gova so čerde tumare kuštika: von mudarde len, a tumen vazden lendže limora.† **49** Golese so o Dol an po mudrost vaćarol tumendar: ‘Ka bičhalav lendže prorokuren thaj apostolen, a khonik lendar ka mudarol len, a e dujtonen ka progonin.’

**50** Tumari generacija ka avol bandji za ko rat e prorokurengi savo thavdija taro čeripe o sveto, **51** taro Aveljeso rat dži e Zaharijaso rat,‡ savo mudardo maškarlo žrtveniko thaj o sveto than e Hrameso. Va, phenav tumendje, ka rodol pe tari tumari generacija.§

**52** Pharo tumendje učiteljuralen tare Mojsijaso zakono! Golese so garaden i klidi taro džanglipe e Devlese carstvose.\* Korkore ni den andre ano carstvo, a save manglje te den andre, tumen ni dijen len.”

**53** A kana o Isus iklilo gothar, lije e učitelja tare Mojsijaso zakono thaj e fariseja te holjavon thaj te pučen le but khanči, **54** thaj rodije so te phenol sosa bi bandarena le posle.

\* **11,44** Kala limora sesa hunde rupe ko than kaj e muleso telo sasa prahome. Ni sasa len parne bara save e manuša čhuvena pe limora te šaj dičhen pe. Kana e Jevreja phirena prekale limora, teg avena melale palo adeti. Kala neprimetna limora čeren len ne namerno te aven duxovno melale. † **11,48** O Isus ukoril e farisejen thaj e učiteljen tare Mojsijaso zakono. Von džanen za ko mudaripe e prorokunengi, al ni osudin pe kuštika golese so von mudarde e prorokuren. Avere lafurencar: “Umesto te osudin len, tumen potvrđin thaj složin tumen lencar. Thaj najseni poslušna baše proroštvara sar von so ni sesa poslušna e prorokurenđe.” ‡ **11,51** O Avelj sasa prvo manuš mudardo ano Stari zavet (1. Mojs 4,1–16) thaj o Zaharija emposlednjo manuš mudardo ano Stari zavet (2. Dnev 24,20–22).

§ **11,51** Jekhore prorokura saven poštujin si e mule prorokura! Baš sar lendže kuštika so ni šunde e prorokuren ano Stari zavet, gija kala fariseja thaj e učitelja tare Mojsijaso zakono ni šunen e Isuse thaj ni ka šunen e apostoluren saven o Isus ka bičhalol. Ka avol krajo za ko strpljenje e Devleso thaj vov ka sudil e Izraele paše sa e berša so čhudije leso lafi. \* **11,52** O Isus vaćarol tare Devleso čačipe sar te phene kaj si ano čher ke savo e učitelja ni manden te den, al ni mučhen ni averen te avol len klidi (ključo) te šaj den. Akava značil kaj e učitelja ni džanen e Devlese, al ni mučhen ni averen te upoznajin e Isuse.

## 12

*O Isus sikavol te na ava dujemujendē  
(Mt 10,26–27)*

<sup>1</sup> Kana čidije pe but milja manuša, gaći kaj lije te uštaven jekh avere, o Isus angleder golestar lija te vaćarol pe sikadendē: “Aračhen tumen taro kvasaco o farisejsko, so si dujemujengo.\* <sup>2</sup> Golese kaj naj khanči garado so ni ka pučardol, thaj sa so si garado ka šundol angle savorende. <sup>3</sup> Golese so si vaćardo ki tomina ka šundol ko svetlo, thaj sa so vaćarden čorale ane phangle sobe, ke krovura ka šundol!”

*Ma daran, tumen sen dragocena e Devlese  
(Mt 10,28–33; 12,31–32; Mk 3,28–29)*

<sup>4</sup> “Al vaćarav tumende amalalen, ma daran tare kola so šaj mudaren samo o telo, golestar aver khanči našti čeren tumende! <sup>5</sup> Ka vaćarav tumende kastar te daran. Daran taro Dol savo šaj mudarol thaj čhudol ani jag savi ni ačhol. Va, phenav tumende, Lestar daran!

<sup>6</sup> Ni li bičindon pandž čiriklja baše duj pare? Thaj ni jekha ni zabistrol o Dol. <sup>7</sup> A tumende i tumare bala ko šoro si đinde.† Golese ma daran. Tumen sen po vredna tare pherdo čiriklja.”

*Trubul te priznaji e Isuse angle manuša  
(Mt 10,32–33; 12,32; 10,19–20)*

<sup>8</sup> “Gija vaćarav tumende: ‘Savo kate ki phuv priznajil kaj pripadil mande, le me, o Čavo e Manušeso angle melekura ka priznajiv. <sup>9</sup> A savo man čhudol ke kaja phuv me lestar ka odreknima angle Devlese melekura. <sup>10</sup> Thaj savo vaćarol protiv mande, protiv o Čavo e Manušeso ka oprostilpe lese, a savo vaćarol bilačhe taro Sveti Dux ni ka oprostilpe lese.

<sup>11</sup> Thaj kana ka anen tumen anglo sudo ke sinagoge thaj angle šorutne, thaj anglo vlast ma daran sar thaj so ka vaćaren il so ka phenen. <sup>12</sup> Golese kaj ka sikavol tumen o Dux Sveti ane gova sato so trubul te vaćaren.”

*Paramič taro barvalo bigođako manuš*

\* **12,1** Sar so o kvasaco so širil pe maškar sa o humer, gija lengo licemerje širisajlo maškar sa i zajednica. “Aračhen tumen taro licemerje e farisejengo, savo si sar kvasaco” il “Pazin te na aven licemerna sar o fariseja.” Lengo bi šukar ponašanje utičil pe savorende isto gija sar so o kvasaco utičil po humer.

† **12,7** Šaj pouzdaji amen ano Dol. Vov đanol po but nego amen so džana. Ni džana ni kobor bala isi amen ko šoro, al o Dol gova đanol thaj vadži po but amendar.

<sup>13</sup> Thaj vaćarda khoni tare manuša e Isusese: "Učitelju, vaćar me phralese te ulavol mancar okova so ačhada amendje amaro dad."

<sup>14</sup> Thaj o Isus vaćarda lese: "Manuša, ko man čhuta sudija il delioc pe tumende?" <sup>15</sup> Thaj vaćarda savorende o Isus: "Dičhen thaj aračhen tumen tari pohlepa. I sa gaći barvalipe te avol manuše, leso džuvdipe ni avol golestар so isi le."

<sup>16</sup> Thaj o Isus vaćarda lendže jekh paramič: "Nesave barvale manušesi phuv bijanda but bijandipe. <sup>17</sup> Thaj dija godi ane peste vaćarindo: 'So ka čerav? Naj ane soste te čidav e milajeso čidipe.' <sup>18</sup> Thaj vaćarda: 'Đanav! Akh kava ka čerav! Ka rumiv me thana taro điv thaj ka čerav po bare, thaj gothe ka čidav mo điv thaj sa mo šukaripe. <sup>19</sup> Thaj ka vaćarav korkoro mande kaj isi man baro barvalipe bute beršendje. Ka šaj odmoriv, ka xav, ka pijav, ka veseli man!'

<sup>20</sup> A o Dol lese vaćarda: 'Bigodaleja! Kaja rat ka lav čo odi<sup>†</sup> tutar. Thaj kase ka ačhol sa gova so čerdan bući?'

<sup>21</sup> Gija si kolesa savo čidol pese barvalipe ki phuv, a ni čidol barvalipe savo si šukar e Devlese ane jakha."

### *Ma daran nisose*

(Mt 6,25–34)

<sup>22</sup> A o Isus pe sikadende phenda: "Golese vaćarav tumende: Ma daran za sa e đivesa tumare dal ka avol tumen so te xan, ni tumare telose so ka uraven!§ <sup>23</sup> Golese kaj si o džuvdipe po but taro hape thaj tumaro telo po but taro urajipe. <sup>24</sup> Dičhen e gavranen!\* Sar ni sejin, ni ti čiden, save naj len niti podrumo ni kaj čhoven o điv, thaj o Dol parvarol len, a kozom sen tumen po vredna lendar? <sup>25</sup> A šaj li neko tumendar golesa so brinil pe barol leso džuvdipe za jekh đive? <sup>26</sup> Kana našti ni gova zala te čeren, sose brinin tumen za ko sa aver?

<sup>27</sup> Dičhen e luludja ki livada sar baron! Ni čeren bući, niti suven pese šeja, a me phenav tumende kaj ni o caro o Solomon ane pire barvale šeja naj sasa urado sar jekh lendar. <sup>28</sup> A ako o Dol dol e čaraće gija lače šeja ko polje, savi si avđive, a theara čhudol pe ani jag, dal ni ka brinil pe tumende vadži pobut? Sose gaći zala pačan? <sup>29</sup> A tumen ma brinin tumen isi tumen li so te xan il so te pijen. Ma daran golese! <sup>30</sup> Gija čeren e manuša save ni džanen e Devlese ke

<sup>†</sup> **12,20** "Odi" (duša) odnosil pe ko džuvdipe e manušeso. Avere lafurencar:

"Ka mere erat!" § **12,22** O Dol dija tumen i tumaro džuvdipe thaj tumaro telo, sigurno šaj pačan lese kaj ka dol tumen i okova so trubul tumende za ko džuvdipe.

\* **12,24** E manuša so šunena e Isuse, smatrina sar so e gavranura naj korisna golese so e Jevreja naštine te xan goja vrsta tare čiriklja.

kava sveto. Tumaro Dad ano nebo đanol kaj sa gova trubul tumende. <sup>31</sup> Nego roden o carstvo e Devleso,<sup>†</sup> thaj aver ka dodol pe tumende.

<sup>32</sup> Ma daran, me cikne bakre! <sup>‡</sup> Tumaro Dad gova manglja te dol tumen te aven ano carstvo.

<sup>33</sup> Bičinen so isi tumen thaj den e čororende! Čeren tumende traste za ke pare save ni phuravon thaj barvalipe ko nebo savo ni ka ciknjol. Khoni nakašti avol odori te čorol tumaro barvalipe thaj ni jekh moljco ni ka xal len. <sup>34</sup> Golese kaj si tumaro barvalipe, gothe ka avol i tumaro ilo.”

*Aven džungade pašo dujto avipe e Gospodeso  
(Mt 24,45–51)*

<sup>35</sup> Thaj o Isus vaćarda lendže: “Aven spremna thaj urade zaki bući, <sup>§</sup> thaj tumare svetiljke te aven phabarde, <sup>36</sup> sar manuša save adućaren pe gospodare savo iril pe taro abav, te aven spremna te putren lese kana resol thaj marol ko udar. <sup>37</sup> E sluge save si spremna thaj adućaren pe gospodare te iril pe, ka aven blagoslovime. Čače vaćarav tumende o gospodari korkoro ka uravol pe sar sluga, thaj ka phenol lendže te bešen thaj ka avol te kandol len thaj ka dol len te xan. <sup>38</sup> O gospodari šaj ka avol ki opaš rat il anglo uštipe taro sojipe.\* Blagoslovime si e sluge save adućaren.

<sup>39</sup> A kava džanen: kana bi đanola o čherutno ke savo sato ka avol o čor, ne bi dola te avol leso čher phago. <sup>40</sup> Thaj tumen aven spremna, golese so me o Čhavo e Manušeso ka avav kana ni ka den godi an savo sato.”

<sup>41</sup> A o Petar pučlja e Isuse: “Gospod! Vaćare li amendje e sikadende kaja paramič il savorenđe?”

<sup>42</sup> A o Isus vaćarda lese: “Savo si pobožno thaj džanglo sluga kas leso gospodari ka čhuvol upreder pe čherese sluge te dol len te xan ko vreme? <sup>43</sup> Blagoslovimo si gova sluga kas o gospodari kana avol aračhol le sar čerol gjate! <sup>44</sup> Čače vaćarav tumende, o gospodari pe po sa o barvalipe ka čhuvol e sluga. <sup>45</sup> Ako vaćarol o sluga ane po ilo:

---

<sup>†</sup> **12,31** roden o Carstvo e Devleso Kava značil “dičhen šukar an leso carstvo” il “but roden e Devleso carstvo”. <sup>‡</sup> **12,32** me cikne bakre Ano original ačhol: Mo cikno stado. O Isus dol vika pe sikaden sar bakren. Sar o čobano so brinil pe pe bakrende, o Dol brinil pe e Isuseso sikadende. Avere lafurencar, “Ma brinin tumen. Iako sen zala thaj slaba, sar cikne bakre, tumaro Dad ano nebo mandol te dol tumen te živin ano leso carstvo.” <sup>§</sup> **12,35** Ano original ačhol: “Tumare glega šeja nek aven phangle ke tumaro kaiši”. E manuša inđarde glega fostanura thaj phandena len ko kaiši te ma bi smetina len dok čerena bući. Avere lafurencar: “Čhoven tumare šeja ke tumaro kaiši te šaj te aven spremna te kanden”. Il “Aven urade thaj spremna te kanden.” \* **12,38** Ano original ačhol: “dujto aračhipe (straža), thaj ko trito aračhipe.”

‘O gospodari ni ka avol sigate’, thaj lol te marol avere slugen thaj e sluškinjen, thaj hal em pijol, thaj matol. <sup>46</sup> O gospodari ka avol ano đive kana vov ni ađućarol, thaj ano sato kana ni dol godi, ka čhinol e sluga ke kotora, thaj ka čhuvol le maškar okola save ni pačan ano Dol.

<sup>47</sup> A kova sluga savo džanglja so leso gospodari mandol, thaj naj spremno, thaj ni čerda pal leso manglipe ka avol but mardo. <sup>48</sup> A okova sluga savo ni džanglja e gospodaresi volja, a čerda khanči sose ka avol mardo, ka marol pe le zala. Kase dija pe but, but ka rodol pe lestar. Kase poverimo but, po but ka rodol pe lestar.”

*E Isuseso vaćaripe ka anol maškare manuša ulaipe  
(Mt 10,34–36)*

<sup>49</sup> Thaj o Isus vaćarda: “Me aviljem te čhudav i jag† e sudosi ki phuv. So bi mangava te avol već phabardi! <sup>50</sup> Al me trubul te krstima† mučimasa, thaj but mande pharo sa dok ni čerdol gova! <sup>51</sup> Dal den godi kaj me aviljem te anav mir ki phuv? Na, me aviljem te anav ulaipe maškare manuša. <sup>52</sup> Golese od akana ka aven ulade e čherutne: trin manuša ka aven ke mingri rig, a protiv avera duj gola avera trin. <sup>53</sup> Ka uštol o dad protiv o čhavo, thaj o čhavo protiv o dad, i dej protiv i čhej thaj i čhej protiv i dej, i sasuj protiv i bori thaj i bori protiv piri sasuj.”

*O Isus vaćarol e manušenđe te spremin pe baše okova so ka avol*

*(Mt 16,2–3; 5,25–26)*

<sup>54</sup> Thaj o Isus vaćarda e manušenđe: ‘Kana dičhen kaj e kale oblakura čiden pe nakaro zapad tumen phenen: ‘Ka dolpese bršind’, i gija avol. <sup>55</sup> Kana dičhen taro jug phurdol vaćaren: ‘Ka avol tatipe’, thaj gija avol. <sup>56</sup> Dujemujende!§ O muj e phuvako thaj neboso pindžaren, a sar ni pindžaren akala znakura so čerdon akana?\*

<sup>57</sup> Tumen korkore trubul te džanen so si šukar! <sup>58</sup> Te khoni tužil tumen zbog o dugo savo ni irisaden thaj inđarol tumen ko sudo, odrumal miri tut lesa, te na vucil tut ko sudo, golese so o sudija šaj osudil tut thaj te dol tut ke piro

† **12,49** Me aviljem te čhudav i jag Šaj te značil: 1. O Isus avilo te sudil e manušen, il 2. O Isus avilo te pročistil e vernikuren, il 3. O Isus avilo te čerol podela maškar e manuša.

† **12,50** krstima Kate o “krštenje” odnosil pe okova so o Isus trubul te trpil. Sar o paj so učharol manuše kana krstil pe, gija e Isuse ka učharen e muke.

§ **12,56** Dujemujende Gola manuša sesa džangle te pindžaren e znakura kaj avol o bršind il o tato vreme. Al odbisade te priznajin kaj e Isuseso čudura sesa znakura save sikaven kaj si vov kova save o Dol bičhalda te spasil o sveto.

\* **12,56** Avere lafurencar: “Trubul te džanen o značenje so o Dol čerda kroz mande kala đivesa!”

manuš te phandol tut ano phanglipe. <sup>59</sup> A ako phandol tut vaćarav tuće: Ni ka iklje gothar dok ni počine dži i paluni para.<sup>†</sup>

## 13

### *Savore mora te iri amen e Devlese*

<sup>1</sup> Ane gova vreme avile nesave manuša thaj vaćarde e Isusesek kaj o Pilat o rimsko upravniku bičhalda te mudaren nesave Galilejcuren. Thaj mudarde len dok prinosisade kurbanen ano jerusalemsko Hram.\* <sup>2</sup> Thaj o Isus vaćarda lendže: "Tumen li den godi kaj gola Galilejcura so sesa mudarde si po grešna tare avera Galilejcura? <sup>3</sup> Na! Phenav tumendje, i tumen gija ka mudardon ako ni irin tumen e Devlese. <sup>4</sup> Il, so si kole dešohtonecar pe kaste pelo o toranj o Siloamsko thaj mudarda len? Tumen li den godi kaj von sesa po grešna tare avera Jerusalimcura? <sup>5</sup> Na! Phenav tumendje, i tumen gija ka mudardon<sup>†</sup> ako ni irin tumen e Devlese."

*O kaš savo nianol bijandipe: ni ačhilo but vreme pašo pokajipe*

<sup>6</sup> O Isus vaćarda lendže kaja paramič: "Jekhe manuše sasa smokva sadime an po vinograd. Thaj avilo te dičhol dal anda bijandipe, al ni arakhlya pe late khanči. <sup>7</sup> Tegani vaćarda e manuše savo čerda bući ko vinograd: 'Akh trito berš sar avav thaj rodav bijandipe pi kaja smokva, thaj ni arakhav. Čin la! Sose te šučarol i phuv?'

<sup>8</sup> A o manuš so čerol bući ko vinograd vaćarda lese: 'Barutneja! Ačhav la vadži kava berš te hunav paše late thaj te čhudav gunoj paše late. <sup>9</sup> Šaj ka bijanol aver berš. Ako na, ka čhine la.' "

### *O Isus sastarol ko savato*

<sup>10</sup> Thaj kana o Isus sikavola ani jekh sinagoga ko savato, <sup>11</sup> thaj dikh, sasa gothe jekh džuvli savi sasa bandarde dumesa thaj sasa nasvali taro bilačho duxo dešohto berš, thaj naštine te ačhol šukar. <sup>12</sup> Thaj kana dikhlja la, dija la vika o Isus thaj phenda laće: "Džuvlije! Oslobođimi san tar čo nasvalipe!" <sup>13</sup> Thaj čhuta pe late pe vasta. Thaj i džuvli sigate ispravisajli thaj hvalisada e Devle.

<sup>14</sup> A o vođa tari sinagoga holajlo but sose o Isus sastarda ko savato, thaj vaćarda e narodose: "Isi šov đive ano kurko

† **12,59** O Isus vaćarda e manušendje kaja paramič te upozoril len kaj trubul te mirin pe e Devlesa angleder nego so avol o vreme te osudil len. \* **13,1** Ano original ačhol: "o Pilat mešisada e Galilejcureng rat thaj e kurbanengo".

† **13,5** mudardon Kate vaćarol pe taro duxovno meripe.

ke save šaj čerol pe bući! Aven ke gola đive te sastardon, a na ko savato!"

<sup>15</sup> A o Gospod o Isus tegani vaćarda lendže: "Dujemujende! I tumen čeren bući ko savato. Tumen li ni putren tumare guruve il e here tari balija, thaj ni inđaren le te pijol paj? <sup>16</sup> A kala čheja tare Avraamesi kuštik sava o Sotona phanglja akh dešohto berš, sose te na putrol pe ko savato?" <sup>17</sup> A kana kava šunde lađajle savore save sesa protiv leste, a sa aver narodo sesa bahtale baše sa e šukar buča o Isus so čerda.

*E Devleso carstvo si sar cikno seme savo barol  
(Mt 13,31–32; Mk 4,30–32)*

<sup>18</sup> A o Isus vaćarda lendže: "Savo si o carstvo e Devleso? Thaj sosa te uporediv le? <sup>19</sup> Vov si sar seme e gorušicako, savo lol o manuš thaj čhudol le ano po vrt. Thaj barol thaj čerdol baro kaš, thaj e čiriklja avena te čeren pese thana kaj ka bešen pe leste."

*E Devleso carstvo si sar humer savo uštol  
(Mt 13,33)*

<sup>20</sup> Thaj pale vaćarda: "Savo si o carstvo e Devleso? Thaj sosa te uporediv le? <sup>21</sup> Vov si sar kvasaco savo i džuvli dospil ani bari vangla aresa,<sup>‡</sup> sa dži kaj ni šukljol."

*Okola savesi palal ka aven anglat*

<sup>22</sup> Thaj o Isus, dok phirda pe dromesa ano Jerusalim, nakhlo maškare forura thaj e gava thaj sikavola e manušen.

<sup>23</sup> Thaj khoni pučlja le: "Gospod, dal samo zala ka aven spasime?"

Thaj o Isus vaćarda lendže: <sup>24</sup> "Trudin tumen te den ko tesno vudar e nebeskoneso, golese kaj but džene ka manden te den, al nakašti. <sup>25</sup> Kana o čherutno phandol e vudara tar po čher, ka avol tumendje but kasno. Ka ačhen avral, ka čalaven ko vudar thaj ka phenen: 'Gospod! Putar amendje e vudara!' Thaj vov ka vaćarol tumendje: 'Ni pindžarav tumen katar sen.'

<sup>26</sup> Tegani ka vaćaren: 'Amen xaljam thaj piljam tusa, thaj pe amare droma sikadan!'

<sup>27</sup> A vov ka vaćarol lendže: 'Vaćarav tumendje: Ni pindžarav tumen katar sen.<sup>§</sup> Crden tumen mandar save bilačhipe čeren!'

<sup>28</sup> Gothe ka roven thaj ka aven but holjame,\* kana ka dičhen e Avraame e Isako thaj e Jakove thaj sa e prorokuren

<sup>‡</sup> **13,21** Ano original ačhol: "trin mere" (otprilike 40 kile aro). <sup>§</sup> **13,27** Ni pindžarav tumen katar sen Avere lafurencar: "Najsen me amala niti me pašutne thaj najsən akharde ko hape thaj ko pijipe mande." \* **13,28** but holjame ko original ačhol: "ka tresin dandencar"

ano carstvo e Devleso, a tumen ka aven ikalde avral. <sup>29</sup> Thaj but džene ka aven taro istok, thaj taro zapad thaj taro sever thaj taro jug thaj ka bešen ko astali ano carstvo e Devleso.<sup>†</sup> <sup>30</sup> Thaj dikh, kola sosi akana anglal odori ka aven empalal, a okola save si empalal odori ka aven embare.”<sup>‡</sup>

*O Isus rovol e Jerusalimese  
(Mt 23,37–39)*

<sup>31</sup> Ane gova đive avile nesave fariseja te phenen e Isusese: “Iklji thaj da akatar, golese so o caro o Irod mandol te mudarol tut!”

<sup>32</sup> Thaj o Isus vaćarda lendže: “Džan thaj vaćaren gole lisicače:<sup>§</sup> ‘Akh ikalav e bengen thaj sastarav avđive thaj theara, a trito đive ka završiv.’ <sup>33</sup> Avđive thaj theara thaj prektheara trubul te džav, golese kaj o proroko naštì mudardol avral taro Jerusalim.\*

<sup>34</sup> Jerusalime, Jerusalime, tu savo mudare e prorokuren thaj gađi barencar okolen manušen saven o Dol bičhalda! Kozom droma mangljem te garavav e čhavoren ciren sar i khanji pe pujoren tari pi phak, thaj ni manglijen! <sup>35</sup> Akh, ka avol tumaro čher pusto,<sup>†</sup> a me vaćarav tumendje: Ni ka dičhen ma sa dok ni vaćaren: ‘Blagoslovimo si kova savo avol ano alav e Gospodeso.’ ”<sup>‡</sup>

## 14

*O Isus palem sastarol ko savato*

<sup>1</sup> Thaj ke jekh savato o Isus đelo ko jekh šorutno e farisejengo te hal mangro ke leste, thaj savore so sesa gothe dikhle an leste so ka čerol. <sup>2</sup> Thaj dikh, avilo nesavo manuš anglo Isus kase vasta em pingre šuvlile taro paj.\* <sup>3</sup> Thaj o Isus pučlja e učiteljen taro Mojsijaso zakono thaj e farisejen: “Premale Mojsijaso zakono šaj li te sastara ko savato il naštì?” <sup>4</sup> Von khanći ni vaćarde. Thaj o Isus dolda e nasvale

---

<sup>†</sup> **13,29** But Jevreja save prepostavisade kaj si kotor tare Devleso carstvo ni ka aven an leste. Al but save naj Jevreja tar e sa e krajura tar o sveto ka aven ano carstvo e Devleso. <sup>†</sup> **13,30** Ko original ačhol: “But anglune ka aven poslednja, a e poslednja ka aven anglune.” Te ave “angluno” sasa but važno. Avere lafurencar: “ka aven em važna ... ka aven em zala važna,” il: “O Dol ka vazdol ... O Dol ka ladžarol.” <sup>§</sup> **13,32** lisicače Sar lisica, o Irod sasa lukavo thaj štetno, ali kukavica thaj beznačajno.

<sup>\*</sup> **13,33** E jevrejska šorutne mudarena e manušen save vaćarena tar o Dol ano Jerusalim. <sup>†</sup> **13,35** E Jerusalimska manuša odbacisade e Isuse sar Mesija. O Dol akana odbacil len i ni ka štitil len više. Pal gova i rimske vojske uništisada o Jerusalim (70 berš palo Hrist).

<sup>†</sup> **13,35** O Isus palem ka avol ki phuv. Tegani e manuša taro Jerusalim ka pindžaren le kaj si vov Mesija. <sup>\*</sup> **14,2** kase vasta em pingre šuvlile taro paj Il: “kas sasa pajalo nasvalipe”

manuše, sastarda le thaj phenda lese kaj šaj džal.<sup>5</sup> Thaj vaćarda lendže: "Savo tumendar ni čerol bući ko savatno đive? Te perol čo čhavo il čo guruv ano bunari ni li ka ikale le sigate ano savatno đive?"<sup>6</sup> Thaj ni sasa len so te phenen ke lese lafura.

### *O Isus sikavol taro poniznost*

<sup>7</sup> Kana o Isus dikhla sa e manušen save avile te xan, sar roden pese šukar thana kaj te bešen anglal, vov vaćarda lendže kaja paramič:<sup>8</sup> "Kana akharen tumen ko abav, ma bešen ke lačhe anglune thana. So ako si akhardo po baro manuš tutar?<sup>9</sup> Te okova manuš so akharda tut te avol thaj te vaćarol: 'De gova than kalese.' Thaj ka lađare tut i ka crde tut ko bilo savo than savo ačhilo savo si em palal."

<sup>10</sup> Gija kana khoni akharol tut ko abav, kana ave beš ko poslednjo than, te vaćarol tuće kova so akharda tut: 'Amala! Arakhljam tuće po šukar than.' Tegani ka aven tusa ko baripe kola save bešen tusa ko astali.<sup>11</sup> Golese savo pes vazdol, ka peravol pe, a e perade ka aven vazdime."

<sup>12</sup> Thaj o Isus vaćarda okolese so akharda le: "Kana de hamase il račako hape, ma akhar će amalen niti čire phralen, ni će familija, ni će barvalen pašečerutnen, golese so i von tut ka den vika ko hape.<sup>13</sup> Gija kana čere abav,<sup>†</sup> akhar e čororen, e banden, e langalen, e koren.<sup>14</sup> Len najlen sar te irin tuće. Gija ka ave blagoslovimo, golese so o Dol ka nagradil tut kana ka vazdol e pravednikuren taro meripe."

*Savore si akharde ke Devleso hape thaj pijipe, al zala lendar prihvatisade*

(Mt 22,1–14)

<sup>15</sup> A kana kava šunda jekh tare manuša savo bešlo pašo astali vaćarda e Isusese: "Blagoslovimo si kova savo ka hal mangro ano carstvo e Devleso!"

<sup>16</sup> A o Isus vaćarda lese: "Jekh manuš čerda baro abav,<sup>‡</sup> thaj akharda pherdonen.<sup>17</sup> Thaj kana sasa o vreme e hamaso, bičhalda pe sluga te vaćarol pe akhardendje: 'Sa si postavimo ko astali. Aven!'<sup>18</sup> Thaj savore lije te vaćaren kaj našti te aven, thaj jekh vaćarda lese: 'Čindem njiva, thaj džav te dikhav savi si. Moliv tut vaćar odori e manušese kaj golese našti te avav.'<sup>19</sup> Thaj aver phenda: 'Čindem pandž jarmura guruven<sup>§</sup> thaj džav te probiv len sar orin. Moliv

---

<sup>†</sup> 14,13 abav Ano original ačhol: "gozba" (kaj hal pe thaj pijol pe). <sup>‡</sup> 14,16 abav Ano original ačhol: "gozba" (kaj hal pe thaj pijol pe). <sup>§</sup> 14,19 pandž jarmura guruven "10 guruva"

tut vaćar odori e manuše se kaj golese našti avav.<sup>20</sup> Trito vaćarda: ‘Andem mande romnja. Golese našti avav.’\*

<sup>21</sup> Thaj avilo o sluga thaj phenda pe gospodese so phende lese. O Gospod holajlo thaj vaćarda pe slugase: ‘Đa sigate ke droma e forose, thaj an akari e čororen, e banden, e sakaten, thaj e koren.’ <sup>22</sup> Kana gova čerda vaćarda o sluga pe gospodese: ‘Ćerdem sar so vaćardan, thaj isi vadži thana.’ <sup>23</sup> A o Gospod vaćarda e slugase: ‘Iklji ke droma thaj pale ograde thaj čhuv len te aven te pherdol o čher. <sup>24</sup> Golese vaćarav tumendje kaj ni jekh okolendar anglunendar kas akhardem ni ka xal tare abaveso hape.’†

*So trubul te čere te ave e Isuseso sikado  
(Mt 10,37–38; 5,13; Mk 9,50)*

<sup>25</sup> Đele e Isusesa but manuša. Vov irisajlo dikhlja len thaj vaćarda lendže: <sup>26</sup> “Ako neko mandol te avol mo sikado, trubul te mandol po but man nego‡ pe da em pe dade, pe romnja thaj pe čhaven, pe phralen, pe phejen, po but nego čak i po džuvdipe. Savo ni čerol gija našti avol mo sikado. <sup>27</sup> Thaj ako khoni mandol te avol mo sikado, mora phiravol po krsto thaj te džal pale mande.§

<sup>28</sup> Thaj ko mandol te čerol kula na li angleder ka đinol kozom ka trubul lese, thaj ka dičhol šaj li te završil la?\* <sup>29</sup> Te čerda samo o temelji, thaj te ni ačhilo le pare te završil la, savore save ka dičhen gova ka maren muj lesa <sup>30</sup> thaj ka vaćaren: ‘Kava manuš lija te vazdol i kula, thaj naštine sa čerol la.’

<sup>31</sup> Il savo caro kana džal te marol pe avere carosa, a angleder golestari ni bešol i ni dičhol dal ka šaj pe deše miljenca te marol pe okolesa so inđarol pesa biš milje?

\* **14,20** Gola manuša save sesa akharde ko hajipe uvredisade e caro. Taro hape thaj pijipe džanglje vadži angleder, a akana, kana trubuje te džan, von hohaven thaj ikalen pese lafura. Sose bi neko činola polje savo nikad ni dikhlja il te činol guruven saven ni dikhlja, il te ačhol čhere te bi avola stalno pe romnjasa? Dičhen piro barvalipe thaj pe familija sar po važno nego e gospodare. O Isus upozorisada ke pare, barvalipe thaj ki familija nikad ne bi trubula te avol amenđe po važno taro Dol (dikh: 25-33 po tele). † **14,24** Nesave grčka rukopisura dodajin: “Golese but si akharde, a zala odabirime” (dikh Mt 22,14).

‡ **14,26** Ano original ačhol: “mora mrzin pe...” Kana o Isus phenol kaj mora “mrzi”, vov koristil hiperbola. Vov phenol kaj Le mora više te manga, nego korkoren amen thaj amare čherutnen. § **14,27** Kaja metafora značil da trubul te pokorin pe e Devlese thaj te aven spremna te patin ko bilo savo način sar te šaj aven e Isuseso sikade. O Isus ni mislil kaj dži jekh hrišćanino bi trubula te avol kovimo ko krsto. E Rimljanura često terisade e manušen te inđaren pe krstura angleder nego so kovisade len pe lende sar znako da pokorin pe za ko Rim.

\* **14,28** Averčhande: Dok ni džanen kobor gova ka koštij tumen thaj dok najsene spremna, ma aven pal mande.

32 Thaj te našti, vov bičhalol manušen ko aver caro, dok si kava dur thaj molil le te mirin pe. <sup>33</sup> Gija akana khoni tumendar savo ni mučhol sa so isi le našti avol mo sikado.”†

*E Isusesekade si sar lon  
(Mt 5,13; Mk 9,50)*

<sup>34</sup> Thaj o Isus vaćarda: “O lon si šukar, a kana hasarol po londipe, sosa ka londarol pe? <sup>35</sup> Naj lačho e phuvaće niti gunojese, gijate čhudol pe avral. Šunen šukar so vaćarav tumendē!”‡

## 15

*Paramič tari hasardi bakri  
(Mt 18,12–14)*

<sup>1</sup> Thaj pašo Isus čidijepe pherdo carincura thaj but grešnikura te šunen le so sikavol. <sup>2</sup> A e fariseja thaj e učitelja tare Mojsijaso zakono vaćarena maškar peste: “Kava džal e grešnikurencar thaj hal lencar.”\*

<sup>3</sup> A o Isus vaćarda lendže kaja paramič: <sup>4</sup> “Ako e manuše isi šel bakre thaj jekh lendar hasardol, so vov ka čerol? Ni li ka ačhavol e enjavardeš thaj enja ki pustinja† thaj te džal te rodol gola jekha so hasajli sa dok ni aračhol la? <sup>5</sup> Thaj kana aračhol la, čhuvol la radosno ke po piko thaj inđarol la čhere. <sup>6</sup> Thaj kana avol čhere dol vika pe amalen thaj e pašutnen vaćarindo: ‘Aven radosna mancar! Arakhlijem me hasarde bakra!’ <sup>7</sup> Vaćarav tumendē kaj savore ano nebo ka radujin pe po but pašo jekh grešniko savo iril pe e Devlese nego baše enjavardeš thaj enja čačutne savendē ni trubul pokajipe.”‡

*Paramič tari rupuni parava*

† **14,33** Šukar si te mandol pe te avol pe e Isuseso sikado, al ako khoni mandol te džal palo Isus a te na inđarol po krsto i odreknil pe tar sa so isi le, vov si beskorisno sar graditelji savo naštine te završil i kula il o caro savo đelo ko maripe ke savo naštine te pobedil. † **14,35** Ano original ačhol: “Kas isi kana, nek šunol.” \* **15,2** hal lencar E fariseja ni halje ane čhera e manušendē save ni poštujisade lendže stroga zakonura pašo thojipe, thaj dešto kotor thaj hape tari nesavi hrana, golese so darajle kaj ka čerdon e fariseja duxovno melale thaj taro Dol ni ka aven prihvatile.

† **15,4** ka ačhavol e enjavardeš thaj enja ki pustinja Gova verovatno sasa pašnjako ke savo halje čar. A paše sesa verovatno i avera čobanura save dikhlje pe gola bakre. † **15,7** enjavardeš thaj enja čačutne savendē ni trubul pokajipe O Isus vaćarol kaj e fariseja xoxadon kaj den godi kaj lendže ni trubul pokajipe. Avere lafurencar: “Enjavardeš thaj enja manuša sar e fariseja save den godi kaj si pravedna thaj ni trubun len pokajipe.”

<sup>8</sup> O Isus vaćarda thaj kava: "Savi goja džuvli sava isi la deš srebrenjakuri pare§, i kana hasarol jekh rupuni parava, ni phabarol i svetiljka, thaj ni šulavol o čher, thaj ni rodol šukar sa dok ni aračhol la? <sup>9</sup> Thaj kana aračhol la, akharol pe amalinjen thaj e pašečerutnjen: I phenol lendže 'Radujin tumen mancar! Me arakhljem i rupuni parava so hasardem!' <sup>10</sup> Gija, vaćarav tumende kaj i e melekura e Devlese ano nebo ka radujin pe jekhe grešnikose savo iril pe ko Dol."

*Paramič taro hasardo čhavo*

<sup>11</sup> Thaj o Isus vaćarol: "Jekhe manuše sesa duj čhave. <sup>12</sup> Thaj o cikneder vaćarda e dadese: 'Dade! Dema so preperol taro amaro barvalipe mande.' Thaj o dad ulada lendže o barvalipe.

<sup>13</sup> Thaj pale nesavo đive, čidija o cikneder čhavo sa piro, đelo ani durutni phuv, odori xalja sa o barvalipe thaj živisada dilikane. <sup>14</sup> Thaj kana xalja sa e pare, sasa but baro bukhalipe ane goja phuv, thaj ni sasa le so te xal. <sup>15</sup> Thaj đelo ke jekh manuš thaj rodija bući, thaj gova manuš bičhalda le ane piro polje te aračhol e balen.\* <sup>16</sup> Thaj o čhavo sasa gija bokhalo kaj bi xala i gova so† xan e bale, al khoni ni dija le ni gova.

<sup>17</sup> Thaj kana avilo ane peste, vaćarda: Kobor e bučarne ke mo dad isi len so te xan, a me kate merav bukhalo! <sup>18</sup> Ka džav mande čhere, ke mo dad, pa ka vaćarav lese: 'Dade, grešisadem angle tute thaj anglo Dol. <sup>19</sup> Našti te akhardivav čiro čhavo. Lama sar jekhe tar čire bučarne.'

<sup>20</sup> Tegani uštilo em đelo ke po dad. A kana sasa po dur tar po čher, dikhla le leso dad, thaj pelo lese žal, thaj prastija lija le ani angali thaj čumidija le. <sup>21</sup> A o čhavo vaćarda lese: 'Dade, grešisadem angle tute thaj anglo Dol! Našti te akhardivav čiro čhavo.'

<sup>22</sup> A o dad phenda e slugende pirende: 'Ikalen emšukar fostano thaj uraven le, thaj den le angrustik ko va‡ thaj podipe ke pingre!§ <sup>23</sup> Thaj anen okole terne thule guruve čhinjen le, te ha thaj te raduji amen. <sup>24</sup> Golese kaj mingro

§ 15,8 deš srebrenjakuri pare Ano original ačhol: "deš drahme." Teg jekh drahma sasa jekhe đivesesi dnevница. \* 15,15 O Jevrejsko zakono vaćarda kaj si e bale melale životinje. Premal kava zakono, e Jevreja ni smisade te xan balano (dikh 2. Mojs 11,7). Golese so o jevrejsko narodo mrzisada e balen em e manušen save arakhle e balen. † 15,16 gova so Ano original vaćarol: "Ijske tare mahune", gova sesa Ijske tare mahune save baron ko kaš tari rogača. ‡ 15,22 angrustik Angrustik sasa znako taro čast thaj autoritet. § 15,22 podipe ke pingre Okova savo phiravola sandale sikadola kaj sasa slobodno manuš a na robo.

čhavo sasa mulo thaj irisajlo ko džuvdipe, sasa hasardo thaj akana arakhadilo! Thaj lije te radujin pe.

<sup>25</sup> A lesu čhavo o phureder sasa ano polje, thaj kana avilo pašo čher šunda čhelipe thaj bašalipe. <sup>26</sup> Thaj dija vika jekhe sluga thaj pučlja le: ‘Sosi gova?’ <sup>27</sup> A vov vaćarda lese: ‘Čiro phral avilo, thaj čo dad čhinda terne thule guruve, so dikhlja le džuvdipe thaj saste.’

<sup>28</sup> Thaj o phureder phral holajlo thaj ni manglja te avol andre. Tegani iklilo lesu dad thaj molisada le te dol ano čher. <sup>29</sup> A vov vaćarda pe dadese: ‘Akh kandav tut sar robo gaći berša, thaj nikad ni phagljem čo lafi, thaj mande ni jekh drom ni dijan ni buzore te radujima me amalencar. <sup>30</sup> A kana avilo čo čhavo savo čo barvalipe čhorda e kurvencar, čhindan lese terne thule guruve.’

<sup>31</sup> A o dad vaćarda lese: ‘Mo čhavo! Kaj džav manca san, thaj sa mingro čiro si. <sup>32</sup> Trubul te ave radosno thaj bahtalo, golese kaj čo phral sasa mulo thaj irisajlo ko džuvdipe, sasa hasardo thaj arakhadilo.’”

## 16

*Okola save si verna ane cikne buča ka aven nagradime*

<sup>1</sup> O Isus vaćarda kaja paramič pe sikadende: “Jekhe barvale manuše sasa jekh upravitelji savo vodila lesu barvalipe, savese phende kaj xalja lesu barvalipe. <sup>2</sup> Thaj akharda le o barvalo thaj vaćarda e upraviteljese: ‘So šunav kava tutar? Sikav mande o đinipe tar či bući pe mo barvalipe, golese kaj našti pe mo barvalipe te ave upravitelji.’

<sup>3</sup> A o upravitelji vaćarda ane peste: ‘So ka čerav? O barvalo barutno mingro ka lol mandar i bući. Te hunav našti. Te mangav lađo mande. <sup>4</sup> Đanav so ka čerav! Kana ka čerav sa gova ka manden ma savore ane pire čhera\* kana ka ačhav bizi bući.’

<sup>5</sup> Thaj dija vika sa kolen save sesa lese barutnese borči thaj pučlja e prvine: ‘Kobor san borči me barutnese e barvalese?’ <sup>6</sup> A vov phenda: ‘Šel bačve† taro maslinsko ulje.’ Thaj vaćarda lese o upravitelji: ‘An o lil čiro thaj sigate le thaj pisi pinda.’

---

\* **16,4** ka manden ma savore ane pire čhera Vov nadil pe kaj gola manuša ka den le bući il aver khanči so lese trubul pašo džuvdipe. † **16,6** Šel bačve Ano original ačhol: “Šel bate”. Kava sasa sar 3.000 litre.

<sup>7</sup> A pale gova e dujtone pučlja: ‘Kobor san borči?’ A vov vaćarda: ‘Šel mere điv.’<sup>†</sup> Thaj vaćarda lese: ‘Le čiro lil thaj pisi ohtovardeš.’

<sup>8</sup> Thaj o barvalo hvalisada pe bičačutne upravitelje, kobor si džanglo so gija čerda. Golese kaj e čhave tar kava sveto<sup>§</sup> si po snalažljiva ane buča slična e manušencar save si sar von, nego e čhave e svetlose.\* <sup>9</sup> Thaj me vaćarav tumendē: so isi tumen barvalipe kale svetoso den averendē te čeren tumendē amalen. Kana ni ka avol tumendē više korisno o barvalipe kale svetoso, ka aven primime ane čhera sa e đivesenđe ano nebo.<sup>†</sup>

<sup>10</sup> Savo si verno ane cikne buča vov ka avol ke po bare buča verno, thaj ko naj verno ano cikne buča, ane po bare buča ni ka avol verno. <sup>11</sup> Gijate te naj sen verna ane kale svetoso barvalipe, ko ka dol tumen nebesko barvalipe?<sup>‡</sup> <sup>12</sup> Thaj ako ane avereso barvalipe naj san verno, ko ka dol tumen tumaro?

<sup>13</sup> Ni jekh sluga našti kandol tar jekh drom dujen barutnen. Il jekhe ni ka mande, a dujtone ka mande, il jekhe ka šune, a e dujtone ni ka šune. Našti kanden e Devle thaj o barvalipe.”

<sup>14</sup> A kava so šunde e fariseja, save sesa pohlepna parende, marde muj e Isusesa. <sup>15</sup> Thaj o Isus phenda lendže: “Tumen čeren tumen pravedna angle manuša, al o Dol đanol tumare ile. So si baro ane manušende jakha, ane Devlese jakha si gadno.”

*E Devleso zakono vadži važil  
(Mt 11,12–13; 5,18, 31–32)*

<sup>16</sup> O Isus vaćarda: “Sikljona sa e Mojsijaso zakono thaj e lila save pisade e prorokura, sa dži kaj o Jovane o krstitelji ni avilo. Od teg vaćara o Lačho lafi taro carstvo e Devleso, thaj phena savorende te den ane leste. <sup>17</sup> Al gova ni značil kaj o Zakono više ni vredil, golese so po ločhe si te načhen o nebo thaj i phuv nego nesavo slovo andar o zakono te perol.

<sup>†</sup> **16,7** Šel mere Ano original ačhol: “Šel korova”. Kava sasa sar 20.000 kila.

<sup>§</sup> **16,8** e čhave tar kava sveto Kate vaćarol pe paše nepravedna upravitelja save ni pindžaren il ni daran taro Dol. Avere lafurencar: “manuša tar kava sveto”.

\* **16,8** čhave e svetlose “Svetlo” kate mandol te vaćarol kana sen šukar premale čorore em pomožin lendže, von (il o Dol thaj lese anđelura) ka primin tumen an po čher ko nebo. <sup>†</sup> **16,9** ka aven primime ane čhera sa e đivesende ano nebo. Kava značil kaj: 1. o Dol, savo si zadovoljno so e parencar pomognin e manušen, il 2. e amalen, kas pomognisaden tumare parencar, ka adućaren tumen ano nebo. <sup>‡</sup> **16,11** nebesko barvalipe Ano original ačhol: “čačukano barvalipe”.

<sup>18</sup> Sar savo mučhol pe romnja thaj lol avera, preljuba čerol, savo lol ačhade džuvlja, preljuba čerol.”§

### *O barvalo thaj o Lazar*

<sup>19</sup> O Isus vaćarda vadži jekh paramič: “Nesavo manuš sasa barvalo, savo urado sasa ane barvale šeja, thaj živisada ano barvalipe xalja thaj pilja sa e divesa. <sup>20</sup> A sasa jekh čororo, leso alav sasa Lazar, savo pašljola angle leso vudar phumbalo. <sup>21</sup> Thaj čeznila te čaljol e troškendar so perena tare barvaleso astali, thaj e džukle avena thaj čarena e phumba lese. <sup>22</sup> A kana mulo o čoro, e melekura inđarde le ani angali e Avraame.\* Thaj posle i o barvalo mulo, thaj prahosade le. <sup>23</sup> Thaj o barvalo sasa ano than kaj sesa e mule† ane muke thaj vazdija pe jakha thaj odural dikhla e Lazare ani angali e Avraame.

<sup>24</sup> Thaj dija vika: ‘Dade Avraame!‡ Dikh pe mande thaj bičhal e Lazare te čhuvol po naj ano paj, te šudarol mi čib, golese kaj mučima ane kaja jag.’

<sup>25</sup> O Avraam vaćarda lese: ‘Čhaveja! Detu godi kaj ane čo džuvdipe sa sasa tut šukar, a e Lazare sa bilačipe, thaj akana lese kate šukar, a tu muči tut. <sup>26</sup> Thaj prekale sa gova maškare amende si bari provalija. Kola save manden te načhen katar odori tumende, našti, ni gothar amende te načhen.’

<sup>27</sup> Tegani vaćarda: ‘Moliv tut, dade Avraame, te bičhale e Lazare ano čher me dadeso. <sup>28</sup> Golese kaj isi man pandž phrala. Nek vaćarol lendže te ne bi i von avena ke kava than e mučimaso.’

<sup>29</sup> Thaj vaćarda lese o Avraam: ‘Len isi okova so pisada o Mojsija thaj e prorokura. Len nek šunen.’

<sup>30</sup> A vov vaćarda lese: ‘Na, dade Avraame! Te avilo lendže neko tare mule ka pokajin pe.’

<sup>31</sup> A o Avraam vaćarda lese: ‘Te ni šunde e Mojsija thaj e prorokuren, ni ka šunen ni te uštilo neko tare mule.’”

## 17

### *O Isus vaćarol taro oprostipe thaj taro kandipe (Mt 18,6–7; 15; 21–22; Mk 9,42)*

---

§ **16,18** I dži kaj phena e manušendje taro carstvo e Devleso, o stiho si primer kaj o Zakono e Mojsijaso vadži vredil. \* **16,22** ani angali e Avraame Kava phenol kaj o Avraam thaj o Lazar pašlile jekh paš avereste ki gozba, o pašljipe si grčko način sar xan mangro ki svečano gozba. Ano lafi e Devleso o radost ko nebo but droma sikavol pe kala slikasa. † **16,23** Ano original ačhol “Had”. Nazivura “Had” i “Šeol” koristin pe ani Biblijia za ko than kaj e mule manušendje duše džan kana meren. ‡ **16,24** Akharda le “dade” golese so o Avraam sasa osnivači Jevrejskone nacijako.

<sup>1</sup> A o Isus e sikadendē vaćarda: “O iskušenje mora te avol, al pharo okole manušese prekal kaste avol o iskušenje. <sup>2</sup> Pošukar ka avol lese te umlavol pe e baresa tari vodenica, thaj te čhudol pe ano more, nego te navodil ko greh jekhe tare kala cikne.\* <sup>3</sup> Aračhen tumen!” Te ćeđda bilačipe čo phral o pobožno, vaćar lese kaj gova naj šukar, pa ako pokajil pe, oprosti lese. <sup>4</sup> Thaj ako efta droma ko đive grešil premal tute, thaj efta droma avol tute thaj vaćarol: “Kajima”, oprosti lese.

<sup>5</sup> Thaj vaćarde e apostolura e Gospodese: “Pher amen pačaimasa.”

<sup>6</sup> A o Gospod vaćarda: “Kana bi avola tumen pačaipe gaći cikno sar e gorušicako seme, bi vaćarena kale dudinkaće: ‘Ikal tut taro koreno thaj sadi tut ano more!’ Ka šunola tumen.

<sup>7</sup> Savo tumendar ka phenol pe slugase, savo hunol i phuv il aračhol e bakren, kana iril pe andaro polje: ‘Av akari, beš te ha mangro?’ Na, nijekh tumendar. <sup>8</sup> Mesto gova ka vaćaren: ‘Ćer mande te xav! Čhuv tuće i kecelja thaj kande ma dok xav thaj pijav! A pale gova šaj i tu te ha thaj te pije.’ <sup>9</sup> E slugase ni zahvalil pe o barutno, golese so si gova lesi bući. <sup>10</sup> Gija i tumen kana šunen e Devle vaćaren: ‘Naj sam vredna hvalaće. Samo sam sluga save čera amari bući.’”

### *O Isus sastarol dešen gubavcuren*

<sup>11</sup> Thaj kana đele ano Jerusalim, o Isus nakhlo maškari granica ki phuv Samarija thaj i phuv Galileja. <sup>12</sup> Thaj kana dija ane jekh foro, arakhlje le deš phumbale (gubavci), save ačhena dur. <sup>13</sup> Thaj vazdije po glaso vaćarindoj: “Isuse, Gospod! Smiluji tut pe amende!”

<sup>14</sup> Kana o Isus dikhļja len vaćarda: “Džan thaj sikaven tumen e sveštenikurendē.”† I gija phirindoj sastile.

<sup>15</sup> A jekh lendar dikhļja kaj sastilo, irisajlo thaj hvalisada e Devle andaro sa o glaso. <sup>16</sup> Thaj pelo angle Isusesese pingre, thaj zahvalisajlo. Thaj gova sasa Samarijanco.

<sup>17</sup> A o Isus pučlja le: “Na li sastiljen deš džene? Kaj si kola enja? <sup>18</sup> Sar maškar lende ni arakhlja pe nijekh te iril pe te zahvalil e Devlese, nego samo kava manuš andari aver phuv?” <sup>19</sup> Thaj vaćarda lese: “Ušti thaj đa! Sastarda tut čo pačaipe ane mande.”

---

\* **17,2** Kava odnosilpe pe manuša save si vadži cikne ane po pačaipe. † **17,14** sikaven tumen e sveštenikurendē E gubavcura trubuje te roden potvrda taro svešteniko kaj sastile tari guba.

*O Isus upozoril pe sikaden te aven spremna baše leso dujto avipe*

(Mt 24,23–28, 37–41)

<sup>20</sup> Pučlje e Isuse e fariseja: “Kana ka avol o carstvo e Devleso?”

A o Isus vaćarda lendže: “O carstvo e Devleso ni ka avol te dičhol pe jakhencar. <sup>21</sup> Ni ka vaćarol pe: ‘Aktalo kate si!’, il: ‘Odori si!’ O carstvo e Devleso si maškar tumende.”

<sup>22</sup> A e sikadendje phenda: “Ka avol o vreme kana ka manden te dičhen ma barem jekh đive kana me, o Čavo e Manušeso, ka vladiv sar caro, al nakašti. <sup>23</sup> E manuša ka vaćaren tumende: ‘Akh kate si!’, il: ‘Ek odoring!’ Al ma ikljen, thaj ma prasten te roden ma. <sup>24</sup> Golese so me o Čavo e Manušeso kana ka avav sar i munja so strefil andaro nebo, thaj ka svetliv sa so si talo nebo. <sup>25</sup> Al angleder trubul but te avav mučimo, thaj kala kuštika mora čhuden ma pestar.

<sup>26</sup> Thaj sar sasa ano vreme e Nojaso gija i ka avol ane đivesa kana me o Čavo e Manušeso ka avav. <sup>27</sup> Halje, pilje, lijepe, dijepe dži kova đive dži kana o Noj dija ani barka, thaj avilo o baro paj thaj tasile sa okola save ni sesa ani barka.

<sup>28</sup> Gija sasa i ane Loteso vreme kana sasa vov džuvdo. E manuša ano foro i Sodoma halje pilje, činde, bićinde, sadisade, vazdije čhera. <sup>29</sup> A o đive kana iklilo o Lot andari Sodoma, čalada i jag thaj pele žuta bara save phabon† taro nebo thaj mudarda sa okolen so ačhile ano foro. <sup>30</sup> Gija tar jekh drom kana ka avav me o Čavo e Manušeso. <sup>31</sup> Ane gova đive savo ka avol ko krovo, § a lese šeja ano čher andre, ma te uljol te lol len! Savo si ano polje, ma te iril pe ano foro pal pe šeja. <sup>32</sup> Den tumen godi sar muli e Lotesi romni!\* <sup>33</sup> Golese savo dičhol te aračhol po džuvdipe, ka hasarol le, a ko hasarol po džuvdipe, ka aračhol le. <sup>34</sup> Vaćarav tumende, ane goja rat kana ka avav, tare duj manuša save pašljon ko than e pašljimaso, jekh ka lol pe, a dujto ka ačhol ko than e pašljimaso. <sup>35</sup> Tare duj džuvlja save meljin ano mlin, jekha ka lol pe, a i dujto ka ačhol. <sup>36</sup> Duj ka aven ki njiva, jekh ka lol pe, dujto ka ačhol.”†

<sup>37</sup> Thaj e sikade pučlje e Isuse: “A kaj gova, Gospod?”

A vov vaćarda lendže kaja paramič: “Kaj si mulikano, odori čiden pe e čiriklja save xan mulikano mas.”‡

† **17,29** žuta bara save phabon sumpor    § **17,31** Lendže krovura sesa ravna thaj e manuša šajine te phiren pe lende il te bešen. \* **17,32** Voj okrenisajli thaj dikhļja premali Sodoma thaj o Dol kaznisada la thaj e manušen tari Sodoma.

† **17,36** Ane pherdo rukopisura naj kava stih.    ‡ **17,37** Kana e manuša dičhen kaj e lešinara čiden pe ko jekh than, džanen kaj odori isi khančhi mulo. Ko isto način, savorende ka avol očito kana e Devleso sudo avol.

# 18

*O Isus sikavol te ava ustrajna ani molitva*

<sup>1</sup> O Isus vaćarda pe sikadendje paramič te sikavol len sar trubul te molin pe thaj te ačhen ane gova. <sup>2</sup> Vaćarda: "Ane jekh foro sasa jekh sudija savo ni darajlo e Devlestari thaj ni marisada e manušendje. <sup>3</sup> Ane gova foro sasa jekh romni savako rom mulo thaj avola stalno leste thaj vaćarola: 'Dema pravda angle kova savo tužil man!' <sup>4</sup> Vov jekh vreme ni manglja te pomožil lače, al kana nakhlo nesavo vreme vaćarda korkoro pese: 'I ako ni darav taro Dol, thaj ni mariv e manušendje, ka pomoživ lače. <sup>5</sup> Ka braniv kala udovica golese so avol but droma ke mande, te ma avol te dosadil man!'"

<sup>6</sup> Tegani vaćarda o Gospod o Isus: "Šunen so vaćarda o bičačutno sudija!\* <sup>7</sup> A so ka čerol o Dol? Ni li ka branil okolen kas vov birisada save vapin lese rat em đive? Vov li ka ačhavol len te ađućaren? <sup>8</sup> Vaćarav tumendje, kaj ka aračhol len. Al me o Čhavo e Manušeso kana ka avav ki phuv ka arakhav li gasavo pačaipae?"

*O Isus sikavol te moli ano poniznost*

<sup>9</sup> Teg o Isus vaćarda jekh paramič okolendje save dije godi pese kaj si čačutne, thaj korkore pes dikhlije po baren averendar: <sup>10</sup> "Duj manuša đele ano Hram te molin pe e Devlese: Jekh fariseji, a dujto carinco. <sup>11</sup> O farisejo ačhilo thaj molisada pestar: 'Devla! Hvaliv tut kaj najsem sar kala avera manuša: čora, bičačutne, preljubnikura il sar kava o carinco. <sup>12</sup> Postiv duj droma ko kurko, dav tu dešto kotor tare sa so isi man.'

<sup>13</sup> A o carinco odural ačhilo, ni manglja ni pe jakha te vazdol ano nebo, thaj čalada pe ano kolin te sikavol kobor lese pharo thaj vaćarda: 'Devla, av milostivno pe mande grešnikose!' <sup>14</sup> Vaćarav tumendje: o carinco đelo čhere opravdimo anglo Dol, a na kava o farisejo. Golese savo pes vazdol, ka peravol pe, a e perade ka aven vazdime."

*O Isus blagoslovil e čhavoren*

*(Mt 19,13–15; Mk 10,13–16)*

<sup>15</sup> Ande anglo Isus thaj e cikne čhavoren te čhuvol pe vasta pe lende thaj te blagoslovil len. A kana dikhlije gova e sikade vaćarde lendže te ni čeren gova. <sup>16</sup> A o Isus vaćarda pe sikadendje: "Mučhen e čhavoren ke mande thaj ma ačhaven len, golese so gasavendje preperol o carstvo e

---

\* **18,6** Avere lafurencar: "Kava sudija sasa nepravedano, al obratin pažnja ke okova so vov odlučisada te čerol!"

Devleso! <sup>17</sup> Čače vaćarav tumenđe, savo ni primil o carstvo e Devleso sar čavoro, ni ka dol ane leste!”†

*Pharo e barvalenđe te den ano Carstvo e Devleso  
(Mt 19,1-30; Mk 10,17-31)*

<sup>18</sup> Thaj pučlja e Isuse jekh šorutno: “Učitelju šukareja, so te čerav te avol ma džuvdipe bizo meripe?”

<sup>19</sup> A o Isus phenda lese: “Sose akhare man šukareja?‡ Khoni naj šukar samo o Dol. <sup>20</sup> E Devlese zapovestura džane: ‘Ma čher preljuba’, ‘Ma mudar’, ‘Ma čor’, ‘Ma svedoči xoxavne’, ‘Poštuji će dade thaj će da!’”

<sup>21</sup> A o šerutno vaćarda: “Sa kava čerdem taro mo ternipe.”

<sup>22</sup> A kana šunda kava o Isus vaćarda lese: “Vadži jekh trubul tut: bičin sa so isi tut thaj de e čororenđe, thaj ka avol tu barvalipe ko nebo. Thaj posle ava pale mande!”<sup>23</sup> A kana gova šunda sasa bibahtalo, golese kaj sasa but barvalo i ni manglja te bičinol sa.

<sup>24</sup> A kana dikhija le o Isus kaj sasa bibahtalo, vaćarda: “Kobor si pharo te džal pe ano carstvo e Devleso kolendje so si barvale! <sup>25</sup> Poločhe e kamilaće te načhol maškare kana e suvaće nego o barvalo te dol ano carstvo e Devleso!”

<sup>26</sup> A kola save šunde le, pučhlje le: “A ko šaj te spasil pe?”§

<sup>27</sup> A o Isus vaćarda: “So o manuš dol godi kaj našti čerol, o Dol šaj čerol.”\*

<sup>28</sup> Thaj o Petar phenda: “Akh, amen sa ačhadam amaro thaj pale tute đa.”

<sup>29</sup> A o Isus vaćarda lendže: “Čače vaćarav tumenđe: ‘Sa jekh savo ačhada po čher, il e romnja, il e phralen, il e dade thaj pe dej, il e čhaven pašo carstvo e Devleso <sup>30</sup> ka primil akana po but ke akava sveto okolestar so ačhada thaj ka primil džuvdipe bizo meripe ko sveto savo avol.’”

*O Isus vaćarol vadži jekh drom tar po meripe  
(Mt 20,17-19; Mk 10,32-34)*

† **18,17** O Dol zahtevil tare manuša te prihvatin leso vlast pe lende sa pouzdanje i poniznost. Avere lafurencar: “ko mandol te dol ano e Devleso carstvo mora te prihvativat le sa pouzdanje i poniznost sar cikno čavoro.” ‡ **18,19** šukareja O Isus pučlja e manuše te dičhol da li šukar haljarol e Isuseso identitet, odnosno kaj si o Isus Dol. Ako o manuš prihvativat le sar Devle, vov onda ka prihvativat e Isuseso poziv te biknol sa so isi le i te džal pale leste.

§ **18,26** E Jevreja mislisade kaj o manuš čerdilo barvalo golese so o Dol blagoslovisada le golese sosi gova manuš pravedno. Mislisade kaj e čorore manuša verovatno ni sesa pravedna. I kana e manuša, save šunde e Isuse, šunde kaj naj moguće e barvale manušese te dol ano carstvo e Devleso, predpostavisade kaj e čorore manuša našti te nadin pe kaj o Dol ka spasil len taro sudo. \* **18,27** So o manuš dol godi kaj našti čerol, o Dol šaj čerol. Ano original ačhol: “So si nemoguće e manušenđe, e Devlese si moguće.”

<sup>31</sup> Čidija o Isus e dešudujen apostoluren thaj vaćarda lendže: "Ake da upre ano Jerusalim. Odori ka čerdol sa okova so e prorokura pisisade ano Svetu lil mandar taro Čavo e Manušeso. <sup>32</sup> Kaj ka den ma ke manuša save ni džanen e Devlese,<sup>†</sup> thaj ka maren muj mancar, ka lađaren ma thaj ka čhungaren ma. <sup>33</sup> Thaj ka šibin ma thaj ka mudaren ma a o trito đive ka uštav tare mule."

<sup>34</sup> Thaj e sikade khanči ni haljarde tar gova so vaćarda o Isus. O značenje tar kala lafura sasa lendar garado thaj ni džanglje so sasa lendže vaćardo.

*O Isus sastarol e kore manuše  
(Mt 20,29–34; Mk 10,46–52)*

<sup>35</sup> A kana o Isus reslo pašo foro Jerihon, jekh koro manuš savo bešindoj mangljarola ko drom. <sup>36</sup> Thaj kana o koro šunda kaj pherdo manuša načhen, pučlja: "So si gova?" <sup>37</sup> Thaj vaćarde lese kaj načhol o Isus taro foro Nazaret. <sup>38</sup> Thaj o koro dija vika: "Isuse, Čhaveja e Davideso,<sup>‡</sup> smiluji tut pe mande." <sup>39</sup> Thaj nesave manuša save đele anglo Isus phende lese te na dol vika gaći, thaj vov pozurale dija vika: "Čhaveja e Davideso, smiluji tut pe mande!"

<sup>40</sup> O Isus šunda le thaj ačhilo thaj vaćarda te anen e kore manuše paše leste. Kana ande le pučlja le o Isus: <sup>41</sup> "So mande te čerav tuće?"

A vov vaćarda: "Gospod! Mangav te dikhav!"

<sup>42</sup> A o Isus phenda lese: "Ćo pačaipe sastarda tut. Ake, dikh!" <sup>43</sup> Thaj sigate dikhla, đelo palo Isus thaj hvalisada e Devle. Thaj savore save dikhla kava hvalisade e Devle.

## 19

*O Zakej o carinco prihvatisada e Isuse*

<sup>1</sup> Thaj kana dija o Isus ano foro Jerihon, dok nakhlo gothar, <sup>2</sup> avilo nesavo manuš so akhardola Zakej, savo sasa šerutno e carincureng, thaj sasa barvalo. <sup>3</sup> Thaj manglja te dičhol e Isuse, te dičhol ko si vov, thaj naštine tare but manuša, golese kaj o Zakej sasa cikno. <sup>4</sup> Thaj prastaja po anglal, uštilo pi divljo smokva te dičhol le, golese kaj džanglja kaj o Isus ka načhol gothar.

<sup>5</sup> Thaj kana avilo o Isus ke gova than, dikhla le upre, thaj vaćarda lese: "Zakej! Ulji sigate! Avđive trubul te avav gosto ane čo čher."

---

<sup>†</sup> **18,32** Ke Rimljanura    <sup>‡</sup> **18,38** O Isus sasa potomko e Davideso, o izraelsko emvažno caro. "Čavo e Davideso" sasa titula/naziv za ko Mesija.

<sup>6</sup> Thaj o Zakej sigate ulilo taro kaš, thaj anda le an po čher radosno. <sup>7</sup> Thaj savore, kana dikhle kava, vaćarde maškar peste kaj ne bi trubula te avol ano čher e grešnikose.\*

<sup>8</sup> A o Zakej ačhilo thaj vaćarda e Gospodese: "Gospod! Akh opaš mo barvalipe ka dav e čororenđe, thaj ako nekas phabardem ka iriv lese štar droma po but."

<sup>9</sup> A o Isus vaćarda lese: "Avilo avđive spasenje kale čherese,<sup>†</sup> golese kaj si i kava čhavo e Avraameso!‡ <sup>10</sup> Golese kaj me o Čhavo e Manušeso aviljem te rodav thaj te spasiv so si hasardo."§

*Kas isi ka dol pe lese, kas naj ka lol pe lestar  
(Mt 25,14–30)*

<sup>11</sup> But manuša gova šunde thaj o Isus vaćarda lendže jekh paramič, golese kaj sesa pašo Jerusalim, thaj dije godi kaj akana ka avol o carstvo e Devleso.\* <sup>12</sup> Thaj o Isus vaćarda gjate: "Jekh manuš tari prešundi familija đelo ani durutni phuv te postavin le za ko caro,<sup>†</sup> thaj te iril pe. <sup>13</sup> Angleder so đelo akharda dešen piren slugen thaj dija len po opaš kila srebro,<sup>‡</sup> thaj vaćarda lendže: 'Trgujin sa dži kaj ni avav.'

Golese kaj san zuralo manuš. Le so naj čiro, thaj čide so ni sejisadan.'§

<sup>22</sup> A o caro vaćarda lese: 'Pal će lafura ka sudiv tut, bi lačheja slugo! Đangljan kaj sem zuralo manuš, kaj lav okova so naj mingro, thaj čidav so ni sijisadem? <sup>23</sup> Pa sose ni dijan mo srebro e trgovcurende, thaj me kana ka avav ka čidav gova kamatencar?' <sup>24</sup> Thaj vaćarda averende so ačhile angle leste: 'Len gova rupunipe lestar thaj den le okolese so isi le pandž kile srebrenjakuri.'

<sup>25</sup> Thaj vaćarde lese: 'Barutneja! Le isi le pandž kile srebro.'\*

<sup>26</sup> A o caro vaćarda lendže: 'Golese kaj vaćarav tumendje kole so isi ka dolpe lese, a kole so naj ka lol pe lestar i okova zala so isi le. † <sup>27</sup> A kolen me dušmajen, save ni manglje te avav lengo caro pe lende, anen len akari, thaj čhinjen len angle mande.'"

*O Isus avol ano Jerusalim sar Mesija  
(Mt 21,1-11; Mk 11,1-11; Jn 12,12-19)*

<sup>28</sup> Thaj kana vaćarda lendže gova o Isus đelo anglal, thaj đelo upre ano foro Jerusalim. <sup>29</sup> Kana avile pašo gav Vitfaga thaj o gav Vitanija pašo brego savo akhardola Maslinsko, bičhalda pe dujen sikaden. <sup>30</sup> Thaj vaćarda lendže: "Džan ane gova gav angle tumende, thaj ka aračhen cikne here phanglo pe savo nijekh manuš ni uklilo.‡ Putren le thaj anen le. <sup>31</sup> Thaj ako khoni pučol tumen: 'Sose putren le?', gija vaćaren lese: 'E Gospodese trubul.'"

<sup>32</sup> Kana đele, arakhlje sar so vaćarda lendže o Isus. <sup>33</sup> A kana putarde e cikne here pučlje len e manuša kasno sasa o cikno her: "Sose putren e cikne here?"

<sup>34</sup> A von vaćarde: "E Gospodese trubul." <sup>35</sup> Thaj ande le ko Isus, thaj čhute pe fostanura po cikno her, thaj bešljarde e Isuse pe leste.

<sup>36</sup> Thaj kana đelo o Isus nakaro Jerusalim, e manuša čhute pe fostanura ko drom te den čast e Isusese. <sup>37</sup> Kana avilo pašo than kaj počnil o brego o Maslinsko, lije but sikade

---

§ **19,21** le so naj čiro, thaj čide so ni sejisadan Kava sasa verovatno izreka. Manuš savo lol taro than kaj garavol il tari banka okova so garada, il savo lol okova savo khoni aver sadisada si metafora nekase ko koristil e manušen save čeren phare buča. \* **19,25** Ano original ačhol: deš mine. † **19,26** Avere lafurencar: "Sa okola save koristin ko šukar okova so dolpe lendže, ka dolpe lendže po but ... taro manuš savo ni koristil šukar okova so dol pe lese, ka lol pe lestar ...". ‡ **19,30** savo nijekh manuš ni uklilo Ponekad rodije pe životinje pe savende khoni ni uklilo golese kaj von si prikladna e Devlese il e carose (dikh 4. Mojs 19,2; 5. Mojs 21,3; 1. Sam 6,7).

te radujin pe thaj te hvalin e Devle tare sa o glaso baše čudesura so dikhle. <sup>38</sup> Vaćarde:

“Blagoslovimo o caro  
savo avol ano alav e Gospodeso!

Mir ko nebo  
thaj slava e Devlese ko učipe!”

<sup>39</sup> Thaj nesave fariseja save sesa maškare manuša vaćarde lese: “Učitelju! Vaćar će sikadendje te na phenen gova!”

<sup>40</sup> Thaj o Isus vaćarda lendže: “Phenav tumendje, ako von ni vaćaren, e bara ka vaćaren!”

*O Isus rovol e Jerusalemese kaj ni pindarda le*

<sup>41</sup> Thaj kana avilo o Isus pašo Jerusalim dikhla o foro thaj ruja lese. <sup>42</sup> Vaćarda: “O, so bi mangava i tu avđive te džane so ka anol će mir!§ Akana si kasno i o mir garado tutar. <sup>43</sup> Golese kaj ka aven e đivesa kana e dušmanura ka vazden tuće bare duvara, ka opkolin tut thaj ka čičiden tut tare sa e riga. <sup>44</sup> Ka peraven tut thaj ka mudaren kolen save bešen ane tute. Thaj ni ka ačhaven nijekh bar ko lesu than, golese kaj ni đangljan o vreme kana avilo tute o Dol.”\*

*O Isus ni dol te bićinen ano Hram*

*(Mt 21,12–17; Mk 11,15–19; Jn 2,13–22)*

<sup>45</sup> Thaj kana dija ano Hramo o Isus lija te tradol okolen save bićinena ane leste. <sup>46</sup> Vaćarda: “Ano Sveti Lil ačhol: ‘Mo čher ka avol čher e molitvako’, a tumen čerden le ‘čher kaj garaven pe e čora.’”†

<sup>47</sup> Thaj o Isus sikada ano Hram sa jekh đive. Thaj e šorutne e sveštenikurendje, e učitelja tare Mojsijaso zakono katane e manušendje šerutnencar dikhle sar te mudaren e Isuse. <sup>48</sup> Al ni arakhle so te čeren lese, golese kaj sa e manuša džana pale leste, thaj šunde sa lese lafura.

## 20

*E Isuseso vlast*

*(Mt 21,23–27; Mk 11,27–33)*

§ **19,42** O Isus sikavol pi žal kaj e manuša taro Jerusalim propustisade i prilika te aven mirime e Devlesa. \*

**19,44** Kala stihura opisin i opsada, kaj i vojska opkolil o foro savo isi le duvara. Kana i vojska opkolil o foro, e manuša našti iklijen lestar i khoni našti pomožil lendže. O Isus predvidisada kaj gova ka avol ano Jerusalim ano budućnost, thaj gija i sasa. Ke 70. berš. palo Hrist, i rimska vojska opkolisada o Jerusalim thaj mudarda buten manušen. † **19,46** O Isus ukorisada e manušen save bićinena golese so uniština i svrha tar e Devleso hram. O Dol manglja e manuša te molin pe an lesu Hram, al e manuša so bićinena koristisade le sar pijaco. Von xoxavena sa e manušen gija so rodena lendar više pare e stvarurenđe so trubula lendže paši kurbanu.

<sup>1</sup> Jekh đive kana o Isus ano Hramo sikada e manušen thaj vaćarda o Lačho Lafi, avile e šorutne sveštenikura, e učitelja tare Mojsijaso zakono, thaj e phuredera. <sup>2</sup> Thaj pučlje le: “Vaćar amendě kotar tuće pravo kava te čere? Ko dija tut kava pravo?”

<sup>3</sup> A o Isus vaćarda lendže: “I me tumen ka pučav. Vaćaren mande: <sup>4</sup> O Dol li vaćarda e Jovanese te krstil e manušen, il e manuša vaćarde lese gova te čerol?”

<sup>5</sup> Thaj von vaćarde maškar peste: “Te vaćardam kaj si taro Dol, ka vaćarol sose ni pačajam e Jovane. <sup>6</sup> A te vaćardam kaj si tare manuša, savore ka čhuden bara pe amende, golese kaj savore pačaje kaj o Jovane o krstitelji sasa proroko.” <sup>7</sup> Thaj von vaćarde e Isuses: “Ni džana ko dija pravo e Jovane te krstil.”

<sup>8</sup> A o Isus vaćarda lendže: “Ni me ni ka vaćarav tumendě kotar mande kava pravo.”

*O Isus barabil e jevrejskone vođen e bilačhe manušencar saven isi reza*

(Mt 21,33–46; Mk 12,1–12)

<sup>9</sup> Thaj o Isus lija te vaćarol kaja paramič: “Jekh manuš sadisada drakha ane reza, thaj iznajmisada e manušendě i phuv te čeren bući gothe, a vov đelo ko foro te bešol pherdo berša. <sup>10</sup> Thaj kana barili i drakh, bičhalda pe sluga ke gola manuša te čiden o kotor taro bijandipe e drakhako so lese preperol. A e manuša save čerde bući ki drakh marde le, thaj bičhalde le čuće vastencar. <sup>11</sup> Thaj bičhalda avere sluga, a i gole marde thaj lađarde thaj bičhalde le čuće vastencar. <sup>12</sup> Thaj bičhalda tritone; a le ratvarde le, thaj tradije le.

<sup>13</sup> Tegani o manuš kasi sasa i drakh vaćarda: ‘So te čerav? Te bičhalav me mangle čhave, šaj le ka poštujin.’

<sup>14</sup> A e manuša save čerde bući ki drakh kana dikhlje lese čhave, vaćarde jekh averese: ‘Kava si leso čhavo. Aven te mudara le te ačhol gova amendě so si leso!’ <sup>15</sup> Thaj ikalde le avral tare drakha thaj mudarde le.

So den godi so ka čerol o manuš so si lesi drakh kale manušendě kana ka šunol so čerde? <sup>16</sup> Ka avol thaj sa ka mudarol e bučarnen, thaj i drakh ka iznajmil averendě.”

A kala save šunde vaćarde e Isuse: “Ma te dol o Dol gova te avol!”

<sup>17</sup> A o Isus dikhlja ane lende thaj vaćarda: “A so ačhol ano Svetu Lil:

‘O bar so čhudije e manuša save vazden e duvara  
ćerdilo em glavno bar taro ugao?’

18 Savo perol pe gova bar, o bar ka phađol le ke kotora, a ako perol gova bar pe nekaste ka mudarol le.”

19 Thaj dikhle e šorutne e sveštenikurendē thaj e učitelja tare Mojsijaso zakono ane gova sato te vazden po va pe leste, al darajle tare but manuša, golese kaj haljarde kaj o Isus kaja paramič vaćarol lendar.

*E sveštenikura manglje te bunin e Isuse gija so pučlje le taro porez*

(Mt 22,15–22; Mk 12,13–17)

20 E učitelja tare Mojsijaso zakono thaj e šorutne sveštenikura dikhle po Isus thaj bičhalde ke leste špijunuren, save čerde pe čačutne, te bi dolen e Isuse kaj vaćarol khanči bilačhe te bi dena le ko rimske upravitelji.

21 Thaj pučlje e Isuse: “Učitelju! Džana kaj šukar vaćare thaj sikave, thaj ni dičhe ko si ko, nego čače sikave o drom e Devleso. 22 Vaćar amendē trubul li te da o porezi e carose il na?”\*

23 A o Isus dikhla lengo lukavstvo thaj vaćarda lendže:

24 “Sikaven mande jekh rupuni para† savesa počinen o porezi. Kaso muj si kate ke pare thaj kaso alav?”

A von savore vaćarde: “E caroso.”

25 A vov vaćarda lendže: “Den so si e caroso e carose, a so si e Devleso den e Devlese.” 26 Thaj naštine te aračhen khanči bilačhe ane lese lafura angle manuša, thaj divisajle pašo leso vaćaripe, thaj khanči ni vaćarde.

*E manuša saven o Dol dičhol sar dostojna, ka ušten tare mule*

(Mt 22,23–33; Mk 12,18–27)

27 Gija avile nesave sadukejura‡ save vaćarena kaj khoni ni ka uštol tare mule, thaj pučlje e Isuse: 28 “Učitelju! O Mojsije amendē dija zakono kana merol nekaso phral, thaj ačhavol romnja a ni sasa len čhave. Gova manuš trubul te lol pe phrales romnja te šaj bijanol čhave savese ka preperol sa o barvalipe e muleso thaj te phiravol leso alav.§ 29 Sesa efta phrala, a angluno lija romnja thaj mulo bize čhave, 30 thaj o dujto lija la, thaj vov mulo, 31 thaj o trito lija

\* **20,22** Nadisajle kaj o Isus ka vaćarol il “va” il “na.” Te vaćarda “va,” onda e Jevreja ka aven holjame pe leste so vaćarol lendže te počinen o porezi za ko strano vlast. A te vaćarda “na,” onda e verska anglune šajine vaćaren e Rimjanurenđe kaj o Isus sikavol e manušen te phađen e rimska zakonura.

† **20,24** Ano original ačhol “denar”, rimska srebrenjakuri pare. ‡ **20,27** sadukejura Glavno jevrejsko versko thaj političko grupa. Prihvatisade samo anglune pandž knjige tari Purani Sovli (Stari Zavet) i ni veruisade ano džuvdipe palo meripe. § **20,28** te šaj bijanol čhave savese ka preperol sa o barvalipe e muleso thaj te phiravol leso alav Ano original ačhol: “vazdija porod pe phraleso.”

la, i gija so efta. Thaj ni ačhade čhaven pal peste, thaj savore mule. <sup>32</sup> Thaj empalal muli i romni. <sup>33</sup> Kana ka ušten e mule, kasi romni ka avol golese kaj sasa so eftanendī romni?”

<sup>34</sup> Thaj o Isus vaćarda lendže: “Manuša kale svetose len pe thaj den pe. <sup>35</sup> A okolen saven o Dol dičhol sar dostojsna te ušten tare mule, thaj ka aven džuvde an kova sveto savo avol, ni ka len pe thaj ni ka den pe. <sup>36</sup> Golese kaj nakašti ni meren, golese kaj ka aven sar melekura. Von si e Devlese čhave, golese so o Dol ka vazdol len tare mule. <sup>37</sup> A kaj e mule ka ušten, thaj i o Mojsije vaćarda ando Svetu Lil so pisil taro grmo savo phabol. Gothe vov e Gospod dol vika sar Devle e Avraameso thaj Devle e Isakoso thaj Devle e Jakoveso. <sup>38</sup> A o Dol naj Dol e mulengo nego e đuvdengo, golese so si lese savore džuvde.”\*

<sup>39</sup> A nesave učitelja tare Mojsijaso zakono vaćarde e Isusese: “Učitelju! Šukar vaćardan.” <sup>40</sup> Darajle thaj khoni ni tromaja te pučol le khanći.

*O Hristo si po baro taro caro o David*

(Mt 22,41–46; Mk 12,35–37)

<sup>41</sup> Thaj o Isus pučlja len: “Sar gova šaj vaćaren kaj si o Hristos čhavo e caroso e Davideso? <sup>42</sup> Kana korkoro o David vaćarol ane po psalmo savo ačhol ano Svetu Lil:  
‘Vaćarda o Gospod e Gospodese mingrese:

Beš ko počasno than paše mande†

<sup>43</sup> dži kaj ni pašljarav e dušmanen tale pingre ċire.’

<sup>44</sup> O David akharda e Hriste Gospod, pa sar šajine te avol lesu čhavo?” ‡

*O Isus upozoril pe sikaden te arac̄hen pe tare učitelja tare Mojsijaso zakono*

(Mt 23,1–36; Mk 12,38–40; Lk 11,37–54)

<sup>45</sup> Thaj angle sa e manuša, o Isus vaćarda pe sikadende: <sup>46</sup> “Aračhen tumen tare učitelja tare Mojsijaso zakono save manden te džan ane bare fostanura, thaj roden e manuša te pozdravin len thaj te den len poštujipe ke trgura thaj te ačhavlen lendže anglune thana te bešen ke sinagoge thaj ke abava, <sup>47</sup> save ko hohajpe len o imanje e udovicengo, xoxavne thaj dugačko molin pe e Devlese. Von ka aven but osudime.”

\* **20,38** Sar kala manuša fizički mule, von mora te aven vadži uvek duhovno džuvde. Avere lafurencar: “nego o Dol okolende kaso duho si vadži džuvdo, iako šaj lengo telo si mulo golese so lengo dux vadži živil ane Devleso prisutnost.” † **20,42** Beš ko počasno than paše mande Ano original ačhol:

“ki desno strana mandar”. ‡ **20,44** Sar o David akharda e Mesija “Gospod”, gova značil kaj o Hrist si po baro taro David i naj samo e Davideso potomko.

# 21

*I udovica dija sa so isi la e Devlese  
(Mk 12,41–44)*

<sup>1</sup> Thaj ano Hramo o Isus dičhola sa e barvalen sar čhuven daro e Devlese ani hramska riznica. <sup>2</sup> Thaj dikhla jekha čora udovica sar čhuta duj em cikne pare.\* <sup>3</sup> Thaj vaćarda: “Čače, vaćarav tumende, kaja čorori udovica čhuta po but e Devlese savorendar! <sup>4</sup> Golese kaj savore lendar čhute so sasa len pobut, a voj gija čorori, sa dija so sasa la.”

*O Isus vaćarol tar okova so ka avol e Hramesa  
(Mt 24,1–22; Mk 13,1–20)*

<sup>5</sup> Thaj kana nesave sikade lije te vaćaren taro Hramo kaj si lačhardo lačhe barencar thaj ukrasurencar save e manuša dije e Devlese, a o Isus vaćarda: <sup>6</sup> “Ka avol o đive tare sa kava so dičhen ni ka ačhol ni bar po bar. Sa ka avol crdimos.”

<sup>7</sup> A e sikade pučhlje le: “Učitelju, kana ka avol gova? Save znakosa ka sikadol gova so ka avol?”

<sup>8</sup> A o Isus vaćarda lendže: “Aračhen tumen ma te hohaven tumen! Golese kaj but ka aven ane mingro alav i ka phenen pese da si Mesija† vaćarindoj: ‘Avilo o vreme!’ Ma pačan an lende.

<sup>9</sup> A kana šunen za ko maripe thaj pobune, ma daran. Golese so sa gova trubul te avol, al o krajo ni ka avol sigate.”

*Znakura thaj progonstvo save ka aven*

<sup>10</sup> Tegani o Isus vaćarda lendže: “Ka maren pe e manuša e manušencar thaj o carstvo po carstvo ka uštol. <sup>11</sup> Thaj i phuv ka tresil pe, thaj ka avol bukhalipe thaj nasvalipe ke but thana ki phuv. Ka aven bare znakura ko nebo savendar e manuša ka pherdon dar.

<sup>12</sup> A angleder sa golestari ka dolen tumen, thaj ka traden tumen, thaj ka den tumen ke sudije e sinagogendje thaj ka phanden tumen ano phanglipe. Ka inđaren tumen angle carura thaj angle vladara golese so sen me sikade.

<sup>13</sup> A gova ka avol tumende te bi vaćarena lendže mandar.

<sup>14</sup> Ma daran so ka phenen kana ka trubul te branin tumen.

<sup>15</sup> Golese so ka dav tumen lafura thaj mudrost savače nakašti te protivil pe nijekh manuš. <sup>16</sup> A ka izden tumen i tumare dada, tumare deja thaj phrala thaj tumare pašutne thaj amala. Nesave tumendar ka mudaren. <sup>17</sup> Thaj savore ni ka manden tumen golese so sen me sikade. <sup>18</sup> Al o bal

\* **21,2** Ano original ačhol “lepton”. Lepton sesa pare tare em cikno vrednost.

† **21,8** Ano original ačhol: “...ke mo alav i ka phenen ‘Me sem’”

tumare šorestar ni ka perol.<sup>†</sup> <sup>19</sup> Ako ni ačhon te pačan an mande, ka avol tumen džuvdipe bizo meripe.”

### *O uništipe e Jerusalemeso*

(Mt 24,15–21; Mk 13,14–19)

<sup>20</sup> O Isus vadži vaćarda: “A kana dičhen kaj o Jerusalim opkolimo e vojskasa te džanen kaj avilo o vreme te avol pusto. <sup>21</sup> Tegani e manuša save si tari Judeja nek našen ke bregura. Thaj e manuša save si taro Jerusalim nek ikljen avral, thaj save si avral ma te irin pe an leste. <sup>22</sup> Golese kaj gola đivesa ka avol e Devlesi kazna, savasa ka pherdol sa okova so si pisimo ano Sveti Lil. <sup>23</sup> Al pharo e khamnjendje thaj kolendje save den čući ane gola đivesa! Golese kaj ka avol baro bilačipe ki phuv, thaj bari holi pe kala manuša. <sup>24</sup> Von ka mudarden kalen manušen e oštrone mačosa, thaj ka inđaren len ano phanglipe maškare sa e manuša ki phuv. Thaj o Jerusalim ka uštaven e manuša save ni džanen e Devlese sa dok ni načhol o vreme lengo.”

### *O Isus vaćarol kaj ka iril pe ki phuv*

(Mt 24,23–35; Mk 13,21–31)

<sup>25</sup> Vadži o Isus vaćarda: “Thaj ka aven e znakura ano kham thaj ano čhon thaj ane čerenja, a ki phuv e manuša ni ka džanen so te čeren tari dar golese so o more ka šundol but thaj e talasura. <sup>26</sup> E manuša ka meren tari dar thaj taro adućaripe so ka avol e svetosa, golese kaj e neboso zuralipe ka tresil pe. <sup>27</sup> Tegani me, o Čhavo e Manušeso, von ka dičhen man sar avav pe oblakura e zuralimasa thaj ani bari slava. <sup>28</sup> A kana ka lol te avol gova, ušten thaj vazden tumare šore, golese kaj tumaro Osloboditelji avol tumende.”

### *Paramič tari smokva*

(Mt 24,32; Mk 13,28)

<sup>29</sup> Thaj o Isus vaćarda lendže i paramič: “Dičhen pi smokva thaj sa e kašta. <sup>30</sup> Kana dičhen kaj ikljen e luluđa lendže džanen kaj paše si o milaj. <sup>31</sup> Gijate tumen kana dičhen kaj sa avol gija sar so phenDEM, džanen kaj si paše o carstvo e Devleso. <sup>32</sup> Čače vaćarav tumendje, kaj kaja

<sup>†</sup> **21,18** Al o bal tumare šorestar ni ka perol O Isus vaćarol taro emcikno kotor ko telo e manušeso. Ke gova način naglasil pe kaj ni trubul te brinin pe pašo lengo sigurnost. I te nesave lendar ka meren, golese kaj si lese sledbenukura, lendže telura palem sigurno ka ušten tare mule ko đive bizo meripe ko buduće sveto. Golese paše lese sledbenukura o meripe nak khanči sostar te daran.

generacija ni ka načhol dok sa kava ni avol.<sup>§ 33</sup> O nebo thaj i phuv ka načhen, a mo lafi ni ka načhol.”

### *Aven džungade*

(Mt 24,36–51; Mk 13,32–37)

<sup>34</sup> Pal gova o Isus vaćarda: “Al aračhen tumen ma tumare ile te aven opteretime ano halanipe thaj matipe thaj e brigenca kale svetose, thaj ma gova đive te resol tumen tari jekh drom. <sup>35</sup> Golese so ka avol sar zamka pe sa e manuša so živin pi kaja phuv. <sup>36</sup> Golese aven džungade sa o vreme thaj molin tumen te bi šaj crdena tumen taro sa o bilačhipe so akana avol, thaj te ačhen bizi lađ ano radujipe angle mande, anglo Čhavo e Manušeso.”

<sup>37</sup> O Isus svako đive sikada ano Hram a i rat suta ko brego e Maslinako. <sup>38</sup> Thaj sa e manuša avena sabalin ke leste te šunen le ano Hram.

## 22

### *O Juda mandol te izdol e Isuse*

(Mt 26,1–5, 14–16; Mk 14,1–2, 10–11; Jn 11,45–53)

<sup>1</sup> Paše sasa e bare đivesa tare bikvasacoso mangro savo akhardol Pasha. <sup>2</sup> Thaj e šorutne e sveštenikurende thaj e učitelja tare Mojsijaso zakono vaćarde maškar peste sar te mudaren e Isuse, al darajle e manuša te na bunin pe.

<sup>3</sup> Tegani o Sotona dija ano Juda Iskariotsko, savo sasa jekh tare dešuduj apostolura. <sup>4</sup> Đelo thaj vaćarda e šorutnencar e sveštenikurencar thaj e hramese zapovednikurencar sar ka izdajil e Isuse. <sup>5</sup> Thaj von radujisajle, thaj vaćarde e Judase kaj ka počinen lese gova. <sup>6</sup> Thaj o Juda dija po lafi. Thaj vov rodija šukar vreme te predol e Isuse dok ni sesa gothe but manuša.

### *Angluno đive tare bikvasacose mangre*

(Mt 26,17–19; Mk 14,12–16)

---

<sup>§ 21,32</sup> kaja generacija Isi različita načinura te razumin kava: 1. kaja generacija značil okola save sesa ano vreme dok o Isus vaćarda, a gova značil kaj o uništipe o Jerusalim thaj avera znakura save ka anen ova generacija znači one koji su bili živi u vrijeme dok je Isus govorio, a to znači da će se uništenje Jerusalem thaj avera znakura save ka anen dži e Hristeso iripe ka počnin te avol dži kaj si džuvde. 2. kaja generacija značil manuša save si bi šukar thaj suprostavin pe e Isusese, a gova značil kaj uvek isi manuša save ni pačan ano Dol save ka suprostavin pe e Isusese sa dži kaj vov irilpe ki phuv; 3. kaja generacija značil “kaja rasa” thaj odnosilpe pe Jevreja, so značil kaj i jevrejsko rasa ni ka načhol angleder so o Isus irilpe, il 4. kaja generacija značin manuša save ka živin ano vreme taro krajura, i gova značil kaj, kana ka aven kala događajura save si spomenutime ane stihura 25-26, o Isus ka irilpe pi phuv pašo džuvdipe kale generacijako.

<sup>7</sup> Thaj avilo o angluno đive e bikvasacose mangreng, ke savo trubuja te čhinolpe o pashalno bakroro, <sup>8</sup> o Isus vaćarda e Petrese thaj e Jovanese: “Džan thaj čeren amendě Pasha te šaj te xa.”

<sup>9</sup> A von pučlje le: “Kaj mande te čera la?”

<sup>10</sup> A o Isus vaćarda: “Kana ka den ano foro, ka aračhen manuše savo inđarol ano khoro paj. Džan pal leste ane savo čher vov džal, <sup>11</sup> thaj pučen gole čherutne: ‘O učitelji pučol an savi soba šaj hal i Pasha pe sikadencar?’ <sup>12</sup> Thaj vov ka sikavol tumendě bari upruni soba savi si postavimi. Gothe čeren i Pasha.” <sup>13</sup> Thaj o Jovane thaj o Petar đele ano foro i arakhlje sar so vaćarda lendže o Isus, thaj gothe čerde i Pasha.

### *Poslednjo večera kaj o Isus čerol Nevo Savezo*

(Mt 26,20–30; Mk 14,17–26; Jn 13,21–30; 1. Kor 11,23–25)

<sup>14</sup> Thaj kana avilo o sato, o Isus bešlo ki sinija, pe dešudujen apostolurencar. <sup>15</sup> Thaj vaćarda lendže: “But mangljem te xav kaja Pasha tumencar angleder so ka avav mudardo. <sup>16</sup> Golese vaćarav tumendě kaj od akana ni ka xav i Pasha dok ni pherdol ano carstvo e Devleso.”\*

<sup>17</sup> Thaj lija o tahtaj e moljasa thaj dija hvala e Devlese, thaj vaćarda: “Len thaj ulaven la maškare tumende. <sup>18</sup> Vaćarav tumendě, od akana ni ka pijav i mol sa dok ni avol o carstvo e Devleso.”

<sup>19</sup> Thaj lija o mangro, dija hvala, thaj phaglja le thaj ulada e sikadendě vaćarindo: “Kava si o telo mingro savo dolpe tumendě. Kava čeren te den tumen godi mandar.” <sup>20</sup> A palo hajipe lija o tahtaj e moljasa thaj vaćarda: “Kava tahtaj si mo rat, rat taro nevo savez savo čhordol tumendě.

<sup>21</sup> A akh mo izdajniko bešol mancar kate ki sinija. <sup>22</sup> Thaj me o Čavo e Manušeso mora te merav sar so si phendo, al pharo e manušese savo ka izdol man!” <sup>23</sup> Thaj e sikade lije maškar peste te pučen pe ko bi čerola gova lendar.

### *Savo si em baro ano carstvo e Devleso trubul te kandol*

(Mt 20,25–28; 19,28; Mk 10,42–45)

<sup>24</sup> Thaj lije te čeren čingara maškare peste ko lendar bi avola em baro. <sup>25</sup> A o Isus vaćarda lendže: “E carura tar kaja phuv gospodarin pe pire manuša thaj isi len vlast pe lende. Von korkore pese vaćaren kaj si ‘manuša save

\* **22,16** I Pasha dola godi e izraelskone narodo pe gova sar o Dol ikalda len andaro ropstvo andaro Egipto kana dije kurbano cikne bakroro thaj čhute leso rat ke vudara pire čherendě. Ko slično način, o Isus si e Devleso cikno bakroro thaj e Isusese ratesa oslobođil pire narodo taro ropstvo e grehoso. O Isus palem ka avol thaj ka vladil sar caro, a pale gova e vernikura ka čeren baro hape thaj ka slavin e Devle savo ikalda len.

but den šukaripe'. <sup>26</sup> A tumen ma čeren gijate! Nego ko si tumendar em baro te avol em cikno, thaj savo si vođa nek avol kova savo kandol. <sup>27</sup> Golese ko si embargo? Kova savo bešol ko astali il savo kandol? Naj li kova savo bešol ko astali? A me sem maškar tumende okova so kandol. <sup>28</sup> A tumen sen gola save ačhile mancar ane mo bilačhipe. <sup>29</sup> Thaj ačhavav tumenđe o carstvo sar mo Dad so ačhada mande <sup>30</sup> te xan thaj te pijen ko astali mingro ane mingro carstvo, thaj te bešen ko tron thaj te sudin pe dešuduj plemenura e Izraelese."

*Ispunil pe ano Svetu Lil so si pisimo taro Isus  
(Mt 26,31–35; Mk 14,27–31; Jn 13,36–38)*

<sup>31</sup> Thaj vaćarda o Isus: "Simone! Simone! Akh o Sotona mandol te sejil tumen sar so sejil pe o điv.<sup>†</sup> <sup>32</sup> A me molisaljem tuće čo pačaipe ma te ačhol. A tu kana ka iri tut ke mande, te zurave če phralen!"

<sup>33</sup> A o Petar vaćarda lese: "Gospod! Spremno sem ano phanglipe thaj ano meripe tusa ka džav!"

<sup>34</sup> A o Isus vaćarda lese: "Vaćarav tuće, Petre! Avđive ni ka đilabol o bašno dok tu trin droma ni vaćare kaj ni pindare man."

<sup>35</sup> Thaj vaćarda lendže: "Kana bičhaldem tumen bize kese parencar, thaj bize traste thaj bizo podipe, so naj sasa tumen?"

A von vaćarde lese: "Khanči."

<sup>36</sup> A o Isus vaćarda lendže: "A akana kas isi kesa te lol la! Gijate i pi trasta! A kas naj mačo nek biknol po fostano thaj nek činol pese.<sup>‡</sup> <sup>37</sup> Golese vaćarav tumenđe kaj trubul te pherdol okova so ačhol ano Svetu Lil mandar: 'Thaj e manuša dikhlije le sar jekhe manuše lendar save phađen o zakono.' Golese sa so pisade e prorokura mandar ka avol sa čače."

<sup>38</sup> A von vaćarde lese: "Gospod! Akh isi amen duj mačura."

A vov vaćarda lendže: "Šukar si!"<sup>§</sup>

---

<sup>†</sup> **22,31** O beng manglja te crdol len taro Isus, sar o gavutno manuš so crdol o điv tari ljsuka. <sup>‡</sup> **22,36** Kana e sikade lije te vaćaren o Lafi e Devleso, o Isus sasa popularno, thaj e manuša pherde ilesa čerena gostoprinstvo kolendje save vaćarena e Isuseso haber. E buča akana promenisajle akana but manuša suprostavin pe e Isusesse thaj lese haberese, pa e sikade mora te arachen pe thaj te aven spremna paše pire potrebe thaj i zaštita. <sup>§</sup> **22,38** Šukar si Značenjura save šaj te aven si: 1. von isi len dovoljno mačura, avere lafurencar: "Akana isi amen dovoljno mačura", il 2. O Isus mandol te prestanin te vaćaren golestas kaj isi len mačura: "Dosta vaćarden tare mačura." Kana o Isus vaćarda lendže kaj trubul te činen pese mačura, vov vaćarda lendže tare opasnostura savencar ka arachen pe. Vov ni manglja čače von te činen mačura em te maren pe.

*O Isus molil pe ki Maslinsko gora  
(Mt 26,36–46; Mk 14,32–42)*

<sup>39</sup> Thaj iklindoj gothar, pal po adeti, ġelo ko Maslinsko brego. A pale leste ġelete e sikade lese. <sup>40</sup> Thaj kana resle o Isus vaċarda lendže: “Molin tumen te ma peren ano iskušenje!”

<sup>41</sup> Thaj crdijape lendar gaċi kobor šaj te čhudol pe bar, thaj pelo ke pe koča em molisajlo e Devlese: <sup>42</sup> “Dade! Te mangljan le mandar te ma pijav tar kava tahtaj e bilačhimaso. Al nek avol sar tu so mande, a na sar so me mangav.” <sup>43</sup> Teg sikadilo lese o meleko taro nebo thaj zurada le. <sup>44</sup> A kana dolda le bari muka, but pozurale molisajlo, a znoj leso sasa sar kaplje taro rat save perena ki phuv.\* <sup>45</sup> Pali molitva uštido thaj avilo ke pe sikade, thaj arakhlja len sar soven taro pharipe kobor sasa lendže. <sup>46</sup> Thaj o Isus vaċarda lendže: “Sose soven? Ušten, molin tumen e Devlese te ma peren ano iskušenje!”

*O Juda izdol e Isuse  
(Mt 26,47–56; Mk 14,43–50; Jn 18,3–11)*

<sup>47</sup> Thaj dok o Isus vaċarda, e manuša, thaj o Juda, jekh tare dešuduj sikade, avena kare leste. Avilo o Juda pašo Isus thaj čumidija le.† <sup>48</sup> A o Isus vaċarda lese: “Judo! Čumidimasa li izdaji man, e Ċhave e Manuše?”

<sup>49</sup> A kana e sikade dikhlje so čerdol, vaċarde “Gospod! Te maramen li? Isi amen mačura.” <sup>50</sup> Thaj čalada jekh tare sikade e sluga e šorutnese e sveštenikurendē, thaj čhindia leso desno kan.

<sup>51</sup> A o Isus vaċarda: “Mučhen len! Nek ċeren gova!” Thaj dolda leso kan thaj sastarda le. <sup>52</sup> A o Isus vaċarda e manušendē so avile pale leste, e šorutne sveštenikurendē, e zapovednikurendē e hramese thaj e phurederendē: “Aviljen pal mande sar po čor čhurenca thaj kaštencar te dolen ma! <sup>53</sup> Sose ni dolden ma dok sema ano Hram? Svako đive sema tumencar odori. Al akana si tumaro sato, kana i sila e kalimasi vladil.”‡

*O Petar odreknil pe taro Isus  
(Mt 26,67–75; Mk 14,66–72; Jn 18,15–18, 25–27)*

<sup>54</sup> Kana dolde e Isuse, inđarde le ke šorutne sveštenikoso čher. A o Petar odural ġelo pale lende. <sup>55</sup> A e strażara phabarade jag ani avlin, bešle savore katane, thaj o Petar

\* <sup>22,44</sup> An nesave purane grčka rukopisura naj 43. i 44. retka. † <sup>22,47</sup> Nekobor purane rukopisura dodajin: “Golese kaj gija dija znako: ‘Kas čumidav gova si.’” ‡ <sup>22,53</sup> sila e kalimasi vladil značil “vreme kaj o Sotona delujil”.

bešlo lencar. <sup>56</sup> Dikhļja le jekh sluškinja sar bešol paši jag, thaj dikhļja nakar leste thaj vaćarda: "Kava sasa lesa!"

<sup>57</sup> A vov hohada vaćarindo: "Džuvlje! Me ni pindžarav le!"

<sup>58</sup> Nekobor pale gova pindžarda le aver thaj vaćarda: "Tu san jekh lendar!"

A o Petar vaćarda: "Manušeja, naj sem."

<sup>59</sup> Thaj kana nakhlo paše jekh sato nesavo manuš uporno vaćarda taro Petar: "Čače thaj kava manuš sasa lesa. Galilejco si!"

<sup>60</sup> A o Petar vaćarda: "Manušeja! Ni đanav so tu phene!" Thaj sigate dok vov vaćarda o bašno đilabija. <sup>61</sup> Thaj irisajlo o Gospod thaj dikhļja e Petre, thaj o Petar dija pe godi so vaćarda lese: "Avđive ni ka đilabol o bašno dok tu trin droma ni vaćare kaj ni pindare man." <sup>62</sup> Thaj o Petar iklilo avral thaj zurale ruja.

<sup>63</sup> A e čuvara lije te maren e Isuse thaj te maren lesa muj.

<sup>64</sup> Thaj učharde lese jakha thaj marde le thaj pučhlje le: "Prorokuji ko čalada tut?" <sup>65</sup> Thaj but avera bilačhe buča vaćarde pe leste.

*O Isus angle jevrejska vođe*

(Mt 26,59–66; Mk 14,55–64; Jn 18,19–24)

<sup>66</sup> Thaj kana sasa sabalin, čidijepe e narodna phuredera, thaj e šorutne e sveštenikurendje thaj e učitelja tare Mojsijaso zakono. Ande e Isuse angle bare manuša <sup>67</sup> vaćarindo: "Tu li san o Hristo? Vaćar amende."

A o Isus vaćarda lendže: "Ako i vaćarav tumendje, ni ka pačan ma. <sup>68</sup> Te pučljem tumen khanči, ni ka vaćaren mandje. <sup>69</sup> Al od akana me, o Čhavo e Manušeso, ka bešav ko časno than pašo Zuralo Dol."

<sup>70</sup> Savore vaćarde: "Tu li san o Čhavo e Devleso?"

A o Isus vaćarda lendže: "Korkore vačarden kaj sem me."

<sup>71</sup> A von vaćarde: "So trubul amen po but dokazura? Golese kaj korkore amen šundam tare leso muj."

## 23

*Inđarde e Isuse ko Pilat thaj ko Irod*

(Mt 27,11–14; Mk 15,1–5; Jn 18,28–37)

<sup>1</sup> Tegani sa e bare manuša e jevrejska uštite thaj inđarde e Isuse ko Pilat, o rimske upravnike. <sup>2</sup> Thaj lije te vaćaren bilačhe e Isusestar: "Arakhljam le sar xoxavol amare manušen, thaj ni dol te počinen o porezi e carose, a pese vaćarol kaj si o Hristo, caro."

<sup>3</sup> A o Pilat pučlja le: "Tu li san o caro e Jevrejengo?"

A o Isus irindo vaćarda lese: "Gija si sar so tu vaćare."

<sup>4</sup> A o Pilat vaćarda e šorutne sveštenikurende thaj e manušende: "Me ni arakhav nisavo bandipe ane kava manuš."

<sup>5</sup> A von dije zori vaćarindoj: "Vov pire sikaimasa e manušen bunil ki sa i phuv e jevrejendī. Počnisada ki Galileja thaj avilo sa dži kate ano Jerusalim!"

<sup>6</sup> Thaj kana šunda o Pilat, pučlja: "Vov li si tari Galileja?"

<sup>7</sup> Thaj kana šunda o Pilat kaj si o Isus tari Galileja bičhalda le ko Irod, golese so o Irod vladisada ani Galileja. A vov sasa an gola đivesa ano Jerusalim.

<sup>8</sup> Kana dikhla o Irod e Isuse sasa but radujimo, golese kaj odavno manglja te dičhol le, golese kaj but šunda lestar, thaj dija gođi kaj o Isus ka čerol nesavo čudo angle leste. <sup>9</sup> Thaj o Irod pučlja baše but buča, a o Isus khanči ni vaćarda lese.

<sup>10</sup> A e šorutne e sveštenikurende thaj e učitelja tare Mojsijaso zakono ačhile, thaj baro bilačhipe vaćarde lestar.

<sup>11</sup> A o Irod thaj lese vojnikura lađarde le thaj asaje e Isusese, urade le ano carsko fostano, thaj bičhalda le palal ko Pilat.

<sup>12</sup> Thaj ane gova đive mirisajle o Pilat thaj o Irodo maškare peste, a angleder golestara sesa ane čingara.

### *E Isuse osudin ko meripe*

(Mt 27,15–26; Mk 15,6–15; Jn 18,39–19,16)

<sup>13</sup> A o Pilat čidija e šorutnen e sveštenikurende thaj e barutnen thaj e manušen thaj <sup>14</sup> vaćarda: "Anden mande kale manuše thaj phenen kaj e manušen bunil. Ake me angle tumende pučljem le, thaj ni arakhav ni jekh bandipe so tumen čhoven pe leste. <sup>15</sup> A i o Irod ni arakhla bandipe pe leste, golese bičhalda le palal amende, thaj akh khanči ni čerda te mudardol. <sup>16</sup> Golese ka šibi le thaj ka mukha le."

<sup>17</sup>\*

<sup>18</sup> A e manuša sa dije vika vaćarindoj: "Le kale a muk amendē e Varava!" <sup>19</sup> (O Varnava sasa čhudimo ano phanglipe golese so čerda pobuna ano Jerusalem thaj mudarda nekas.) <sup>20</sup> A o Pilat vadži jekh drom vaćarda kaj bi vov mučhola e Isuse. <sup>21</sup> A von dije vika: "Čhu le ko krsto, čhu le ko krsto!"

<sup>22</sup> Thaj o Pilat trito drom vaćarda: "Savo bilačhipe vov čerda? Me khanči ni dikhav sose bi mudardol, gija ka šibiv le thaj ka mukhav le."

<sup>23</sup> A e manuša ni ačhile te vazden po glaso thaj manglje te čhoven e Isuse ko krsto. I lendži vika sasa po zurali thaj po zurali. <sup>24</sup> Thaj golese o Pilat vaćarda te avol sar so e manuša manden. <sup>25</sup> Thaj mukhlja e Varnava, savo sasa ano

\* <sup>23,17</sup> An nesave purane grčka rukopisura ačhol: "A trubuja ko prazniko te mečhen jekhe phangle manuše" (dikh Mt 27,15; Mk 15,6).

phanglipe paši pobuna thaj pašo mudaripe, a e Isuse dija lendže sar so manglje.

*E Isuse čhuyen ko krsto  
(Mt 27,32–44; Mk 15,21–32; Jn 19,17–27)*

<sup>26</sup> Thaj kana inđarde e vojnikura e Isuse, dolde nesave Simone tari Kirina<sup>†</sup> savo avola taro polje, thaj čhute pe leste o krsto te phiravol le palo Isus. <sup>27</sup> A palo Isus đele pherdo manuša, thaj džuvlja save ruje thaj žalisade le. <sup>28</sup> A o Isus okrenisajlo premal lende thaj vaćarda: “Čhejalen taro Jerusalim! Ma roven pale mande. Roven pale tumende thaj pale tumare čhave. <sup>29</sup> Golese dikh, aven e đivesa<sup>‡</sup> ane save ka vaćaren: ‘Blagoslovime kola džuvlja save naštij bijanen, thaj e vođa save ni bijande, thaj e čučendje save ni dije čuči!’<sup>§</sup> <sup>30</sup> Tegani ka vaćaren e planinendje: ‘Peren pe amende!', thaj e bregurendje: ‘Učharen amen!' <sup>31</sup> Golese kaj ako akana čerolpe kava e zelenone kašteta, so ka avol e šuče kašteta?”\*

<sup>32</sup> Inđarde duje bilačhe manušen katane e Isusesa te aven mudare. <sup>33</sup> Thaj kana avile ke kova than savo akhardola kokalo e šoreso,<sup>†</sup> gothe čhute ko krsto e Isuse thaj e duje bilačhe manušen, jekhe tari desno rig e Isusesi a avere ki levo rig.

<sup>34</sup> A o Isus vaćarda: “Dade! Oprosti lendže, golese kaj ni džanen so čeren.”<sup>‡</sup> Thaj e vojnikura čhudije o kocka thaj ulade maškar peste leso fostano.

<sup>35</sup> But manuša ačhile thaj dikhlije sa gova, a e barutne marde muj thaj vaćarde: “Averen spasisada, so ni spasil korkoro pes akana, te si vov o Hristo, birimo e Devleso.”

<sup>36</sup> A e vojnikura marde muj lesa, thaj avile paše leste thaj dije le šut.<sup>§</sup> <sup>37</sup> Thaj vaćarde e Isusese: “Te san tu caro e

<sup>†</sup> **23,26** Foro ani severno Afrika <sup>‡</sup> **23,29** Gasavo vreme avilo 70 berš palo Hrist. I Rimsko vojska opkolisada thaj uništisada o Jerusalim thaj mudarda buten. <sup>§</sup> **23,29** An gova buduće vreme čhavore ano Jerusalim ka trpin ke strašna načinura. Tegani o narodo ka mislin kaj si bolje e manušendje save najlen čhave. Naj len tuga kana dičhen sar lendže čhave patin il meren.

\* **23,31** Šuko kaš phabol po sigate taro zeleno kaš. Phabaripe si metafora zaki patnja il i kazna. O Isus sasa sar zeleno kaš golese so ni zasluzisada te phabol (trpil). Manuša save odbacisade e Isuse sesa sar šuče kašta. Zasluzisade te phabaren pe (patin) zbog pe grehura. <sup>†</sup> **23,33** Golgota <sup>‡</sup> **23,34** A o Isus vaćarda: “Dade! Oprosti lendže, golese kaj ni džanen so čeren.” Ane nesave purane grčka rukopisura ni ačhol kaja rečenica. <sup>§</sup> **23,36** dije le šut O šut sasa jeftino pijipe savo e obična manuša pilje. E vojnikura asaje e Isusese gija so dije le jeftino pijipe nekase ko vaćarol pese kaj si caro.

Judejako, spasi korkoro tut.”<sup>38</sup> A sasa pe leste upre pisimo\* kala lafura: “Kava si caro e Jevrejengo.”

<sup>39</sup> A jekh tare bilačhe manuša so sesa ko krsto e Isusesa marda muj thaj vaćarda lese: “Te san tu o Hristo spasi tut thaj amen!”

<sup>40</sup> A o dujto ko krsto so sasa dija vika pe leste thaj vaćarda: “Tu li ni dara taro Dol? Kana san i tu korkoro gija osudimo?”<sup>41</sup> Amen sam čače osudime, golese sam kate amare bučendje, a vov nisavo greh ni čerda.”<sup>42</sup> Thaj vaćarda e Isusese: “Isuse, detu godi pe mande thaj av mande milostivno kana ka vlati sar caro.”†

<sup>43</sup> Thaj vaćarda lese o Isus: “Čače vaćarav tuće: avđive ka ave mancar ano raj.”

### *E Isuseso meripe*

(Mt 27,45–56; Mk 15,33–41; Jn 19,28–30)

<sup>44</sup> A sasa popodne kana peli i rat ki sa i phuv dži ke trin popodne,<sup>45</sup> golese so kalilo o kham. A i hramsko fironga‡ pharadili ke opaš.<sup>46</sup> Thaj o Isus dija vika ande sa o glaso: “Dade! Ane čire vasta mukhav mo duxo.” Thaj gole lafurencar mulo.

<sup>47</sup> A kana dikhla o kapetano so sasa, lija te hvalil e Devle thaj vaćarda: “Čače kava manuš sasa čačukano pobožno manuš!”<sup>48</sup> Thaj sa e manuš save čidijepe te dičhen kava, kana dikhlae so sasa, irisajle thaj mardepe ane pire kolina tari žal.<sup>49</sup> A kola so džanglje e Isuse thaj e džuvlja so avile lesa tari Galileja ačhile po dur thaj dikhlae kava.

### *E Isuse čhuven ani limori*

(Mt 27,57–61; Mk 15,42–47; Jn 19,38–42)

<sup>50</sup> Sasa jekh manuš palo alav Josif, savo sasa jekh tare bare manuša e jevrejende. Sasa šukar manuš thaj čače pobožno<sup>51</sup> tari Arimateja, foro e Judejako. Vov ni složisajlo golesa so čerde e Isusese, thaj adućarda o carstvo e Devleso.<sup>52</sup> Đelo ko Pilat thaj rodije o telo e Isuseso.<sup>53</sup> Thaj o Josif uljarda e Isuseso telo taro krsto thaj paćarda le čaršafesa, thaj čhuta le ano limori savo sasa hundo ano bar,<sup>§</sup> ane savo khoni naj sasa čuto.<sup>54</sup> Čerda gova jekh đive anglo savato,\* a o savato lija te ikljol.

\* <sup>23,38</sup> Ane nesave rukopisura ačhol: kaj si pisimo ko grčki, latinski thaj jevrejski † <sup>23,42</sup> Ano original ačhol: “Detu godi mande, Isuse, kana ka ave ane čo carstvo” ‡ <sup>23,45</sup> firongaKaja fironga sasa bari prekale 25 metra visoko thaj odbisada o sveto than taro avera thana ano hram. § <sup>23,53</sup> E jevreja ponekad koristisade e stene sar limora, čerena sa rupe andral i phandena o limori bare baresa. \* <sup>23,54</sup> đive kana e manuša spremina pe za ko jevrejsko đive te odmorin pe, đive e savatoso.

<sup>55</sup> A e džuvlja save avile e Isusesa andari Galileja, đele palo Josif i dikhlje o limori i sar čhute e Isuseso telo.  
<sup>56</sup> Irisajle čhere te čeren o miris thaj so te mačhen e Isuseso telo. Kana sa čerde, već avilo o savato i naštine čeren khančhi gova đive pale Mojsijaso zakono.

## 24

*E Isuseso uštipe tare mule  
(Mt 28,1–10; Mk 16,1–8; Jn 20,1–9)*

<sup>1</sup> Ko angluno đive palo savato, rano sabalin avile e džuvlja ko limori, thaj ande mirisura save čerde <sup>2</sup> thaj arakhlij o bar\* crdimos taro limori. <sup>3</sup> Dije andre thaj ni arakhlij o telo e Gospodeso e Isuseso. <sup>4</sup> Thaj dok pučlje pe so sasa gova, dikh, duj manuša ačhile angle lende ane sjajna fostanura. <sup>5</sup> E džuvlja but darajle thaj perade pe šore tele nakari phuv. Thaj e duj manuša pučlje e džuvljen: “Sose roden e džuvde maškar e mule? <sup>6</sup> Naj kate. Uštilo tare mule! Den tumen godi so vaćarda tumendē dok vadži sasa ani Galileja: <sup>7</sup> ‘Me o Čhayo e Manušeso trubul te avav dindo ane vasta e manušendē e grešnonendē thaj ka čhoven ma ko krsto thaj trito đive ka uštav.’”

<sup>8</sup> Thaj dijepe godi so vaćarda lendže o Isus. <sup>9</sup> Thaj irisajle taro limori thaj vaćarde sa e dešujekhe apostolurenđe thaj savorenđe averenđe. <sup>10</sup> A gola džuvlja sesa i Marija taro foro Magdala, i Jovana, i Marija e Jakovesi dej thaj avera save vaćarde kava e apostolurenđe. <sup>11</sup> Thaj e apostolurenđe kala lafura sesa sar xoxaipe thaj ni pačaje e džuvljendē. <sup>12</sup> Al o Petar uštilo thaj prastaja ko limori. Kana telilo, dikhla samo o čaršafi savo ačhilo, thaj đelo thaj čudisajlo ane peste so sasa gova.

*O Isus sikadilo e sikadendē ko drom ano Emaus*

<sup>13</sup> Ane gova đive duj e Isusese sikade đele ano gav savo akhardola Emaus thaj vov sasa dur taro Jerusalim dešujekh kilometra.† <sup>14</sup> Thaj phirindoj vaćarde maškar peste sa okova so sasa. <sup>15</sup> Thaj dok vaćarde maškar peste thaj pučlje khanči jekh avere, korkoro o Isus avilo paše lende, thaj đelo lencar. <sup>16</sup> Al lendže jakhendē ni sasa mukhlo te pindžaren le.

<sup>17</sup> A o Isus pučlja len: “Sostar gova vaćaren maškar tumende phirindoj?” Ačhile i tužnisajle.

\* **24,2** o bar Kava sasa baro, isklesimo, okruglo bar gaći baro kaj šajine te phandol o limori. Kana bi crdena le, but murša bi trubuna te bi crden le taro than. † **24,13** Ano original ačhol: “šovardeš stadijumura”

<sup>18</sup> A jekh ko alav o Kleopa, vaćarda e Isusese: “Tu li san jedino abandžija ano Jerusalim savo ni šunda so sasa kala divesa odori?”

<sup>19</sup> Thaj o Isus pučlja len: “So sasa gova?”

Thaj von phende lese: “Gova so čerdilo e Isusesa taro Nazaret. Vov sasa zuralo proroko ano vaćaripe thaj ano čeripe anglo Dol thaj angle manuša. <sup>20</sup> Amare šorutne sveštenikura thaj amare avera vladara dije le te avol osudimo ko meripe thaj čhute le ko krsto. <sup>21</sup> Amen nadisajljam kaj vov ka ikalol<sup>†</sup> o Izrael. Ake trito đive sar sasa sa gova. <sup>22</sup> Thaj bunisade amen nesave džuvlja maškar amende. Save sesa sabalje ko limori, <sup>23</sup> al ni arakhle e Isuseso telo odori. Avile thaj phende amende kaj dikhle e melekuren save phende lendže kaj si o Isus džuvdvo. <sup>24</sup> Tegani nesave amendar đele ko limori thaj dikhle kaj si o limori čučo, sar so vaćarde e džuvlja, al ni dikhle e Isuse.”

<sup>25</sup> A o Isus vaćarda lendže: “O bigođače manušalen! Pharo tumenđe te pačan so vaćarde e prorokura ano Svetu Lil! <sup>26</sup> Ni li von vaćarde kaj o Hristos ka načhol sa gova bilačipe angleder so o Dol ka proslavil le?”<sup>§</sup> <sup>27</sup> Thaj lija te objasnili lendže o Isus sosi pisimo taro Hrist, so pisada o Mojsije thaj sa e prorokura ano Svetu Lil.

<sup>28</sup> Thaj kana avile pašo gav ane savo đele, o Isus čerda pe kaj mandol te džal po dur lendar. <sup>29</sup> Thaj von ačhade le vaćarindo: “Ačh amencar! Nakhlo o đive, thaj i rat lija te perol!” Ačhilo thaj dija lencar ano čher. <sup>30</sup> Thaj kana sasa lencar ko astali, o Isus lija o mangro, blagoslovisada le thaj phaglja le thaj dija len. <sup>31</sup> Tegani lendže jakha putajle, thaj pindžarde le. Thaj sigate hasajlo.

<sup>32</sup> Thaj von vaćarde jekh averese: “Ni li phabile amare ile kana o Isus phirindoj vaćarda amende ko drom thaj kana objasnisa da amende o Svetu Lil?” <sup>33</sup> Thaj uštile ane gova sato thaj irisajle ano Jerusalim. Arakhle e dešujekhen apostoluren sar bešen savore thaj save sesa lencar. <sup>34</sup> Thaj e dešujekh sikade vaćarde lendže: “Čače uštilo o Gospod, thaj sikada pe e Simonese!” <sup>35</sup> Thaj kala duj sikade so sesa ko drom pašo Emaus vaćarde so sasa, thaj sar pindžarde e Isuse kana phaglja o mangro.

*O Isus sikadol pe sikadende  
(Jn 20,19–23)*

---

<sup>†</sup> **24,21** ikalol oslobođil il otkupil il izbavil il spasil. (Dikh “otkupipe, te otkupil pe” ano rečnik.)    <sup>§</sup> **24,26** Kava odnosil pe ke Isuseso početak te vladil i te primil o čast thaj i slava.

<sup>36</sup> A kana von gova vaćarde, o Isus tar jekh drom ačhilo maškare lende thaj vaćarda lendže: "Mir tumendē." <sup>37</sup> A von darajle thaj sesa bunime golese kaj dije godi kaj dičhen duxo. <sup>38</sup> Thaj vaćarda lendže: "Sose daran? Thaj sose ni pačan? <sup>39</sup> Dičhen me vasta thaj me pingre! Me sem gova! Dolen man thaj ka dičhen! Golese kaj e duxo naj telo thaj kokala sar so dičhen man isi!" <sup>40</sup> Thaj dok vaćarola sa gova sikada pe vasta thaj pe pingre save sesa kovime ko krsto.\*

<sup>41</sup> Sesa gija začudime em radosna kaj naštine pačan thaj pučlja len: "Isi li tumen khanči hamase?" <sup>42</sup> A von dije le kotor peće mačhe. <sup>43</sup> Thaj lija o Isus em xalja angle lende.†

<sup>44</sup> Thaj vaćarda lendže: "Kava si okova sostar vačardem tumendē kana sema tumencar, kaj trubul te avol sa so pisime mandar ano zakono e Mojsijaso thaj ane Lila save pisade e prorokura thaj ane psalmura." <sup>45</sup> Tegani putarda lendže jakha te haljaren o Svetu Lil. <sup>46</sup> Thaj vaćarda lendže: "Gija si pisimo ano Svetu Lil, kaj trubul o Hristos te mudardol thaj te uštol tare mule ko trito đive. <sup>47</sup> Thaj an lesu alav ka vaćarol pe sa e manušende, počnindoj taro Jerusalim, kaj trubul te pokajin pe te bi o Dol oprostila lendže grehura. <sup>48</sup> A tumen sen kola save dikhaje sa kava so sasa.

<sup>49</sup> Thaj dikh, me ka bičhalav o Svetu Duxo pe tumende sar mo Dad so obećisada. A tumen ačhen ano foro ko Jerusalim sa dok o Dol ni bičhalol pe tumende pi zor!"‡

*O Isus iril pe ano nebo*

*(Mk 16,19–20; Buča 1,9–11)*

<sup>50</sup> Thaj o Isus inđarda len dži ko gav i Vitanija. Gothe vazdija pe vasta thaj blagoslovisada len. <sup>51</sup> Thaj sar blagoslovisada len lija te crdol pe lendar, thaj lija te uštol ko nebo. <sup>52</sup> Thaj von pele ke pire koča anglo Isus, tegani irisajle ano Jerusalim radosna. <sup>53</sup> Thaj sesa stalno ano Hram thaj slavisade e Devle. Amin.

\* **24,40** sikada pe vasta thaj pe pingre save sesa kovime ko krsto Ano original ačhol: "sikada pe vasta thaj pe pingre". Ke vasta thaj ke pingre vadži ačhile lese oziljkura tare eksera save čhute le ko krsto. † **24,43** Gova čerda te sikavol lendže kaj naj duxo, golese kaj e duxura ni xan. ‡ **24,49** Ano original ačhol: "dok naj sen urade e silasa". Devlesi sila ka učharol len ko isto način sar e šeja so učharen e manuše. Golesa ka dobin sila taro Sveti Dux sar bi šajine te svedočin averenđe taro Isus.